

# CYGNI NOSTER AMOR.



## IN CYGNEA M POMPAM,

*Aspice qua pompa Tamesinis fertur in undis  
Isiaca veniens Cygnus speciosus ab urbe.  
Ut q<sup>3</sup> ducem placidè sequitur chorus ovariant.  
Ille suas resono celebrabit carmine ripas,  
Nomen & Henrici Regis feliciter amplum  
Concentor sublimè feret super aethera latus.  
Prebeat attentas auditor musicus aures.  
Rara quidem Cygnum res est audire canentē:  
Concinnisse iuuen doctorum turba virorum  
Pradicat, et molica vocis pinctū omne tulisse.*

# CYGNI NOSTER AMOR.



## IN CYGNEA M POMPAM,

Aspice qua pompa Tamesinis fertur in undis  
Isiaca veniens Cygnus speciosus ab urbe.  
Ut q<sup>3</sup> ducem placidè sequitur chorus ovan<sup>t</sup>ẽ.  
Ille suas resono celebrabit carmine ripas,  
Nomen & Henrici Regis feliciter amplum  
Concentor sublimè feret super æthera latus.  
Prebeat attentas auditor musicus aures.  
Rara quidem Cygnum res est audire canentẽ:  
Concinnisse iuuen doctorum turba virorum  
Prædicat, et molica vocis pinctũ omne tulisse.



KYKNEION

AΣΜΑ

Cygnea cantio.

---

A U T O R E

Joanne Lelando

*Anti-Quario.*

---

LONDINI

EXKNEION

A'ZMA

CAVUS CAVUS



AUTOT

JOHANNES ELAND

JOHANNES ELAND



JOHANNES ELAND

Longe  
Invictissimo Henrico

Eius Appellationis OCTAVO, Regi  
Anglia, Francia, & Hibernia; Fidei de-  
fensori; ac Anglicana, & Hibernia  
Ecclesie proximè à Christo, Su-  
premo capiti: Ioannes LE-  
LANDUS Londinen-  
sis, felicitatem optat  
perpetuam.

**T**anta est tui nominis cum cele-  
britas, tum gloria cum maiestate  
conjuncta, *Rex illustrissime*, ut me  
scribentem magnitudine quadam  
suâ facile deterreant. At rursus cum mecum  
cogito, quâ te natura totum solers facilitate,  
humanitate benevolentia, candore, denique  
ingenuitate beavit: non possum certè ca-  
lamo temperare, quo minus animum, atque  
ad eò officium erga te meum luculento ali-  
quo contester exemplo.

Accipe igitur, quid muneris in præsentia  
apportem. Adoleicens, totus planè conflagram  
*Camænarum* amore: qui ardor eò  
me tandem impulit, ut treis *Epigrammaton*

## P R A E F A T I O.

libellos scriberem, diligentia quidem magna, at interim an pari eloquentia, felicitate, & gratia, nescio. Primo Græcum addidi Titulum, viz. *Εὐχαριστικόν*. Secundo verò Latinum *Sales* nomen inditum. Terminus & Græcè inscriptus *Εὐχαριστικόν*.

Nec sic contentus Musas demeruisse, aggreffus sum, magnis quidem ausis, *EAD-VEARDI* Principis, filii tui incomparabilis, *Natalem* diem percelebrare. Qui libellus, quamvis Gratias, Veneres, & lepores Antiquitatis majestatem inimitabilem quidem illam exprimenteis à mea tenuitate accipere non potuit, futurum tamen sperat (de tuo tanta existimatio est *Ascanio*, quem prædicat, quem suspicit, quem denique colit) ut si non ingentem laudem, at interim suffragia qualiacunque & vitam à docta facile impetret Posteritate.

Decreveram, hoc libello edito, manum de tabula: tollere, & Musas eruditæ Juventuti relinquere. Nam me aliò iam olim vocaverat nova cura *Historia* atque adeò *Antiquitatis* Britannicæ studium, quam videbam quorundam non modo negligentia, & solordia, verum etiam ingratitude pressam, & tenebris plus quàm Cimmeriis, obvolutam. Sen' erat *Calliope*, Musarum prima, si non delectorem, saltem cessatorem esse me:

mo-

monuitque, ut, si iam planè apud me consti-  
tuissem severiora amplecti studia, *Cygneum*  
*aliquid* decedens canerem, Musisq; symmi-  
sta consecrarem.

Non potui certè tam æqua petenti operā  
pernegare meam. At interim sollicitè quæ-  
renti mihi unde potissimum *Cantionis* exor-  
dium desumerem: *Tamesis* fluviorum om-  
nium, qui *Britanniam* alluunt tuam, facile  
princeps, mihi in mentem venit. Hujus ego  
aliquādo, vel ab ipsis fontibus, *Ripas*, *Sinus*,  
*Anfractus*, *Divortia*, *Mæandros*, denique &  
*Mediamnes-Insulas* omneis curiosissimè  
collustravi, & memoriæ cōmendavi. *Tame-  
sim* nemo ignorat *Cygnorum* & altorem, &  
cultorem esse maximum, eo præcipuè loco,  
quo insulas, prope *Isidis Vadum*, Urbem bo-  
narum literarum cognitione vel ad æthera  
notam, mediis complectitur ulnis. Ego verò  
cum nuper à te huc missus essem non sine  
honorifico munere ad *Cygnos*, ita delibu-  
tus sum loci tum amœnitate, tum gratiâ, ut  
meritò gaudeam me jam tandem nactū esse  
occasionē opportunā, qua *Cygnos*, & *Tamesim*  
pro dignitate celebrē, admirer, suspiciam:  
cujus tu etiam in ripis & faultissimo natus  
es fidere, & altus.

*Cygnum* igitur ab *Isidis vado* ad *Grenov:-  
cum*, palatium illud excelsum tuum, secun-

## P R A E F A T I O.

do navigantem flumine, multaq; ex pene-  
tralibus Antiquitatis de *Tamēsi* referentem;  
ac postremò res gestas tuas cahentem; eà  
fronte accipe, quā minutissima tuæ Majestati  
exhibentes serenas.

Utque penitiùs intelligas, quæ illustrissi-  
maz notæ scriptores suffragia *Cygnæa cantioni*  
olim cōtulerint, accuratè pericribam quid  
de eorum *Græci*, tum *Latini* scriptores pro-  
nunciaverint. Principiò Vergilius Latino-  
rum poetarum decus maximum, de *Cygnō*  
sic scribit decimo *Aeneidos* libro.

*Nanque ferunt luctu Cygnum Phærontis  
amati*

*Populeas inter frondes, umbramq; sororum  
Dum canit, & mastà Musà solatur amorē  
Canentem molli pluma daxisse senectam,*

*Linguentem terras, & sidera voce sequentem*  
Ovidius libro *Metamorphoseos* secundo ea-  
dem canit, elegantissimè expressa *Cygni* fi-  
gurà.

*Cum vox est tenuata viro, canaque capillos  
Dissimulant plumæ, collumq; à pectore longè  
Porrigitur, digitosq; ligat junctura ruben-  
teis.*

*Penna latus velat, tenet os sine acumine ro-  
strum.*

Eodem etiam libro *Cygnæa cantionis* memi-  
nit.

Et

## IN SYG. CANT.

*Et quæ Meonias celebrabant carmine ripas  
Flumineæ volucres medio caluere Caystro.*

Idem rursus decimo quarto ejusdem Operis libro, hæc de Canente Pici regis conjugæ refert.

*Illic cum lachrymis ipsos modulata dolores  
Verba sono tenui mærens fundebat, ut olim  
Carmina jam moriens canit exequialia Cygnus.*

Accedunt huc & versiculi ex epistolis Heroidum.

*Sic, ubi fata vocant, undis abjectus in undis  
Ad vada Meandri concinit albus Olor.*

Et alibi.

———*Veluti, canentia duræ*

*Trajectus cannâ tempora, cantat Olor.*

Denique & quarto de Tristibus sic scribit.

*Utque jacens ripa deslère Caystrius ales  
Dicitur ore suam deficiente necem.*

Lucretius etiam libro quarto talia de Cygnis sub mortem cantantibus infert.

*Vallibus & Cygni nece detorti ex Heliconis  
Cum liquidam tollunt lugubri voce querelam.  
Martialis quoque poeta hoc disticho Cygnem  
cantum in Xeniiis collaudat.*

*Dulcia defecta modulatur carmina lingua  
Cantator Cygnus funeris ipse sui.*

Alexander Nechamius Anglus his verbis Cygneū magnificè melos exprimit in libro

## P R A E F A T I O

de laude Sapientiæ divinæ.

*Ludenti similis paulisper sublevat alas:*

*Cedentes tumido pectore sulcat aquas.*

*Atropos illa tuis jussis obtemperat ultro,*

*Extremum cum jam cernat adesse diem.*

*Dulce melos resonat, demulcet numina cantu:*

*Mellifluo notas ore salutat aquas.*

*Exequias cantu redimit cōtempтор honoris,*

*Et gaudet praco funeris esse sui.*

*Gaudet præsens se linquere tadia vitæ,*

*Et latus leti fata quietæ subit.*

*Jamq; vales faciens Lachesi, cœlum sibi bustum*

*Eligit, & volucres spernere fata monet.*

Causam verò hujus tam melici concentus, hanc esse philosophi adfirmant, spiritus videlicet per collum procœrum, & angustum erumpere laboranteis.

*Pythagoras* eâ fuit opinione, ut crederet Cygnorum animas immortales esse, atque adeò hinc in funere lætari, ac concinere.

Sed neque Cygni canunt, nisi flante Zephyro vento, geniali quidem illo, si quicquam *Aeliani* Græci judicio tribuendum.

Sunt qui & Cygnos sacros fuisse *Apollini* adfirmant. Unde & *Alexander Nechamius* sic concinit.

*Quid, quod Apollinis est volucris præsaga  
futuri?*

*Et latuit Cygno Juppiter ipse suo.*

Nec



## IN CYG. CANT.

Nec defunt qui eosdem alumnos *Venerat* fuisse dicant : inter quos & *Horatius* Lyricus, ut liquidò ex hoc apparet versiculo.

*Et Paphum junctis visit oloribus.*

Subscribit & huic *Statius* libro Sylvarum tertio. *Et molleis agitat Venus aurea Cygnos.*

Neque enim hîc ab instituto alienum erit meo, si apertè significaverò Cygneam Cautilenā in proverbio non modò Græcis, verum etiam Latinis scriptoribus fuisse, ut apparet in præclarissimo Proverbiorum *Erasmi* Opere: quo loco *Athaneum*, *Chrysippi* in hac parte imitatore, *Aelianum*, atque alios testes in medium producit.

Convenire autem illud adfirmant Senibus mellita tanquam postrema canentibus. Habent enim senes maturam quandam rerum memorabilium longo usu partam cognitionem, quæ circulum absolvat, & operis egregiè incepti, ac feliciter consummati deductam quandam harmoniam tersis instillet auribus.

Tale quiddam videtur *Cicero*, Latinæ gloria eloquentiæ, tertio de Oratore libro, de *L. Crasso* loquens, his verbis innuere: *Illam tanquam Cygnea fuit divini hominis vox, & oratio, quum quasi spectantes post ejus interitum veniebamus in curiam, ut vestigium illud ipsum,*

## P R A E F A T I O.

*sum, in quo ille postremum institisset, contuermur.*

*Hieronymus* denique, Sacrae interpres Scripturae, ait, Senes nescio quid *Cygneum* canere, perinde ac si diceret *numerus quidpiam absolutum omnibus*. Haecenus de *Cyanea cantione*.

Addidi praeterea, tanquam ad coronidem, quorundam antiquorum Nominum & catalogum, & interpretationem, ut hinc *Britannica Antiquitatis* cognitio à multis toties anxie *quasita*, at non *inventata* tamen, nunc quasi *reperta* videatur. Tantum in praesentia gustum erudito lectori majoris Operis quotidie accrescentis exhibui, quem si sensero lautis placuisse palatis, tam fule, & accurate scribam, ut aliquando & gratus, & utilis patriae, adsit modò candidus censor, videar.

Tu Princeps, omnium quos sol videt, humanissime, atque idem Eruditissime, cape lata manu haec tui qualiacunque munuscula Alumni, si non eloquentis, certè tibi tam bene, quàm qui optimè cupientis. Sic *Scorros* genus foedifragum, & *Gallos* antiquos tui longè nobilissimi generis, unà ac Imperii, hostes, ut victor strenuè incepisti, concutias, prosterneas, tandemque fortunatissimus debelles.

Vale

IN S R G. CANT.

Vale præsidium, & dulce decus Brit-  
tanniæ.

Londini tertio Calendarum Jul.

ACCLAMATIO.

*Vive pater patriæ Rex  
illustrissime regum  
Ascanius toto floreat  
orbe tuus.*

*Ad*

Ad Inviētissimum Hen-  
ricum Octavum, An-  
glorum Regem.

*Perge precor zephyris, Princeps, dare vela  
secundis.*

*Hoc pater Oceanus, Neptunus poscit &  
ipse*

*Nerēidumque chorus. Victoria leta tri-  
umphos*

*Promittit summos, precium immortale la-  
boris.*

*Macte animo Victor felix: hâc itur ad  
astra.*

KYK-

K Y K N E I O N  
A Σ M A

*Cyanea Cantio.*

-- | -<sup>uu</sup> | -<sup>u</sup> | -<sup>u</sup> | -<sup>u</sup>

Cygnus me genuit pater, ligustris  
Ipsis candidior : colunt *Aprili*  
Albæ cūm *Venerem* suam volucres ;  
Et spirat Zephyrus, novumq; pictos  
5 Ver fundit vario colore flores.  
Cygnus me peperit, nive & colostro  
Mater candidior : loco citatus  
*Iſis* quo patitur vadum sonorum.  
Hic, inter medios venustus amnes,  
10 Et divortia curva brachiorum,  
Dum lentè vagor, & famem repello,  
Depastis teneris lubenter herbis,  
Nec non pisciculis, cibo suāvi:  
Casu nescio quo cupido magna

Invasit

Invasit mihi pectus otiosum, 15  
 Et multis monuit modis benigna,  
 Ripas *Isidis* ut virentioreis  
 Intentis oculis, novâque curâ  
 Colluttrarem avidè, quousque salsas  
 Undas imbiberent maris refusi. 20

Hæc dum sollicitâ voluto mente,  
 Evincor studio migrationis.  
 Ergo ut magnificè Expeditionem  
 Ornarem, è numero quidem meorum  
 Bis senos comites, chorum superbum, 25  
 Se-lègo, reliquosque concione  
 Omneis hac habitâ pater benignus  
 Committo fidei *Isidis* probatæ.

Cygni noster amor, decusq; nostrum,  
 Qui ritè *Isidis* Insulas amœnas 30  
 Felices colitis, genusq; nostrum  
 Augeris numero undecunq; claro,  
 Latè accipite auribus meam nunc  
 Causam, consilioq; promovete:  
 Quodam numine ducor ut secundo 35  
 Cursu fluminis infimas caduci  
 Ripas *Isidis*, & Sinus liquenteis  
 In. itam. Strepitum dedit sonorum  
 Cygnorum niveus chorus canentum,  
 Concussis alacri vigore pennis. 40  
 Applaus placuit mihi canorus.

Pandū hinc gurgite colluens profūdo  
 Rostrum, talibus alloquor cohortem.  
 Nostrum

- Nostrum hoc imperiū, Insulas beatas,  
 45 Et nidos etiam celebrioreis,  
 Quos ambit salicis corona glancæ  
 A prædonibus impiis quidem illis  
 Vos defendite fortiter: venustas  
 Nec permittite conjuges ab ullis  
 50 Advenis fluio premi maritis. (bant  
 Omnes his monitis statim adsona-  
 Aptantes capiti meo coronam  
 Baccatam, nitidis & hinc, & illinc  
 Gemmis, ac niveum aures carenz  
 55 Collum multiplici orbe circinantes:  
 Postremoque vale vale canentes.  
 Tanti lumine prænitens decoris  
 Bissenas medius feror volucres  
 Inter flumineas eò, citatæ  
 60 Quò me cursus aquæ vocat perennis,  
 Sic dum continuo fluore labor  
 Abbandunica recta derelinquens  
 Cissa cognita Saxonum tyranno:  
 Mox cerno Hydropolim sacram, Birino  
 65 Quondam præfule, confluentiamque  
 Tama, ac Isidis; insuper vetusti  
 Castri culmina lapsa Sinmodani  
 Tum paulò inferius mihi obtulit se  
 Urbs clarissima semper Atrebatum  
 70 Gaudens nomine pristino Caleve.  
 Et Chausèga locus sacer, furentes  
 Quam Dani miseris modis premebāt.  
 Hinc,

Hinc, lapsu rapidi cito fluenti  
 Delatus, video oppidum, quod olim  
 Pontes, si memini satis, vocatum  
 Alfridi cecinit trophæa magni, 75  
 Quâ Cunetio fertur inquietus :  
 Sunningum quoq; præfulû cathedram,  
 Henlêgam & veterem forum popello  
 Vicino bene cognitum, frequentique. 80  
 Hurstelêga ferax deinde sylva  
 Apparet. Mediannis atque pulcher.  
 Felix pertinet illa ad Atrêbates :  
 Hæc spectat Catichlanicos colonos.  
 Ad dextram ulterius nitet serena 85  
 Bustelli domus, inclytum sepulchrum  
 Montis nobilibus viris acuti.

Pôst hæc remigio feror superbo  
 Ad ripas ubi vicus est Alannus.  
 Et tandem penetro impetu volûcri 90  
 Pontem Vindelesoricum, duarum  
 Qui vel limina gentium coarctat.  
 Hic alas cohibens meas, ocellos  
 Verto in fideream quietus arcem.  
 Miratusque loci situm nitentem, 95  
 Et tures validas, sacrumque templum,  
 Dulce exaudio cœlicumque melos :  
 Clari quale quidem canunt olores  
 Undis in mediis vagi Caystri.

Tunc ripam citus ambiens sinistram 100  
 Molem conspicio alteram, scholâmq;  
 Sexti



Sexti Principis elegantio rem,  
Nomen cui veteres dedere *Aquadon*,

Alas explico rursus, & labore

105 Grato pervenio ad locum celèbrem

*Cervi* antiquitus *Insulam* vocatum:

*Erchenwaldus* ubi pius sacerdos

Templum perpetuo Deo sacravit.

Et mox, defluvio volans aquarum,

110 *Anchoreticum* ego *sinum* benignè;

*Stenum* & nomine viculum saluto:

Contendens volucris deinde cursu

Altæ ad conspicuas domos *Avonæ*.

Non hîc purpurei nitent galeri,

115 Ut quondam soliti, cruces, columnæq;

At stant gemmiferæ, & nitent coronæ,

*Eduardumque* suum colunt *Alumnum*,

*Gentis* delictum unicum *Britannia*.

Cujus dextera *Scotticos* tumultus

120 Compescet, manibusque dura vincla<sup>s</sup>

*Gallorum* injiciet. Sed ad receptum

Munus cōfero me. Hoccine est celèbris

Famæ *Regiodunum*, honore summo

Quod treis regibus obtulit coronas?

125 Ripas tam virideis juvat videre.

Et jam summa procul superbientis

*Shenæ* culmina splendide coruscant,

Quas *Rex Septimius* serenus ædes

*Montem* nomine *Divitem* vocavit

130 A quadam regiuncula *Brigantum*.

Hæres

Hæres cujus erat domo paternâ,  
 Decurſus *Tameſis* celer protundi  
 Jam me ducit, & impigrè ad ſiniſtram  
 Ripam, fulget ubi venit corona  
 Sedes æthereus *Sion* decora. 135  
 Quod templum poſuit Deo ſupremo  
*Quintus Maximus* ille, *Galliarum*  
 Gentes qui domuit manu potenti.  
*Brenta* fluminis hinc *Vadum* notando.  
 Binas conſpicio inſulas olorum 140  
 Nidis officium ſuum exhibenteis.  
 Cygni, qui mediis aquis frequentes,  
 Admirarier. & decus, meamque  
 Pompam, ac tollere criſtulas conanteis 145  
 Prudens ipſe tamen, ſatisque certè  
 Securus, Zephyro meo favente,  
 Ducor navigio ſecundiori  
 Ad *Chevam* hoſpitio piæ *Mariæ*  
*Gallorum* Dominiæ celebriorem.  
 Dehinc & *Mortuus* eſt *Lacus* ſuperba 150  
 Villæ effigies, domusque nota:  
*Cygnorum inſula* promicat benigna  
 Noſtri quæ generis fovet volucres.  
*Puteſcennæga* etiam nitens amœnum,  
 Præter-quas alacri feror vigore 155  
 Procuſſum accelerans. *Domus-volucrum*  
 Tum frontem exerit, ante multafæcla  
*Daniſ* cognita villa bellicoſis,  
 Quam dum ſuſpicio lubens micantem  
 Am-

- 160 Amplis nobilium ædibus virorum,  
 Attentum me aliò vocat recurvi  
*Batterſega* finis polita cultrix.  
 Et *Chelſega*, locus ferens coronam,  
*Henrico* veniente Rege, primam.
- 165 Ad dextram placido alveo, phaselo  
 Tanquam, devehor intuens apertè  
*Lomishin* titulo palatii alto  
*Dorvernensis* episcopi nitentem.  
 Ad lævam locus est scaturiente
- 170 Circumſeptus aquâ, cûi priores  
*Thornêgam* proprium dedêre nomen,  
 Hic reges ſtatuerè præpotentes  
 Sedem magnificam ſibi, ſuiſque,  
 Quæ nunc, temporis evolutione,
- 175 Splendoris decus omne comparavit.  
*Henricus* tamen omnium unus inſtar  
*Oſtavius*, præcium tulit laboris,  
*Romaniſ* ſolio ſuo *galeris*  
*Excuffis*, ſpatiis *palatiique*
- 180 Auctis mirificâ expolitione.  
 Quid magnas referam ædium nitelas  
 Multarum, radiant ſuo emicanti  
 Quæ nunc lumine, clivus adjacet quâ  
 Ripæ excelfior, aſpiciturque lymphas
- 185 Nymphæ cæruleas ſibi faventis?  
 Aedes turrigeræ hinc micant, & inde,  
 Quas *Antonius* ille *Beccus*, urbis  
*Dunolmenſis* honos, decuſque ſtruxit.

Dignas plumiferis quidem coronis  
*Edvardi* modò Principis Sereni. 190

Tum *Sabaudia* lucet alta sedes,  
 Olim nobilibus viris dicata :

At nunc pauperibus domus sacrata,  
*Regis* *Septimii* labore sancto.

Sed nec laude sua carent venusta  
 Aedes, *Balnea* quæis dedere nomen. 195

Hinc *Templi* veteris ruina sensum  
 Frontem attollere coepit excitata.

Splendens mirificæ & superba recta  
 Quæis *Fons* nomina *Bridige* sacravit. 200

Jam pervenimus alta *Trenovanti*  
 Celsi ad moenia, quæ per occidentem.

Annis nomine *Fluctus* intumescit,  
 Olim cuius in ostio, minaci

*Alex* apparuit undecunque fronte. 205  
 Illius periit decus sed omnes,

*Bainardi* & peperit novos honores  
*Castellum* radians nitore multo.

Miranti similis teror per undas,  
 Fanum suspicioque dedicatum 210

*PAULO* pyramidemque percelebrem,  
 Tangit vertice quæsuprema cælum.

Mox & nobilium domos virorum  
 In ripa facile adhoro virenti.

Tum demum memini fuisse quendam  
 Cygni munere maximo beatum 215

Cultorem illius: at virum impotentē  
 Tan-

- Tandem mors rapuit manu cruenta.  
 Atq; hæc dū meditor vāgus per amnē  
 220 *Germanosque* pio saluto nutu  
 Merces sollicitè suas paranteis,  
 Ad *Pontem* venio arcubus valentem,  
 Surgentemq; novendecim, domorum  
 Quos fastigia comprimunt suprema.  
 225 Sunt &, qui referant, notæ probatæ  
 Scriptores, tabulatum opus fuisse  
*Richardi* imperio Leonis: Ignis  
 At postquam violasset illud; ecce  
*Joannes* ditione fratris auctus,  
 230 Largo & munere civium bonorum,  
 E saxis solidis opus refecit,  
 Dignum laude quidem sua perenni.  
 Hic me non patitur manere gurgēs  
 Magno murmure defluens ab alto.  
 235 Quin arcum penetrabo. *Sudoverca*  
 Multis nominibus valeto clara,  
 Tu Cygnum peperisti & elegantem,  
 Quà stant lucida tecta, *Branodonus*  
 Regina *Maria* potens maritus  
 240 Struxit quæ studio nitoris amplo.  
 Tu *Venta* hospitio foves alumnos,  
*Giffardi* veteris tui patroni.  
*Rupinique* *Petri* memor patroni.  
 Tu felix colis insulam celebrem  
 245 *Bermundi* nivea benignitate,  
 Notam & Pontificum domum tuorū.  
*Bellini* vocor ad sinum, frequentem

Nautis, *Turrigeramq;* regis alti  
Sedem, armaria Martis ampla magni.

Arx hæc terminat Urbis orientem  
Versus mœnia, calculoque gaudet  
Magni roboris, hostibus timorem,  
Ingentē obijciens, trucemq; mortem,  
Tot serpentibus æneis in omnem  
Sortem ad fulmina sæva comparatis. 255

Sed nunc protinus Vrbe derelictâ,  
Dextrâ *Nauticus* est *sinus* petendus  
Insignis statione puppium, tum  
Villis, eximio labore cultis.

En spirat Zephyri faventis aura :  
Et me nunc *Ruber* ille *clivus* altas  
Ad ripas vocat illici susurro. 260

Est planè paradisus ista villa  
Structuræ nitidæ ferens coronam,  
Pestanisque rosas suavioreis  
Profert, ac genus omne liliorum. 265  
Hic fons; Hic nemus est sacrū Cāmœnis  
Cygnorum hic numerus pius canentū.  
Hic vel perpetuò juvat manere.

Sed me *Limodorus* cupit videre. 270  
Fiet : nam cupio videre & Illam.  
Hoc sentire quidem videtur unda :  
Sic me flumine promovet secundo.  
Fumus naribus ustulans oberrat.

Creta hic assiduo domatur igne, 275  
Albo & tota nitet colore ripa.

Ventis

Ventis vela dabo, sinûsque curvi  
Leni perlequar ambitum natatu,  
Donec contigero *Vadum profundum*.

280 Classe[m] jam videor mihi videre.  
Galli, si sapitis, fugam parate.  
Accedam propiùs, Triremiumque  
Intentus numerum adnotabo justum.  
Prima & maxima nomen Imperantis

285 *Henrici* retinet. Secunda verò  
Et navis *Catarina* bella fertur.  
Nomen Tertia prædicat *Maria*,  
Inter quæ reliquas nitet puellas,  
Digna Semideum thoris virago.

290 Gaudet Quarta quidē *Petrus* vocari.  
Quinta insignia jactitat *Leonis*.  
Hæc est Prima rosa. Hæc et est *Hirudo*  
Hæc est *Palmifera*: & *Phaselus* illa:  
Hæc *Pinus* volucris: nova hæc *Triremis*

295 Cui præfectus erat meus *Viatius*  
Cultor Nereidum volat celebris:  
Cultor Pieridum celebris ille,  
Nostri & Martia sæculi voluptas.  
Quid plures memorē? Juvat recessum,  
300 Et navalia pervidere vasta.

*Gunteri* mea filius nitela,  
Qui tot naumachiis *Getas* feroceis  
Et Gallos domuit genus superbum,  
Vicinas habitat benignus ædes.

305 Intrarem, nisi me suprema cursus

Meta hinc ad *Viridem sinum* vocaret.

Alas carbasa candidas parata  
Expando. Fluvius favere perstat,  
Et ventum Zephyrus meus ministrat.

Ecce ut jam niteat locus petitus,  
Tanquam fidereæ domus cathedræ! 310  
Quæ fastigia picta! quæ fenestræ!  
Quæ turres vel ad astra se efferentes!  
Quæ porrò viridaria, ac perennes  
Fontes! Flora sinum occupat venusta 315  
Fundens delicias nitentis horti.

Rerum commodus æstimator ille,  
Ripæ qui variis modis amœnæ  
Nomen contulit eleganter aprum;  
*Aethelredus* erat, *Britanniarum* (stis 320  
Princeps: *Danicus* hunc frequenter ho-  
Contorfit miseris modis, coëgitque  
Urbis præsidio sibi cavere.

*Danorum* interea truces catervæ  
*Dornernum* spoliant, trahuntq; sævi 325  
*Elphagum* ad loca nota *Grenovici*  
Sacrum pontificem, neciq; ibidem  
Tradunt, (âh!) capiti securi adacta.

Longo temporis inde perfluente  
Cursu, nobilium decus virorum 330  
*Hunfridus* ditione *Claudianâ*  
Auctus, magnificas beatus ædes  
Hic primum posuit, *Placentiamque*  
Illustri titulo vocavit aptè

Linguae



- 335 Linguae candidus utrinque censor.  
 Sed cum Curia sustulisset illum  
 Pôli fraude, dolisque; Suidovolca  
 Festas deposuit relictâ cristas,  
 Eluens Domini sui ruinam
- 340 Horti tunc periêre Adonidisque,  
 Quos insignia tanquam amœniora  
 Fatali omine pinxerat fenestris:  
 Nimirum fragilibus sciens honores,  
 Et rerum instabileis vices novarum:
- 345 Tam clari meminit viri togata  
 Rectè Gallia; tum chorus suavis  
 Cygnorum *Isidis* ad vadû incolentûm,  
 Cui magnum numerum dedit bonorû  
 Librorum, statuitque sanctiori
- 350 Divinus studio scholæ theatrum;  
 Nostro quale quidem videtur esse  
 Magnum tempore, forsân & futuro.  
 Quid, quòd munere *Verolamienses*  
 Non cessant meritò suum patronum
- 355 Ipso reddere sole clariorem?  
*Eduardus* coluit deinde *Quartus*  
 Aedes, funera post cruenta *Sexxi*.  
 Tandem & *Septimus* potitus arce  
 Regni, restituit locum decori,
- 360 Auxitque egregiè domum venusto  
 Frontis lumine, splendidisque pinnis,  
 Cognati memor inclyti, bonique.  
 Quàm regi bene cesserit secunda

Seruetura, indicat & potens alumnus  
*Oëtavus* patris æmulator altus: 365

Quo non magnificentius potentum  
 Quisquam exædificavit, aut deinceps,  
 Ni fallor, faciet. Loquatur ipse  
 Per me nunc *Viridis sinus*, suosq;  
 Exauctos titulos, suos honores  
 Amplos, culmina prædicetq; celsa. 370

Concentus liquidè canorus aures  
 Percellit mihi. Fallor? an recessu  
 Isto personat? Illud est receptum  
 Cygnos hic habitare concinenteis, 375  
 Qui famam Domini sui, decusq;  
 Summū lucida transferunt ad astra.

Vos ergò comites profectionis  
 Selectus numerus meæ, videtis  
 Partes esse meas, labore plenè 380  
 Confecto, unde quidè profectus huc sū,  
 Ut laudes alacri sono celèbrem  
*Henrici* patriæ patris *Britannæ*.

Nolo sollicitos meâ esse causa  
 Vos, quód carmina concinā suprema. 385  
 Certè non moriar, petam sed astra  
 Cœlites habiturus inter ipsos  
 Sedem conspicuo polo micantem:  
 Phœbus noster ubi coruscat almus.

Vidistis thalamos, sinusq; curvos 390  
 Cognati *Isidis*: Itionis hujus  
 Nec vos pœniteat. Juvabit olim.

Hæc

- Hæc forsan meminisse. Cantilenam  
Quin nunc aggredior favente Phœbo,  
395 Musarūq; novem choro annuente?  
Felix illa dies notanda gemmis  
Planè ter niveis, suāvibusq;  
Sertis, lumina quæ serena primum  
*Henrico* tulit inclyto puello.  
400 Felices genuêre qui parentes  
Talem fidere filium secundo.  
Felix quo *Viridis sinus* quæ alumno.  
Ridebant elementa sole tali  
Orto, lumina qui referret orbi.  
405 Fortunata fuit rotundiores  
Quæ nutricula præbuit mamillas.  
Fortunati etiam, & quater beati  
Illi qui comites fuêre parvo.  
At cum jam teneros adultus annos  
410 Vicisset, velut Hesperus minora  
Inter sidera torus enitebat.  
Illum vir, mulier, puer, senexque,  
Omnes deniq; prædicare magno  
Certè numine maximis volente  
415 Natum rebus, & hoc probavit usq;  
Fortunæ facilis rota eminentis.  
Solutus fratribus omnibus superstes  
Regni præcipuum decus ferebat,  
Unâ divitiisq; vel *Midæas*,  
Quas congeslerat usibus futuris  
420 Cura, & iusta quidem parentis illa.

Quis novit meritis modis referre  
 Pompam conspicuam novæ coronæ,  
 Ibat quâ mediam nitens per urbem?  
 Quis nunc munificentiam profusam 425  
 Illius, validos quis aut lacertos  
 Excultâ satis exprimat camœnâ?

Natos nam tenui loco beavit  
 Multos & *Morinorum* ab urbe victor  
 Insignis rediens tulit coronam 430  
 Ex lauro, precium laboris altum.  
 Regnorum Comes inclytus cruento  
 Bello perdomuit genus malignum  
*Scottos*. Rex *Jacobus* impetuq;  
 Illo concidit, ac severiores 435  
 Pœnas perfidiæ tulit tyrannus.

O factum bene! Vicit *Anglus* absens.  
 Patris gloria, filiiq; virtus  
*Houerti* virideis ferent coronas:  
 Et victoria læta permanebit 440  
*Henrici* domitoris improborum.  
*Tornaco* intereâ potitus *Anglus*  
 Fundamenta novî profunda castrî  
 Victor mox posuit perenne vallum.

Non est nobilium chorus virorum 445  
 A me prætereundus, ille *Carl'us*  
 Quo *Quintus* hospitio fovebat amplo:  
 Quâ stant mœnia celsa *Duroverni*.  
 Congressus celebris celebriorem  
 Paulò post peperit. Corona fulgens 450

*Fran-*

*Francorum, Angligenumq;* confluebat  
*Guisnessum* inter, & *Ardeam* virenti  
 In valle, *Aurea* quæ deinde dicta est  
 A rerum insolito nitore quodam.

455 Hic reges niveâ benignitate  
 Coniuncti specimen dedere tale  
 Pompis, quale quidem à gravi ruina  
*Romani* imperii extulere nulli.

Admirabilis ædium venustas,  
 460 Quas erexerat eleganter illic  
*Henricus* subitum intulit stuporem  
 Raptis *Galli* oculis amœnitate.

*Quintus Carolus Tētiū* perebat  
*Portum*, *Casareo* nitens honore.

465 Hinc fit continuū apparatus alter.  
*Anglus* splendidus erigi theatrum  
 Iussit, nomen & inclūtum loco ex re  
 Mirācli domus inditum est decenter  
 Post annos aliquot revisit ipse

470 *Cæsar* flavicomos potens *Britannos*,  
*Londinīque* celebrioris urbis,  
*Henrico* duce, mœnia alta vidit.

Nunc si præterea canendo vellem  
 Accuratiū explicare fictæ  
 475 Quæ pugnae simulachra equestris acer  
 Ostentaverit is domi, forisque;  
 Longo carmine vix referre possem.

At possum interea docere veras  
 Fictarum comites fuisse pugnas.

*Ter Gallum impetiit severus hostem* 480  
*Henricus gladio, & quidem cruento,*  
*Virtutisque suæ tulit coronam*

*Victor tot spoliis onustus amplis.*  
*Tum fortuna noverca cœpit esse*  
*Gallo, Cæsareisque cum triumphis* 485  
*Captum tradidit illicò molesta.*

*Anglus candidus illius ruinae,*  
*Quamvis hostis erat, misertus egit*  
*Capti Cæsare cum potente causam.*  
*Illa redditus actione Gallus* 490  
*Regno est. Num poterit mereri iniquè*  
*Post hæc tam benè de merenti amico?*

*Anglus sollicito obsides parenti*  
*Gallo filiolos studens labore*  
*Grato reddere: Carolo remisit* 495  
*Auri non leve pondus erogati.*  
*Hinc reges stabilem fidem dedere,*  
*Et junxere manus utrinque dextras*  
*Cincti nobilium virum catervis:*  
*Urbes quâ Morini colunt superbas.* 500

*Anglus tam placidæ quietis autor*  
*Gaudet munere pacis innovato.*  
*Quosunque artifices fovens politos:*  
*Hac lege ut laceros palatiorum*  
*Muros restituant labore iusto,* 505  
*Conferantque suum novis nitorem.*

*Hinc crevit Viridis sinûs corona,*  
*Hunde slæna que pervenusta sedes.*  
*Hinc*

- 510 Hinc *Bellus locus* extulit serenæ  
Frontis lumina, *Brigida* & sacer fons,  
Aedes magnifico decore festæ.  
Hinc *Thornega* vetus suos honores  
Auxit, splendida Principum cathedra.  
*Shelfesga* etiam domus renidens  
515 Signis ventivolis, & albicante  
Crista. Sideris instar est *Avona*,  
*Ottelanda*que verticem alta tollit,  
Et *Nulli* titulo domus secunda,  
Cælo quæ caput inserit corusco.  
520 Sic res publica prænitens quiete  
Successum studiis dedit politis,  
Quæis florentibus, exiit veternum  
Lex Evangelica, & suo vigori  
Sacro numine restituta plenè  
525 Incrementa tulit, bonosque fructus.  
Huc admoverat & manum valentem  
Prudentissimus omnium, suère,  
Vel qui sunt modò Principum, labore  
*Henricus* facili, utilique planè.  
530 Orta hinc quæstio magna de supremâ  
*Romani* quoque dignitate. Sanctus  
Illam Præsulibus senatus esse  
Communem asseruit, parèmq; cunctis.  
Tunc Ecclesia cæpit *Anglicana*  
535 *Romanas* nihili æstimare merces:  
Et Rex magnanimus jugum rejecit  
Non portabile publico suorum

Consensu: unde quidem petita longum  
 Libertas rediit suum ad theatrum  
*Romani*que Vale beata dixit.

540

Fraudes, seditio, doli, cavillæ  
 Bella horrentia Principi intonabant.  
 Princeps consilio valens secundo  
 Fraudes, dissidium, dolos, cavillas  
 Evicit. Deus hoc volebat ipse.

545

Prudens continuò per alta passim  
 Arces littora conici jubebat.  
*Pendinas* tenet asperi cacumen  
 Celsum montis, & intonat frequenter.  
*Manditi* quoque subsidet rotundum  
 Castrum, & fulminat impetu furenti  
*Portus* ostia quæ patent *Falensis*.

550

Tum *Porcia* comminatur hosti  
 Audax arce novâ, crepantibusque  
 Tormentis brevis unde transitus per  
 Scapham ad littora fracta *Durotrigum*  
 Quo nec longius est loco arx rimenda  
 Saxa ingentia provolent quòd inde,  
 Piratas quæ abigant procul scelestos.

555

*Comæ* fulmineæ duæ coruscant;  
 Hæc calum colit, illa solis ortum,  
*Vestam* quæ *Neopareus* intrat altam.  
 Fauces *Hursta* premit minax *Amone*.  
*Vinchelsæga* suos sinus tuetur,  
 Quæ *Limænus* aquas agit profundas  
 Doris littore prominet bicorni

560

565

Gallis



*Gallis* tormina comminans superbis.

*Jactat Dela* novas celebris arces:

*Notus Casareis* locus trophæis.

570 *Castrum Regius* editum recepit

*Burgus* fulminâ dira, & insulanos

Tutos servat ab impetu vel omni.

Sed nec *Gruva* suo caret rotunda

*Moles* præsidio: frequens viator

575 *Urbem* quâ volucris petit celôce.

*Floret Regioduni* honos venusti,

*Castellique* novam sui figuram

*Lætis* suspicit adolens ocellis,

Et pontem celebrat novum, furenteis

580 *Hulli* nil reflui timens procellas,

Sic gens *Martia* liberè *Deiri*

*Vicinum* repetunt forumq; agrumque.

*Luguballia* civitas *Novantum*

*Incrementa* quidem ter ampla cepit:

585 Et majora tulit *Tuesis* alta.

*Celtas* insuper *Iccius* recepit

*Portus* robora firmiora turre.

*Guineffus* radiat, novâque fossa,

*Vallo* & cingitur undecunque forti.

590 *Oram* littoris antea recens.

At nunc interiora concinam, & quæ

*Henricus* fabricis tulit politis.

Stituxit splendida recta *Duroverni*.

Hinc & *Durobreui* venustior em

595 *Sedem* constituit sibi, suisque.

*Isuri*

*Isuri* quoque regiam virenti  
In ripa posuit decenter amplam.

Porro *Fanum Iacobi* opus renidens  
Erexit placidæ studens quieti.

Et nuper posuit nova elegantis  
Fundamenta domûs amœniori

*Derenti* in fluvii vado liquentis.

Sedes pontificum novas sacrorum,

Doctas instituit pius scholasque.

Hinc se *Deva* putat beatior, 565

Attollitque caput venusta *Venta*,

Quam lymphis gelidis *Avona* lambit.

Hinc & *Claudia* civitas celebris

Excelsum caput exerit, nitetque.

Hinc & *Petropolis* micat serena. 610

Quid, quod *Granta* novem dicata Musis

*Henrici* pietate literati

Terfis prænitet erudita linguis?

Et *Chacos* celebrat suos alumnos,

Doctam candida *Smithiosq;* turbam. 615

*Ponetum* sophiæ severiorem

Cultorem insuper approbat, fovetque

*Heueddunum* etiam, cui supremam

Dat phrasis Ciceroniana laudem,

*Carrû*, *Christophorû*, *Aschamûq;* cantat. 620

Postremò *Isiacis* suum nitorem

Ompem reddidit *insulis* benignus

Cygnorum appositque concinentum

Multis nominibus chorum celebrem :

Nostræ

- 625 Nostræ gloria crevit unde stirpis  
 Felix *Isidis* hoc *vadam* patrono.  
 Sunt testes fidei satis probatæ  
*Shepreus* decus utriusque linguæ.  
*Hocherus* nitor artium bonarum.  
 630 *Colus* Cæsarei fori venustas.  
*Cheadseus* resonæ scholæ columna.  
*Visidannus* apex sacræ cathedræ.  
 Hebræi radius chori *Brnerus*.  
*Cains* rhetor, & elegans poeta.  
 635 *Petrus* cosmographus ferax oliva.  
 Facundus *Curio* Minervæ alumnus,  
*Harpesfeldius* Atticæque linguæ  
 Interpres facilis, disertus, aptus.  
 Cultor præterea sacræ loquelæ  
 640 *Hardingus* numerum politus auget.  
 Dumque hæc magnificè pararet ille:  
 Fractos undique pœnitudo *Iberos*.  
 Sylvestreis domuit, suâve legis  
 Ferre & perdocuit jugum *Britanna*.  
 Quæ victoria comparanda magnis.  
 645 *Scottus* senserat eminentioris  
 Fortunæ patruo favere sortem.  
*Gallus* senserat, atque pertimebat  
 Quorsum cresceret illius triumphus.  
 650 Ambo conveniunt, manusque tradunt  
 Conjuncti solitas: prior sed ipse  
*Scottus* Martia tela promovebat.  
 Incerta alea Martis illa semper.

*Scottorum* incaluit cruore fuso

*Isca* fluminis alveus vadosus.

655

Capta & nobilium virum corona,

Infelixque *Jacôbus*, ingruenti

Ex mœrore animi, statim peribat.

*Gallus* vulnere saucius Tyranni

Infestissima quæque cogitare.

660

*Anglus* bellipotens tumultuantis

Victor conteret omne robur hostis.

Postremò repetet sui que juris

Cœlo lilia missa de sereno.

*Scotti* perfidiæ graves tulerunt

665

Pœnas. *Litha* jacet redacta prorsus

In mœstos cineres, minaxque classis

Præda est facta quidem. Proinde *castrum*

Cui nomen celebre inditum à *puellis*

Ter ferro violenter, atque flammâ

670

Concussum patitur meras ruinas

Et clades similis ferocienteis

Adflixit *Morinos*. Superba facti

Testis victa *Bononia* impotenter

Quæ nunc fata vocat, Deos & astra

675

Vel crudelia, sorte diminutâ

*Galli*, cujus erat columna nuper.

*Syrtes* nobilium madent cruore,

Et *Bessus* peperit fuga salutem.

Clades *Ardea* pertulit frequenteis,

680

*Neptunus*que favat suis *BRITTANNIS*

Nostre hic terminus esto Cantioni

Undis

Undis non juvat amplius manere.

*Henricus* valeat nitela regum.

685 Centenos *Catarina* vivat annos  
 Casti conjugii decus supremum.  
*Eduerdus* quoque floreat venustus :  
 Et tandem solio potens avito  
 Sublimis sedeat, piusque Princeps.

690 Jam longum *Viridis sinus* valeto.  
 Te præconia, te manent coronæ.  
 Me cælum petit arduum canentem.  
 At Cygni interea tui memento.  
 Nutritor *Tamesis* valeto chare,

695 Et Cygnis facilis faveto nostris.  
 Pulli, grex niveus, mei valete:  
 Nymphis *Isiacis*, Favônióque  
 Vos cõmitto. Agite: insulamq; vestram  
 Unusquisque suam lubens revisat,

FINIS.

## AD CULTORES ISIDIS.

Isidis assiduè ripas qui fluminis altas  
Incolitis tacito venerâtes pectore numen,  
Accipite arguto redeunteis carmine cygnos  
Aurea quod feriat resonanti sidera voce.  
Gloria perpetuò sic vos comitetur ovanteis,  
Et fortuna parens tribuat faustissima quæq;

## AUGURIUM.

*Vergilius cecinit celeberrimus ille poeta.*

Aspice his senos lætanteis agmine cygnos.  
Vos decet augurium vatis pernoscere magni  
Sortis & eventum felicem amplectier ulnis.  
Qui modò bisfeni repetunt loca cognita

Cygni

Candida Musarum referunt insignia secum,  
Isidis inq; vado statuent sua regna perennes.

AD

## Ad Candidos bonarum literarum amatores.

**E**Ximie suum certè præstitit officium  
Cygnus, cantorum decus immortale,  
HENRICI octavi Regis incomparabilis cum majestate, tum gloria tam accuratè collaudatâ: qua parte & vos opportunè admonet, ut ejus non modo facta imprimis memorabilia, verum etiam animi ad ipsa virtutis fastigia conscendentis magnitudinem simili diligentia, labore, studio posteritati expedite, alacriterque unanimes commendetis: cujus nec vo unquam opera tam utiliter, splendide magnificè collocata pœnitebit. Inuvabit potius ista cura, & Princeps vestris, tum eloquentia, tum ingenii, veris testimoniis accensus incrementa suæ virtutis meritò approbata ampliora, duce bono Genio, feliciter cumulabit: tandemque & vos amplissimarum splendore fortunarum illustrabit. Sic pietas, sic virtus, sic conscientia recti monent, jubent, imperant. At vos interim, quibus hæc bonis avibus fortuna arriserit, infinite à Principe ter optimo liberalitatis collata assidue


assiduè meminisse decet, quam non alio ille nomine prudentissimus exhibuit, nisi ut exemplo vobis, & quidem luculentissimo præsens esset: quo rectè admoniti similia nascenti literatorum soboli benignè, promptè, profusè conferatis: alioqui ejus in vos beneficia omnia, unà cum oleo, & operâ funditus periisse. Mementote professionis, cui initiati estis, certè, si prudentia adsit, & amor recti, longè honestissima. Cavete à sordibus, tanquam à Scyllâ, & Charybde. Aequales insigni artium cognitione, consilio sano, ac judicio sancto, promovete. Absit luxus, studiorum bonorum inimicus longè pessimus. Adsit aurea mediocritas quietis alumna suspicienda illa. Majorum in dandis, conservandisque fortunis eruditorum mediocribus consuetudinem nunquam planè satis laudatam modis omnibus honestis integrè conservate: ne vim interim raptores inferant, exquisita, elimata, consummata eruditionis contemtores iniquissimi.

Sint Mecœnates, non deerunt, Flacce, Marones. At sublati præmiis, ingenia alioqui felicissima frigēt planè. Sic Principis nullo unquam emorituram tempore

in



*in doctos munificentiam felices imitabi-  
mini, & vestram quoque gloriam, insti-  
tutum tam undecunque sanctum, Deo  
Opt. Max. promovente, perpetuam con-  
stituetis. Vivite, & Valete.*



D 4

AD

[illegible]

## AD CANDIDOS LECTORES.

**C**ONQUERITUR Studioso-  
rum chorus multa in meis subesse  
libris nuper editis, quæ insinuationem,  
explicationem, denique & lucem desi-  
derent. Sed interim adeo me hæc qualis-  
cunque non offendit querela, ut eam, can-  
dorem, & quidem eximium, adolescen-  
tum magnis passibus ad veneranda An-  
tiquitatis gratam, exoptandam, utilem  
etiam cognitionem contendentium, facile  
interpreter: qua parte nec gravabor in-  
stituti rationem omnem mei, non modo  
verbis, sed & fide quoque longe optima  
testatissimam orbi facere,

Credo autem tam stupidum esse ne-  
minem, aut à communi sensu illo alie-  
num, ut inventis jam frugibus considera-  
tissimis, etiamnum glandibus velit am-  
plius vesci. Edidici certè, instructissimus  
infinita veterum scriptorum non Latino-  
rum modo, verum etiam Græcorum lec-  
tione nomenelaturas Urbium, Oppido-  
rum, Vicorum, simul & Castorum, ut  
mittam Fluvios, Sylvasque, Montesque,  
Britanniæ nostra, consilio quodam licen-  
tia

tiâ mixto mutatisimas, certè interim  
corruptissimas esse. Quare cogor, velim  
nolim, antiquam cum eloquentiam,  
tum gloriam olim traditam à majo-  
ribus viris planè incomparabilibus, de  
suetudine quadam, ac Saxonica barbarie  
late invalescente, tenebris miserrimè  
obductam, decori, amplitudini, luci resti-  
tuere.

Hinc forsitam videbor quibusdam  
sciolis, argutulis, invidulis magnificè in-  
tereà polliceri. Deprecor hanc culpam,  
si tamen culpa appellanda est. At liceat  
interim mihi, quod aquisissimum peto, cum  
bona gratia facile obtineret nempe si me,  
per Commentarios in Cygneam editos  
Cantionem, eruditi diligentem, industri-  
um, expeditum persenserint, ut ab inju-  
riis calumniatorum saltem immunis  
sim. Ne noceat vati mala lingua fu-  
turo. Operam denique mihi ex hac cul-  
tura desumo lubenter omnem. At si her-  
ba in latas aliquando segetes excreverit,  
illas ego vestris usibus candidus vel uni-  
versas offero, consecroque, lectores huma-  
nissimi. Valete.

# COMMENTARII

I N

## Cygneam Cantionem

Indices Britannicæ Antiquitatis  
locupletissimi.

Autore Joanne Lelando Antiquario.

## Ad Sacrosanctæ Anti- tiquitatis amatores.

*Prætexière decem jam sæcula longa, Britanna  
Antiquum gentis delituitque decus.  
Indolui, fateor, potuisse silentia tantum,  
Ut premerent patria fortia facta mea.  
Admonuit Genius cælo delapsus ab alto  
Ne paterer tenebras solis haber locum.  
Nubila discussi cupidus, lucemque reduxi,  
Sedibus inque suis sidera clara nitent.  
Vos Antiquarum colitis qui lumina rerum  
Plaudite, & Autori dicite, Vive, Vale.*



*Comment. In Cygneam Cantionem I*

**A** Bbandunum. Saxonice *Abbandune*, vulgò *Abbingdon*. Antiquiori tamen nomine *Seutham* dicebatur. Loco ingens  
5 tum fama, tum gloria accrevit, à condito ibidem Monachorum cœnobio, autore Cissâ patre Inæ Visisaxonum rege, quod postea Danicâ violentiâ, imperante *Alfrido* rege, concidit. Sunt  
10 qui prædicent prima tanti operis fundamenta jacta fuisse in *Bachelegana* sylvâ aliâs *Bagley*, duobus passuum millibus supra *Seutham*, ut Isis defluit fluvius; Eremitamque quendam  
15 Cissæ cognitum, pauperem eo loco vitam duxisse. Fama refert & aliud cœnobium ad Ochidem, sive Oncum fluvium. Fanum videlicet Helenæ virginibus sacrum, eodem concidisse  
20 tempore. Constat ex secundo libro *Gulielmi à Maildulphi curia* de pontificibus Anglorum, *Eadredum Alfridi* nepotem regem Visisaxorum *Abbandunum* instaurasse: quo tempore erat  
25 domus regia, sive castellum in *Andresega*, *Rivanum* nomine, propter ripam *Isidis*, non longè à monasterio, tanquàm in mediamni loco: cujus & adhuc paucula extant vestigia. Temporis  
30 præcursu *Eadgarus* rex potentissimus

mus magnificè cœnobium auxit con-  
 silio Ethelnuoldi, quem ibidem Præ-  
 fectum coluit, & paulò post episco-  
 pum Ventæ Simenorum designavit.  
 At postquam *Gulielmus* Nortoman- 5  
 nus Imperio *Anglia* potitus fuisset,  
 monachi nova cura deduxerunt mayo-  
 rem partem fluminis Isidis à veteri  
 alveo in ipsum Monasterium. Oppi-  
 dum deinde sensim accrevit, & cele- 10  
 britatem hoc uno peperit nomine.  
 Via publica à Demetia Cambrorum,  
 & gente Claudiana Londinum versus,  
 erat per Calevam Atrebâtum, quæ  
 nunc WALENGAFORDE. *Abban-* 15  
*dunenses* suæ rei studentes, favente  
*Henrico Quinto* rege, duplici ponte  
 quadrati lapidis Isidem violento &  
 profundo gurgite ibi delabentem per-  
 vium fecerunt. Hinc viatores com- 20  
 moditate illecti, relictâ *Calevâ*, per  
*Abbandunum* rectâ *Londinum* pete-  
 bant. Sic crevit in justam magnitudi-  
 nem Fori, & Oppidi celebritas.

ALFRIDUS, qui & *Alfredus*, & 25  
*Aluredus*. Erat hic quatuor filiorum  
 Ethelwolphi regis Visisaxonum natu-  
 minimus, unctus tamen Romæ, vi-  
 vente patre, in regem: at non apud  
 suos regiâ prius functus est dignitate, 30  
 quàm



quàm mors treis fratres natu majoreis sustulisset. Debellavit Danos, & unicus sui sæculi Mecœnas fuit. Academia ad Isidis Vadum, quæ nunc  
 5 urbs corruptè *OXFORD* pro *Ouseford* dicitur, ejus benevolentia, & pietate instituta. Hujus viri nunquam satis laudati res gestas scripsit Asserius Menevensis, postea episcopus Clarofontanus, vel, ut notiori utar vocabulo,  
 10 Shireburnensis, cujus ego historiam plurimi meritò facio, quod *Alfrido* regi præceptor aliquando fuerit, & ejus factorum oculatus planè testis.  
 15 *Henricus* Huntendunensis hunc regem à fortitudine illustri carmine collaudat.

*ALAUNUS*, Anglicè South-Ailington. Nostre etas vicum nominat recentiori vocabulo *Maidenhead* à capite virginis superstitione nuper ibidem celebri.

*ANACHORETICUS* finus, Anglicè *Ankerwike*, nuper cœnobiolum  
 25 Virginibus sacrum plus minus quingentis passibus supra Stenum sinistrâ, ut Tamesinus amnis defluit, ripâ. Hoc templum Deo Opt. Max. posuere *Guilielmus* & *Richardus* à Monte Fichtio.  
 30 tio.

**ANTONIUS BECCUS.** Hic fuit episcopus Dunolmenfis, regnante Eadveardo, ejus appellationis, ab adventu Gulielmi Magni in Angliam, Primo. Electus est in Patriarcham Hierosolymitanam, Anno D. 1305. Splendidus erat supra quàm decebat episcopum. Construxit castrum Achelandæ 7. passuum millibus à Dunolmo in ripâ Vinduglessi fluvii. Elteshamum etiam vicinum Grenovico, ac Somaridunum castellum Lindianæ provinciae ædificiis illustria reddidit. Denique & palatium Londini erexit, quod nunc Eadueardi Principis est. 15

Tandem ex splendore nimio & potentiâ, conflavit sibi apud nobilitatem ingentem invidiam, quam vivens nunquam extinguere potuit. Sed de Antonio fusiùs in Opere, cui titulus *De Pontificibus Britannicis*, dicemus. Nam illorum res gestas magna curâ exquisivi, & majori propediem in ordinem redigam. 20

**ATREBATES :** Olim dicebantur 25 qui ripam Tamefis meridianam accolebant à ponte *Fani Ioannis* ad Vindelesoram. Saxones victores dederunt regioni nomen *Berroc-Astre* à *Berroc* Sylvâ, ubi buxus abundantissimè 30  
mè

mè nascebatur, si fides Asferio adhibenda, cujus hæc sunt verba in ipso Annalium suorum exordio, ubi repetit genus *Ealfridi* regis in *Vanatinga*, vico ejusdem provinciæ, nati.

Anno D. 849. Natus est Ealfridus Angulsaxonum rex in villa regia quæ dicitur **U Vanating** in illo pago qui nominatur *Berrocshire*, à *Berrot* sylva, ubi buxus abundantissimè nascitur. Hactenus Asferius.

Non me latet quosdam esse qui predicent provinciæ nomen fuisse inditum à *nuda quercu*, ad quam Provinciales convenire solebant. Attributum meminit *Ptolemæus*, & eo recentior Antoninus. Vixit enim temporibus, si rectè memini, Constantini Magni; tantum abest ut Antoninus Imperator Itinerarium scripserit, quod vulgò circumfertur.

**AQUÆDON**, Anglicè **Eidun**, vulgò **Eatoun**, vicus, flumine Tamesino tantum, à Vindelesora distinctus. Alluitur autem Fernamenfi amniculo, qui paulò inferius se in Tamesim exonerat. Splendor loci omnis in Schola publica, quam erexit Henricus Sextus Vindelesoræ alumnus, rex longè pientior, quàm imperio

rio fortunatior: & Venustus Simenorum episcopus cumulatissimè auxit. Ex hoc alveario commigrant apes *Grantam* Girviorum, ubi Regionum Alumnorum notissima Societas. *Sex-tus*, Aquædunenses prædiis donavit. At bona ædificiorum pars accrevit, ut ego aliquando à fide dignis didici, & operâ, & impensis Gulielmi Venusti episcopi Ventæ Simenorum. *19* Favebat is impensius operi ab Henrico incepto. Sed Eadueardus in regno successor parum æquus erat illius & amicis, & factis. Hoc *Aquædon*, hoc *Granta* sentit, sentietque semper. *15*

AVONA. *Hampton-Court*. *Avondanum* propius nomen exprimit. Hoc nomen etiam est urbi celebri apud Simenos, quam vulgus *Hampton* corruptè pro *Avondun* vocat. Sed nos brevitati studemus. Est enim *Avon* frequens fluvius nomen apud Britannos. *20*

AVONA etiam, qui & *Avon*, celebris fluvius est, qui *Bladunum* urbem antiquam, alias *Maildulphi* curiam à *Maildolphesbyri* Saxonico vocabulo sic dictam, *Bradenfordam*, & *Balnea* alluens, *Ventam* Belgarum, quæ *30*  
nunc

nunc **Wightstoto**, penetrat: paulòque  
inferius in Sabrinae æstui defluit.

**AVONA**, fluvius qui vulgò, ac  
corruptè, pto *Avene*, *Æene* dicitur;  
5 famâ notissimus est. Oritur ex duo-  
bus fontibus, quorum brachia ad A-  
vonam mediterraneam urbem à flu-  
vio nominatam coeunt. Deinde &  
toti regioni nomen à flumine Avo-  
10 na, quam vulgus corruptè **Port-  
hamptonshire** pro *Northavonduneshire*  
appellat. Tum verò *Avona valem*  
emporium non ignobile alluit, quod  
nostra ætas pro *Avondale* corruptè  
15 vocat **Dundale**. postremò Petrobur-  
gum attingens paulò inferius palu-  
dibus Girviorum immergitur, junc-  
tusque *Isidi*, iam Grantâ aucto, Li-  
num nobile emporium petit, & pau-  
cis ab eo loco passuum millibus O-  
20 ceanum ingreditur.

*Avona*, fluvius numero tertius  
oritur in Vilugiana provincia aliàs  
**Wiltshire** non procul à Semarii Lu-  
25 pino, villâ splendidâ. Fluit per Am-  
brofiam, & Severiam, ac tandem unâ  
cum Duro fluvio à quo Duria provin-  
cia vulgò **Dorsetshire** dicta, et gens  
Durotriges, nomen accepere, ad In-  
30 teramnam, quæ vulgò **Twinhamburn**  
E 2 dicitur,

dicatur, in mare properat.

AVONA, quartus eius appellationis fluvius per *Avonam* labitur olim oppidum, & castrum nobilissimorum Bigotiorum Comitum Icenorum, qui nunc Nordovolca, & Sudovolca dicuntur. Nomen autem oppidi pro *Avoney*, corruptè nunc vocatur *Bongey*. Inde Belloclivum, & Fanum Olwaldi non incelebria loca alluit, & tandem humili solo late stagnescens salis Garieni aquis se immiscet.

AVONA denique, fluvius qui & numero quintus cæteris famam non cedit. Oritur *Navesbia* circa limites *Avonæ* mediterraneæ. Verovicum urbem cum antiquam tum nobilem alluit: Chineglissi etiam castrum, quod nunc *Billingsworth* & Stratofordam: postremò Eovesum, Persoram, ac Theoci curiam, ubi Sabrinæ conjugio se nobilitat. Sunt & alii passim fluviosi in Britannia *Avonæ* nomine. At sufficiat in præsentia quinque maximè memorabilium meminisse.

B.

BALNEA, numero multitudinis, urbs non modò antiqua, verum etiam

am celebris Romanorum monu-  
mentis multis, liquidò in muris com-  
pâret, quâ itur à porta Meridionali  
ad Borealem. Hanc Britanni sua lin-  
gua *Cair Badune* appellabant, à bal-  
neis quanquam minus propriè, cum  
balnea industriâ incalescant. Urbs  
igitur à Ptolemæo *Θερμη*, Græco  
rectius vocabulo appellatur. Ther-  
mæ etenim naturâ calent. Antoninus  
hanc urbem nomine *Aquarum solis*  
recenset. Beda primo capite primi  
libri Historiæ Anglicanæ de his bal-  
neis, secutus Basilii Magni autorita-  
tem homilia 4. in opere Sex dierum,  
quod Græcè *Εξημέρων*, non ineptè dis-  
ferit, nisi quòd vocabulo balneorum  
parum appositè eo sit usus loco. Ne-  
que ego certè hoc nomine urbem ap-  
pellâssem, nisi admonitus, ut quàm  
minimum ab antiquo discederem  
vocabulo. Gildas Britannicæ scriptor  
historiæ hanc urbem montem *Bado-*  
*nium* vocat: quanquam mons re-  
dundat. A Baduno rectè formatur  
Badunicus. Lapsus autem ab V. in O.  
facilis. *Dunus* sive *Dunum* significa-  
tione maximè propria montem de-  
signat. Et quoniam antiquitùs forti-  
tudinis ergò in montibus, utpote lo

cis naturâ munitis, & inaccessis, oppida extruebant: aut, quia oppidi effigies consurgens altis tectis turribusque, longè intuentibus montis instar est, visum est vocabulorum formatoribus oppida pleraque *duni* terminare nomine. Hic mons est Badonicus, qui usqueadeò male Urbinatem, virum alioqui doctum, torfit, ut illum impulerit vel ad Blacomoram Brigantum rem ignotam quæsitum proficisci. Gallofridus Monovaganus Britannicæ interpretis historiæ figmenta secutus Bladudo regi necromantico Thermarum inventum tribuit. Utinam in cidisset Gallofridus in historiâ probatæ fidei. Neque hæc dico ut fidem omnem Britannicæ auseram historiæ, cum multa verissima illic legantur: sed, ut lectores majori cum judicio legant. Gulielmus à Maildolph curia, scriptor Gallofrido longè illustrior oratione, plerunque etiam & fide, prædicat libro de pontificibus secundo, creditum ab antiquis, Julium Cæsarem fuisse *Thermarum* inventorem. Ut crediderint, certè ego non credo. Tantum salutabat ille à limine Britanniam. Nec ultra Atrebates, quantum ego intelligo, pro-



progressus est. Sunt & alibi Thermæ  
in Britannia, ne hoc interim studio-  
sus lector ignoret, quâ latè patet  
*Dorventania*, quæ à vulgo *Darbyshire*  
5 dicitur. Locus, ubi scatent, Bucoltenū  
nomen habet. Est ibi sacellum Annæ  
matri dedicatum, appendix pa-  
rœciæ Bachevellensis. Hactenus de  
*Thermis*.

10

**BAINARDI-Castellum:** Legi ego  
aliquando hoc Castellum in ditione  
insignis familiæ fuisse, cui filius  
Gualteri cognomen, penes quam  
15 mansit usque ad tempora Roberti fi-  
lii Gualteri, quo deficiente à Ioanne  
Anglorum Rege ad Francos, iussu  
Angli eversum est. Sævitur & eodem  
modo in reliquam Roberti filii  
20 Gualteri hæreditatem. At an id tem-  
poris castrum, quod antiquitus Lon-  
dini ad Fluctum amniculum situm e-  
rat, teste Stephanide scriptore, fuerit  
castrum *Bainardi* dictum, non possum  
25 certò pronunciare. Eadueardus  
Quartus rex Anglorum Castrum  
refecit quod nunc *Bainardi* nomen  
obtinet.

30 **BATERSEGA**, villa non admodum  
E 4 magni

magni nominis: Laurentius Bou-  
thæus Archiepiscopus Isurovicanus  
vulgò Eboracensis, hîc prædiolum  
dato precio Nicolao Stenolêgo sibi  
comparaverat, ut in secessum se con- 5  
ferret, quoties vel Londini, vel palatii,  
quod ibi habebat planè magnificum,  
fatietas eum caperet. Unde & villæ fa-  
ma, splendorq; accrescere cœpit. No-  
men autem loco inditum, ut ego 10  
conjicio, ex cymbis.

BELLINUS *sinus*, Anglicè **Bell-  
nesgate** à *Bellino* Britannorum rege,  
ut produnt scriptores, & fama refert  
publicum nomen accepit, & adhuc re- 15  
tinet. Tradunt etiam & Castrum por-  
ticulo vicinum ad orientem, *Bellini*  
nomen antiquitus habuisse.

BELLUS *locus*, ædes vel in primis  
illustres apud Saxones orientales, quæ 20  
non multis ab hinc annis *Nova-Au-  
la*: nomine gaudebant, possidente  
eas Botelero Ormundiæ Comite: de-  
inde & Thoma Bononio, ejus ex filia  
nepote, & hærede Vilugiæ Comite. 25  
Sed cum illustrissimus Henricus  
octavus, permutatione cum Bononio  
factâ, ædes sibi comparâset, cæperunt  
in immensum excrescere ingentibus  
Principis impensis, novumque, juxta 30

ac elegans nomē *Belli+loci* adsumere.

BERMUNDI-insula, Anglicè *Bermundesege*, locus humilis, ac palustris. Hic Alwinus vir nobilissimus,  
 5 teste Ioanne Fiberio Visimonasteriensi annalium scriptore, & Matthæo, qui Flores historiarum collegit, monasterium construxit, quod partim donationibus Gulielmi Magni, &  
 10 Gul. Rufi, regum Angliæ, partim etiam Valerani, in justam excrevit magnitudinem. Erant autem ante conditum monasterium amplissimæ ædes in *Bermundi* insula, quas ego  
 15 certè puto fuisse Alwini, & in novæ fabricæ usus cessisse.

BIRINUS. Missus hic fuit ab Honorio Pont. Romano, tanquam apostolus ad Anglos. Pervénit ad Visi-  
 20 saxones, & beneficio Kinegilsi regis, quem unà cum D. Osualdo Transbrinorum rege baptizavit, ac dono accepit Hydropolim, aliàs Durocastrum, oppidum Romanis non in-  
 25 cognitum, situm autem in ipsa Tamæ ripa, in sedem Episcopatus sui. De hac donatione scribit Beda quinto cap. tertii libr. Anglicæ historiæ. Acta hæc circiter annum à Christo nato.  
 30 635. Successerunt in episcopatu viri  
 fama

famā clarissimi, donec Remigius Nortomanus sedem Lindum transferret.

**BRANODUNUS.** Nomen illustriſ  
familix apud Icenos, qui nunc Volcæ. 5  
Ad verbum è Britannico Latine in-  
terpretatur *Corvinus mons*. *Brane* e-  
tenim Britannicè corvum, *Dune* ve-  
rò montem ſignificat. Non multum  
abludit ab hac compoſitione & aliud 10  
nomen Britannis celebre, videlicet  
*Brennodunus*, id eſt Regius mons.

BRENTA, fluvius: oritur in syl-  
va Henodunensi, tribus à Barneto  
vico passuum millibus; defluit per  
radices Aroi montis ad Vilodunicos  
agros, tandem se exonerans in Tame-  
sim paulo inferius *Brenta vado*, vico  
Danorum fugâ celebri.

BRIGANTES : gens Hyperborea, 20  
quorum meminit Cornelius Tacitus  
scriptor elegans, & rerum Britanni-  
carum, nempe à Iulio Agricola soc-  
ro edoctus suo, non ignarus. Memi-  
nit & eorundem Ptolemæus, adfir- 25  
mans *hanc gentem* & occidentale, &  
orientale litus inhabitâsse. Connu-  
merat etiam Epiacum, Vinnonium,  
Caturaetonium, Calatum, Ilurium,  
Rigodunum, Olicanam, & Eboracum 30  
Bri-

- Brigantum civitates. Ubi autem sit  
 Epiacum nondum perdidici. Credi-  
 derim Vinnonium eam fuisse urbem,  
 que nunc **Wincester** prope Vedram  
 5 sita, non procul ab Achelanda, villa  
 rustica est, via lapide trans flumen  
 strata insignis, & famosa fictilibus  
 tubulis, tessellatis pavementis, & nu-  
 10 mismatibus Romanis frequenter é-  
 ntis. *Calatum* verò, ut ego judico,  
 ea fuit, quæ ab Antonino, & Bedâ,  
 Calcaria dicebatur, Saxonice **Bele-**  
**caster**. Nisi quis putet *Tadecastum*  
 vicum celeberrimum vicinum, eam  
 15 fuisse. *Rigodunum* eam dictam arbit-  
 ror, quæ nunc *Ripodunum*, & hæc  
 quoque antiquitatem ostentat suam.  
 De *Olicana* quidam id pronunciat,  
 quod ego non omnino affirmo, nèpe  
 20 eam esse, quæ modo *Sacra sylva* aliàs  
**Waltgter** dicitur. Eam igitur inco-  
 lebant regionem, quam nunc Ebora-  
 censes. Absurdum profectò erit post-  
 hac Brigantes cum Hectore Boethio  
 25 Scotto in Gallovidia quærere. An-  
 toninus etiam mentionem facit Bri-  
 gantum, quo loco de *Isuria* antiqua  
 urbe scribit. Porro Iuvenalis satyra  
 decima quarta hoc versiculo *Brigan-*  
 30 *tes* gentem, ut ego opinor Hispani-  
 cam, nominat.

Dirue Mauroꝝ attegias, castella Brigantum.

Neque desunt qui suspicentur *Brigantes* gentem Britannia Aquilonarem a *Brigantibus* Hispania, nomen & originem traxisse. Sed ego nihil in re nondum subtiliter excussa affirmo. 5

BRITANNIÆ, numero plurali dicta, ad distinctionem primæ, & secundæ, quarum Sextus Rufus, qui de pro. inciis scripsit, meminit. Est autem prima, quæ citra Isthmum; quæ verò ultra, secunda; nunc Scotia dicta: de quibus & Beatus Rhennus Selestadiensis in opere de rebus Germanicis illustrem facit mentionem. Sylvester Giraldus Menevensis homo antiquitatis Britannicæ studiosus Vibium Sequestrem, ut ego arbitror, sedulò imitatus, de Britannia divisione ita scribit libello Distinctionum secundo: ubi de adventu Fugatii & Damiani apostolorum ab Eleutherio Romano episcopo in Britanniam missorum meminit. *Britannia* provincias habet numero quinque. Britanniam primam, Britanniam secundam, Flaviam, Maximiam, Valentiam. Prima, dicta est pars 10 15 20 25 30

pars occidentalis insulæ, quia primum in illa Britones Bruto, & Corineo Ducibus applicuerunt, eaque primo à Corineo & suis & occupata  
5 est, & habitata. Britannia secunda Cantia, quia secundo à Bruto, & suis inhabitata fuit. Tertia Flavia hoc est flava, quæ dicitur & Mercia, quasi mercibus abundans, caput cujus est  
10 Londonium. Quarta, Maximia, id est Eboracia ab imperatore Maximo sic dicta Quinta, Valentia ab Imperatore Valente sic dicta, Albania scilicet, quæ nunc Scotia. Hactenus  
15 Giraldus, cujus nomen in Decretis Romanorum pontificum celebre. Erat ille quidem suo eruditus seculotramen tantum abest ut hanc ejus de *Britannia* in partes divisa interpretationem in solidum admittam, ut aperte ausim pronunciare illum subinde in interpretatione impendio hallucinatum fuisse. Ineptum planè  
20 quod de prima, & secunda scribit Britannia. Et ejusdem farinae est, quod infert de tertia Britannia provincia. Flaviorum familiam longè nobilissimam, à qua & Constantinus Magnus originem duxit, ulnis amplector. At Flavam repudio, unà  
30 cum

cum Mercia, quæ à Mercis Germani-  
ca gente, vel limitanea; non à merci-  
bus, nomen accepit. Illud quod de  
Bruti in Britanniam adventu adfert,  
quanvis temporum iniquitate subla- 5  
tis antiquissimorum scriptorum mo-  
numentis, nec illustrium Græcorum,  
aut Latinorum iustis, quod ego sciam,  
testimoniis confirmetur, in optimam  
planè accipio partem, ingratiſſimus 10  
alioqui, si instructus satis domestico-  
rum scriptorum non levi autoritate,  
peregrina, & exotica foris anxie dis-  
quirerem. Interea igitur magni me-  
rito facio monumenta ingeniorum, 15  
& antiquæ cognitionis, quæ priores  
nostri non vani, ut Polydorus censor  
certè molestissimus, imperio quo-  
dam suo, prædicat, gratè, candidè, op-  
portunè etiam posteritati, religione 20  
iustà ducti, consecravere. Gildæ  
fragmentum quod circumfertur non  
meminit Bruti. Quid tum? Hocine  
satis est ut eludant, aut pernegent  
Brutum in Albionem cum suis trans- 25  
migrasse? Collectio, ita me Dialecti-  
ca amet, frigidissima. Nennius Bri-  
tannus scriptor non contemnendus  
affirmat Brutum nomen Britanniae  
indidisse, quamquam & Britonis e- 30  
tiam



riam meminit. Gallofridus Mone-  
muthensis Britannicæ fidem secutus  
historiæ idem vel constantissimè ad-  
firmat. Constat testimonio Aristote-  
5 lis in libello de mundo, atque adeò  
aliorum Græcorum, *Britanniam*  
principio Olbionem & *Albionem*  
fuisse dictam. Nec deest autor lucu-  
lentus, qui scribat nomen Insulæ in-  
10 ditum ab Albione gigante Neptuni  
filio, cujus & Pomponius Mela me-  
minit. Gigantes autem Olbionem  
incoluisse verissimum est. Poëta qui  
epitomen Britannicæ historiæ edidit,  
15 sic de gigantibus Albionicis scribit.

Terra ferax, & amœna situ dum  
nomen habebat,

*Albion* indigena plena gigante  
fuit.

20 Ioannes Annævillanus libro Archi-  
trenii, si rectè computo, sexto; hæc  
recitat de gigantibus.

Hos avidum belli Corinæus robur  
averno

25 Præcipites misit, cubitis ter qua-  
tuor altum

Gogmagog Herculeâ suspendit in  
aëra luctâ,

30 Anthemumque suo scopulo detrussit  
in æquor.

Vidi

Vidi ego passim, cum totam perlustrarem Briranniam ossa gigantea. Ter etiam nostro sæculo Londini inventa ejusmodi ossa inter fodiendum. Iugulus columnæ appender in Fano Laurentii ad Prætorium. Crus inventum me puero in arenariis prope crucem Charinianam. Denique & craneum amplissimum erutum est Visimonasterii, cum jacerentur fani fundamenta, in quo Henrici Septimi ossa conquiescunt, manifesto sunt indicio. Vidi etiam ossa gigantea Dori Cantiorum, Sturoduni Durotrigum, Londini quoque in cæmeterio Paulino. Inventa & Galloveni ossa ingentia, vel, ut ego rectius arbitror gigantis alicujus, unà cum sepulchro in Rossia provinciola De metarum, teste Gulielmo Maildunensi libro de Regibus Anglicis tertio. Denique annis ab hinc paucis sepulchrum gigantis in Cornubia erutum. Quin omisis gigantibus ad *Brutum Britannica* gentis parentem redeo. Epitomographus Britannicæ historiæ, hæc quæ sequuntur de Bruto canit.

Dicitur à *Bruto* sortita *Britannia* nomen,

Dicitur

Dicitur & Bruti Britto fuisse ge-  
nus

Pars *Corinæa* datur, *Corinéo* de Du-  
ce nomen:

5 Patria deque viro gens *Corinensis*  
habet.

Josephus Iscanus poëtarum suo  
seculo delictum, & facile princeps in  
*Antiochæide* sic canit.

10 — His Brutus, avito

Sanguine Trojanus, patris egres-  
sus ab oris,

Post casus varios consedit finibus,  
orbem

15 Fatalem nactus, debellatorque gi-  
gantum,

Et terræ victor nomen dedit.

Joannes Annævillanus poëta, ut illa  
ferebant tempora, certè egregius, his  
versiculis *Britanniam* à Bruto nomen  
20 accepisse clarissimè ostendit:

Hæc eadem, *Bruto* regnante, *Britan-  
nia* nomen

Traxit in hoc tempus.

25 Alexander Nechamius, cujus in  
doctis artibus cognitio non modò  
*Britannis* suis, verum etiam *Gallis*,  
& *Ital*is atque adeò *Orbi* universo,  
incredibili cum admiratione ita in-  
30 notuit, ut miraculum ingenii dicere-

tur, his verbis in libro de Sapiencia divina magnificè *Bruto* assurgit.

De hinc *Bruti* tellus est dicta *Britannia major*:

Nam *minor* *Armoricos* gaudet habere sinus.

Et alibi.

Quos *Bruti* claudit *Insula* clausa mari.

His, aliisque multis edocti *Britanni* testimoniis sanè luculentis, iure quodam optimo *Brutum* tanquam sui generis indubitatum parentem mordicè retinent, & precipuè *Cambri*. Gloriantur illi quidem se à *Trojanis* originem accepisse. Quà parte non solum fidei unius *Gallofridi Monemuthensis*; verùm etiam *Nennii*, qui trecentis amplius ante eum annis floruit, innituntur: tantum abest ut justè hoc inventum *Gallofrido* interpreti *Britannicæ* historię obijciat vel *Gulielmus Parvus Novoburgensis*, vel *Polydorus Urbinas*. Bene habet interim quòd *Ponticus Varrum*pius causam *Gallofridi* defendendam suscepit, aut rectius *Gildæ*, cujus versiculos *Gallofridus* primo *Britannicæ* historia libro, vel ignoto vel ingratè suppressio auctoris nomine,

recitat. A Gallofrido autem versus non fuisse compositos vel hinc constat: Referunt enim, aurea fluentes vena, Antiquitatis inimitabilem quandam cum eloquentiam, tum majestatem, qualem Gallofridus poeta suo tempore minimè malus, ut liquidò apparet ex prophético Merlini Sylvestris libello ab eo in carmen redacto, cum admiratione facilius potuit suspicere, quàm felicius exprimere. Quare operæ precium erit carmen hîc subjicere, ut nomen Brutii eximium diffusis orbi radiis plenius eluceat. Consecratum autem carmen est, votis multis, Dianæ venatrici. Nam Britannia illis nemorosa temporibus fuit, ferarumque alitrix.

Diva potens nemorum, terror sylvestribus apris,

Cui licet anfractus ire per æthereos,

Infernasque domos, terrestria jura resolve:

Et dic quas terras nos habitare velis.

Dic certam sedem, quâ te venerabor in ævum.

Quâ tibi virgineis templa dicabo choris.

Agnosco hâc numen eloquentiæ,  
quod & suspicio, venerorque religio-  
ne permotus quadam. Sequitur fa-  
ventis Dianæ responsum elegans, ro-  
tundum, propitium. Crediderim  
planè Deam heroicum quiddam in  
Bruto penitiùs deprehendisse, quod  
beneficio magno posteritati, & æter-  
nitati commendatissimum relinque-  
ret. Sic enim magnifica respon-  
der.

*Brute*, sub occasum solis trans Gal-  
lica regna,

*Insula* in Oceano est undique clau-  
sa mari.

*Insula* in Oceano est, habitata gi-  
gantibus olim,

Nunc deserta quidem, gentibus  
apta tuis.

Hanc pete, namque tibi sedes erit  
illa perennis:

Hæc fiet natis altera Troia tuis.

Hic de prole tua reges nascentur,  
& ipsis

Totius terræ subditus orbis erit.

Ponticus Virunnius pronunciat  
Gildam poëtam Britannicum versu-  
culorum quos recitavi fuisse scripto-  
rem, ejusque operis meminit, cui il-  
lustris titulus *Cambræis*. Hæc ille de  
Cam-

Cambreïde loquens. De qua etiam,  
libro quinto epigrammáton Gildas  
Britannus poëta, sic canit insignis.

Jocundæ totiens cecini tibi car-  
mina, Cambreïs.

Lilius Gregorius Gyraldus Ferra-  
riensis, dulce decus omnis antiquita-  
tis non Latine modo, verum etiam  
Græcæ, ita in quinto de poetarum  
historiâ dialogo, de Gilda Britanno  
loquitur. Gildam etiam memini  
me legere Britannicum poëtam, his,  
ut puto longè antiquiorem, cujus  
tñm mihi Elegiacum carmen mirâ  
facilitate conscriptum visum fuit. nec  
adeò aspernabile : quem postea etiam  
citatum reperi in pervetere *Britanni-  
ca historia*. Hactenus Lilius. Addu-  
cor certè ut credam alterum hunc fu-  
isse à Gilda historiographo. Phrasis,  
dictio, elegantiaque carminis majo-  
ra promittit, quàm speranda quidem  
à monacho, tam barbaro seculo nato.  
Quare Gildam poëtam ab historio-  
grapho alterum, judicio quodam per-  
suasus certo, non temerè constituo.  
Liceat nunc *Britannis* cum bona ve-  
nia originem à *Trojanis*, & *Bruto* suo  
repetere. Fecerunt idem & Itali, &  
Galli, multæque aliæ gentes, gloriâ  
F 3 in-

infinita illa Trojani nominis illeæti.  
 Quales *Britanni* initio fuerint non  
 remerè definitio. Doctissimorum esto  
 iudicium. Scio interim Iosephum  
 in opere, cui titulus Antiochæis, hæc  
 magna cum laude cecinisse.

—Inclyta fulsit

Posteritas Ducibus tantis, tot dives  
 alumni,

Tot fœcunda viris, premerent qui 10  
 viribus orbem,

Et famâ veteres. Hinc Constantinus,  
 adeptus

Imperium, Romam tenuit, Bizanti-  
 on auxit. 15

Hinc Senonum ductor captiva Bren-  
 nius urbe

Romuleas domuit flammis viâtricibus  
 arces.

Hinc & Scæva satus, pars non obscura 20  
 tumultûs

Ci. i. is, Magnum solus, qui mole so-  
 luta,

Obsedit, meliorque stetit pro Cæsare  
 murus. 25

Non desunt & alii melioris notæ  
 scriptores, quorum operâ, & dili-  
 gentiâ antiqua Britannorum virtus  
 elucet. Iosephus, cujus carmen eli-  
 matum præposui, unus multorum, 30  
 bre-



brevitatis causa, instar erit. Hoc cer-  
tè constat, cultores *Britannia* eòjam  
gloriæ pervenisse, ut cum gentequa-  
vis alia omni virtutum genere facile  
5 contendant, hostesque jugo premant.  
Tantum hoc defuit palmæ antiquis-  
simorum *Britannorum*, quòd ante  
*Romanorum* in *Insulam* adventum  
operi manuario, & militiæ studue-  
10 rint potius, quàm literis, quibus fa-  
mam posteritati prorogarent. Arti-  
um, & bonarum literarum cognitio  
eo tempore certè omnis penes solos  
*Druides* fuit, quibus & Græca lingua  
15 tantum non familiaris. *Strabo* *Geo-*  
*graphus* libro quarto *Bardos*, & *Va-*  
*tes* adjicit, hæc referens. *Bardi* qui-  
dem laudationibus, rebusque poëti-  
cis student: *Vates* autem sacrificio-  
20 rum naturaliumque causarum curæ  
dediti. Conjectura ducor eo tempore  
vulgus *Britannorum* ineruditissi-  
mum fuisse, ac propterea non potuisse  
linguæ suæ voces calamo depingere.  
25 Quo etiam morbo & pleræque aliæ  
gentes omnes barbaræ laborabant.  
*Caroli Magni* temporibus cœperunt  
barbaræ gentes aliquot, suæ linguæ  
vocalis chartas pingere. Rudiores  
30 *Hungari* ne adhuc quidem aptè suo

idiomate scribunt. Cæsar meminit  
 numismatum Britannicorum, & an-  
 nulorum, quibus in permutatione u-  
 rebantur. At ego, qui excusserim om-  
 neis *Britannia* angulos, & tantum an- 5  
 tiquarum rerum viderim, ne unum  
 quidem, quod sciam, Britannicè in-  
 scriptum inveni: cum tamen Roma-  
 norum numismatum passim per a-  
 gros Britannicos erutorum pæne my- 10  
 riades viderim. Causa autem cur  
 Britannorum numismata nulla ap-  
 pareant, hæc est. *Cautum fuit edito*  
*Romanorū imperatorum severo, ne quis*  
*in Britannia nummis uteretur nisi sig-* 15  
*natis imaginibus Cæsarum, id quod*  
*ex Gilda sapientis historiola liquido*  
*constat. Et quamdiu imperium Bri-*  
*tannia in provinciam redacta penes Ro-*  
*manos stabat, tamdiu necesse erat Bri-* 20  
*tannis magistratum gerere cupientibus,*  
*Latine loqui, etiam si non pure putè.*  
*Unde & provincialis lingua ortum a-*  
*puđ Britannos, ut arbitror, nomen.*

Vulgus tamen magnâ cum diffi- 25  
 cultate, & id quidem corruptè, disce-  
 bat. Tabulas donationum omneis,  
 & rationes alicujus momenti Latine  
 scribebant. Hæsit tamen in lingua,  
 in fibris, in animo apud vulgus sermo 30  
 Bri-

- Britannicus. Qui sunt peritiores  
linguæ Britannicæ, quâ nunc Cambri  
Britannorum reliquæ utuntur, faci-  
lè sentiunt infinitam vim Latinorum  
5 vocabulorum consuetudine Romano-  
rum in colloquium vulgo familiare  
irrepfisse. Cætera vocabula Cambri-  
ci idiomatis partim Hebraica, par-  
tim Græca, partim barbara sunt.
- 10 Sed latius in præsentia expa-  
tius sum, dum sollicitè hoc ago,  
ut Britanni splendore sui Bruti, à quo  
unà cum patria fama super æthera  
nota nomen accepere, illustrati, Tro-  
15 jani meminerint generis, factisque  
parentem victuris affiduè exprimant.  
Forſitan hîc quiſpiam dixerit me bel-  
lè munus perornâſſe meum; ſubefſe  
ramen, quæ diverſum ſuadeant, &  
20 Brutum, non minus quàm Britanni-  
am ab eo denominatam negligant,  
contempnant, rejiciant denique. Qua  
parte, ut veritatem à calumniatorum  
impetu prætenſo clypeo fortiter pro-  
25 tegam, aperte ſignificabo quibus ar-  
mentur telis. Nennius confirmator  
magnus Bruti, ne varietatem ſcriben-  
tium de origine Britannica aut con-  
ſultò præteriſſe, aut non cognoviſſe  
30 videretur, Britonis cujuſdam, filii  
Hi-

Hisicionis aliàs Ificonis, qui fuit fili-  
 us Alani de genere Japheti, mentio-  
 nem facit, significans se legisse apud  
 quendam historiographum ab hoc  
 Britones nomen accepisse: quam ta- 5  
 men opinionem recitavit potius,  
 quàm confirmavit, prælatâ meritò  
 Bruti gloriâ. Sunt & aliquot præ-  
 terea obscuræ famæ scriptores, qui  
 leviter Britonis, & Britonum 10  
 nomen attigerunt. Scriptoribus  
 antiquis Græcis *Βερτανία* percog-  
 nitum nomen: Britannia Latinis:  
 At Britonum utrisque infrequens.  
 Antonius Burdegalenis falsiusculè 15  
 ludit in Sylvium Britonem. Pro-  
 fectò crediderim eo tempore Brito-  
 num nomen exortum, quo Romana  
 eloquentia, & gloria unâ cum Bri-  
 tannia ad inclinationem vergebant. 20  
 Sunt qui putent Britones gentem fu-  
 isse continentis Galliæ, ad littus Ar-  
 moricanum (inter quos & Volaterra-  
 nus Polydori instructor) & olim in  
 Britanniam commigrâsse. 25

Sed ea opinio à nudâ profiliens  
 conjecturâ judicio doctorum explosa  
 est

Agathias Græcus libro secundo de  
 bello Gotthico, scribit Britones Hun- 30  
 nicam

nicā esse gentē. Nil igitur antiquitūs  
 Britonibus cum Arimoricano littore  
 commune.

Cornelius Tacitus hæc refert  
 5 in vita Agricola. In universum  
 æstimanti, Gallos vicinum solum oc-  
 cupasse, credibile est. Eorum sacra  
 deprehendas superstitionum persua-  
 sione. Sermo haud multum diversus.  
 10 Hæc ille. At Taciti illud *credibile*,  
 rem tanquam veram, cum sit vox in-  
 certa, non pronunciat. Nuda planè  
 conjectura est. Nam & superius scrip-  
 serat, parum compertum esse. Quan-  
 15 tum autem ad sacra pertinet, credi-  
 derim potius cum doctis scriptori-  
 bus, (& maximè Cæsare, (quem Bri-  
 tannicarum rerum cognitio aliquan-  
 do occupatissimum iuxta derinuit cu-  
 20 ra) Gallos à Britannia, quàm contrà,  
 suorum rituum persuasionem acce-  
 pisse: id quod vel facilè hinc liquet,  
 quòd Galli ad Druides Britannia in-  
 colas de more misitabant quæsitum  
 25 de vera rituum cum interpretatione,  
 tum cognitione. Denique quantum  
 ad idioma pertinet, sum penè ejus-  
 dem cum Tacito sententiæ. Nunc  
 mihi negotium, nec illud quidem  
 30 leve, erit cum illis, qui contendunt  
 Bri-

Britannos olim gentem vagam, syl-  
vestrem, inconditamque fuisse, & à  
*brutis* moribus nomen desumpsisse,  
inter quos & Hierichus primus est,  
ut liquet ex his versibus desumptis è  
tertio ejus operis libro, quod de vita  
D. Germani episcopi Altisiodoren-  
sis carmine heroico scripsit, & Caro-  
lo Magno dedicavit.

Insula in vasto terrarum plurima  
ductu

Alterius penè nomen conduceret  
orbis;

Edicto veterum vocitata Britannia,  
brutis

Barbara quòd furiat gens ultrò mori-  
bus omnis.

In hac etiam hæresi fuit Isidorus  
Hispalensis episcopus, ut apparet li-  
bro nono Etymologicòn. Horum e-  
go judicium non ex autoritate scrip-  
torum probatissimorum enatum, aut  
ex vivis fontibus haustum, quin poti-  
us à lacunis temerè derivatum, discus-  
sio longè rectius, quàm admitto.  
Colligo utrumque in barbarum planè  
incidisse seculum, quo bonæ artes  
omnes, unà cum eloquentia, & ge-  
nuina illa antiquitatis cognitione  
frigebant. Ut concedam Britannos  
ali-

aliquando rudes, vagos, & incompo-  
situm genus fuisse: an ideo ratione  
æquâ statim bruti dicendi? Minimé.  
Tales initio fuere gentes pleræque  
5 omnes, ne Græcos quidem, Italosve  
excipio, qui tamen postea societate  
civilitate, æquitare conjunctissimi  
illustribus factis, quemadmodum &  
Britanni, gloriam sui nominis vel  
10 longissimam fecerunt, posteritæque  
memorabili exemplo, virtutis titulo  
fuerunt. Eliora, amicus noster ille  
candidus, inter Græcos versatus, con-  
tendit beneficio cujusdam vetustissi-  
15 mi exemplaris, opportuna usus  
conjectura, Britanniam antiqui-  
tus à rerum affluentia Prytani-  
am Græcè, nomine à re aptissi-  
mè desumpto, dictam fuisse. Hæc  
20 memini legere me in Vibii Se-  
questris libro de regionibus, ac pro-  
vinciis. Calabria quæ primitus ab  
antiquis Prytania, ob immensam af-  
fluentiam totius deliciis, atque uber-  
25 tatis. Hæc ille. Industriam Eliotæ  
collaudo. Cupiebat ille hac con-  
jectura Britannicæ gloriam appellati-  
one & eleganti, & significanti exten-  
dere. Nec interim tamen conjectu-  
30 ras ullas tanquam certa promitten-  
tes

tes statim recipio, ne forte videar iudicio valentibus patriæ ingratus, neglecto, aut contempto Bruto incomparabili, ac ab antiquis nostratibus maximè receptissimo. Postremò ille certè corrigendus, & opportunè, error ei, quo quidam imbuti, & temeritate potius, quàm iudicio ullo saltem certo freti, deprædicant Britannos ex Armoricano littore primum in Albionem commigrâsse, novumque Britannia nomen Insulæ indidisse. Beda vir citra controversiam omnem doctus, at non perinde in penetralibus Britannicæ Antiquitatis veritatus, scribit hoc modo, primo capite primi libri Anglicæ historiæ. In primis autem insula Britones solum, à quibus nomen accepit, incolas habuit, qui de tractu Armoricano, ut fertur, Britanniam adveſti, australeis sibi partes illius vendicaverunt. Hic certi nihil pronunciat, tantum dicit, *ut fertur*. Quo loco, si fidem à lectoribus sibi dari voluisset, apertè autoris nomen, cuius opinioni subscripsit, produxisset, ut & sic pondus, fidemq; dictis solidam adjiceret. Polydorus tamen vir alioqui tum elegans, tum doctus, ex hoc Bedæ loco errorem haufit



hausit, haustumque in fibris conser-  
vat. Tam difficile est dediscere, quæ  
semel malè aliquis didicerit. Quid  
interim fiet de iudicio Cæsaris? Ille  
5 quinto commentariorum libro Bri-  
tannos mediterraneos *Αντοχθονας*  
appellat, tanquam in ipsa terra geni-  
tos, quod antiquioris originis essent,  
quàm ut generis sui primordia cog-  
10 noscerent. Diodorus Siculus, libro  
sexto bibliothecæ suæ, hæc refert.  
Britanniam incolere tradunt Abori-  
genes. Liquet communi scriptorum  
suffragio incognitum fuisse Britannæ  
15 nomen oræ Armoricanæ, ante Maxi-  
mi, qui Britannis insularibus præfu-  
it, tyrannidem. Britanni indubiè  
Armoricæ à se devictæ nomen  
imposuere novum, quod vel ad-  
20 huc retinet. Commigrationis  
autem Britannorum in Armori-  
cam cum Maximo, Gildas in sua hi-  
storiola, & Beda in libro de ratione  
temporum, titulo Theodosii, lucu-  
25 lentam faciunt mentionem. Ut con-  
cedam Brutum & Britannos aliquan-  
do solvisse à littore Armoricano Al-  
bionem petitueros: an statim hoc ad-  
misso constabit Britannos colonos  
30 fuisse tractus Armoricani? Nihil  
mi-

minus. Nam aliter ipsa Gildæ verba  
pronunciare videntur. Exin Britan-  
nia omni armato milite, militaribus  
copiis, rectoribus licet immanibus,  
ingenti juventute spoliata, quæ co-  
mitata vestigia supradicti Tyranni  
domum nusquam rediit. Hactenus  
Gildas. Si ergo domum non redie-  
runt, quem locum, aut quas posside-  
bant sedes? Certè non alias quàm 10  
Armoricanas, quibus victores patriæ  
sux nobile dedere nomen, Armori-  
canorum & gloria, & appellatione  
sensim cadente, ac tandem pereunte.  
Nennius Britannus de hac quoque 15  
transmigratione in sua opportunè  
scribit Historia. Quin & ista fusius,  
luculentius, atque adeò certius, ad-  
ditis ad cumulum Constantini Mag-  
ni triumphis maximis, depingit Guli- 20  
elmus à Maildulphi curia in prima de  
regibus tabula, his lineamentis. Con-  
stantinus, ut aiunt, vir magnæ civili-  
tatis Constantinum ex Helena stabu-  
laria susceptum egregiæ spei juvenem 25  
reliquit heredem, qui ab exercitu  
Imperator salutatus, expeditione in  
superiores partes indictâ, magnam  
manum Britannorum militum ab-  
duxit, per quorum industriam, tri- 30  
umphis

umphis ad vota fluentibus, brevì rerum potitus, emeritos, & laboribus functos in quadam parte Galliæ ad occidentem super littus Oceani collocavit. Ubi hodièque posterì eorum manentes in immane coaluere motibus, linguâque nonnihil à nostris Britonibus degeneres. Et ibidem paulò inferius: Succedentibus annis in eadem insula Maximus, homo imperio aptus, si non contra fidem ad tyrannidem anhelasset, quasi ab exercitu impulsus, purpuram induit, statimque in Galliam transitum parans, ex provincia omnem pene militem abrasit. Constantinus etiam quidam non multo post ibidem spe nominis Imperator allectus, quicquid residuum erat militaris roboris exhausit. Sed alter à Theodosio, alter ab Honorio interfecti, rebus humanis ludibrio fuere. Copiarum, quæ illos secutæ ad bellum fuerant, pars occisa, pars post fugam ad superiores Britannos concessit. Hæc Maildunensis fusiùs reliquis scriptoribus narravit, exorsus à Constantio patre, & Constantino filio Imperatoribus. Quid, quod & addidit ad Maximi tyrannidem præter communem

nem morem nostrorum scriptorum,  
 Constantini alterius imperii invaloris facinus, suppliciumque? De hac quoque transmigratione, & nomine Armoricae in Britanniam continentis mutato, Henricus Venantodunensis in sua accuratè scribit historia. Ut interim mittam Aluredi Fibrolegani, Gervasii Durovernenfis, Joannis Anglici, Ranulphi Higedeni Caestrensis illustrissima de eadem transmigratione testimonia. Hæc, quæ auctoritate virorum illustrium confirmatus adduxi, si non satis comprobant Armoricam Britanniae continentis nomen à Britannorum insularium commigratione accepisse, & Britannos continentis nullam unquam appellationem indidisse nostræ Britanniae, disquirant per me importuni calumniatores crassiores umbras, quibus gloriam frustra conentur Britannici splendoris obfuscare. Ego interea loci strenuè causam meæ patriæ defendam, & famam ejusdem modis quibus possim omnibus promovebo, augebo, ornabo.

BUSTELLI-domus. Angl. **Bustlesham**. Erat aliquando sedes Templariorum, quorum existimatione decrecente

eresciente Mons acutus à Severia Comes collegium Canonorum Augustinianorum ibidem instituit. Ab eo tempore Bustelli domus consecratum est principibus viris Montis acuti.

C.

CALEVA, nobilissima semper Atrebatum civitas, de qua & Græci, & Latini scriptores mentionem fecerunt. Ptolemæus hæc scribit. Atrebatii, & eorum civitas Ναλκὼνα. Sic enim Calevam, ut mihi videtur, invertit Græcus codex. Sunt qui adfirmant hanc urbem eam esse, quæ nunc Istdis-vadi nomine censetur. Sunt & alii qui Calevam dicant eam fuisse urbem, quam in solitudinem redactam vulgus hodie *Silcestre* vocat, quod à Pontibus, aliàs Rheadingo, plus minus septem passuum millibus distat, & tribus à Basingo. Sunt porro qui Guldæfordæ Calevam quærant. Sed has conjecturas non magni facio. Puto certè *Silcestre* eam antiquitus fuisse urbem, quam Henricus Huntingdunensis libro quarto historiæ suæ dicit à Britannis antiquitus *Cair Segent* fuisse appellatam. Sit autem est in ipso limine Avoniæ littoralis non

in ripa Tamesina, ut habet Hunren-  
 dunensis, ni sit corruptum exemplar.  
 Erat & urbs altera Segontium nomi-  
 ne, quam Cairarvon nostra ætas vul-  
 gò appellat, quòd è regione Monæ, 5  
 quæ nunc Anglesega dicitur, sita sit,  
 Mea planè opinio semper fuit, atque  
 adeò nunc est, Calevam eam fuisse ur-  
 bem, quæ nunc **Walengasford** dicitur. 10  
 Facilis lapsus erat mutare U, ge-  
 minatum in G; & rursus G, in C; N.  
 autem litera cum invertitur fit U. Ita  
 ex Walena orta est corrupta Caleva.  
 Quamquam & Antoninus Gallenæ  
 meminit. Facies, situs, antiquitas, 15  
 spatium, magnificentia denique ar-  
 guunt **Walengasford** olim urbem fu-  
 isse clarissimi nominis. De vallo, fos-  
 sâ profundâ, & arce penè inexpugna-  
 bili, nihil dicam. Dani, devictâ hac 20  
 urbe, custodiam, & præsidium arci  
 magnum imposuerunt. Bona pars  
 murorum urbis Danicis procellis ce-  
 cidit, nec ab eo tempore instaurata.  
 Ab adventu Nortomannorum Brien- 25  
 tius urbem, & castrum possidebat,  
 quem Gulielmus à Maildulphi curia,  
 in tertio Novellæ historiæ libro, Li-  
 mitaneum, id est Marchionem Wa-  
 lengasfordæ appellat. Comes etiam 30  
 De

Devanus, five Castrensis eandem, nisi me fallit memoria, sub ditione tenuit. Matildis filia Henrici primi ab Isidis-vado clam fugiens Stephanum tyrannum, hic se occultuit. Comites Coriniæ urbem & castrum possidebant. Inter quos effloruit Richardus semper Augustus Rex Romanorum, filius autem Joannis Regis Angl. & frater Henrici tertii, cujus opera castrum insigniter reparatum est, ut refert Matthæus Parisius. Fuit **Walengasford** de oppidum percelebre vel ipso Eadveard tertii imperio: quo tempore ingens pestis per duodecim urbis paræcias immisericorditer grassata est, & tantum non desolatam reddidit. Cupiebat veterem Richardus secundus loco restituere dignitatem, datis diplomatibus, & vestigalibus diminutis. Votum tam honestum suos non habuit successus. Ab illo decrevit quotidie urbis gloria, & à constructione pontis Abbandunici et Durocastrensis, viatoribus ab antiqua semita declinantibus, tantum non concidit.

CASTRUM-PUELLARUM, vulgo EIDENBURGE, Regia Scottorum sedes, de quo multa Hector Boethius in sua refert historia. Hæc urbs ali-

quoties ab Anglis vim passa est, & nuper igne fœdè deflorata, victore Anglo, tota penè concidit.

CERVI-INSULA. Anglicè *Ceorte sege*, vulgò *Chersey* in ipsis penè Reg-  
 norum finibus sita est. Ego aliquando  
 legi Erchenvaldum filium fuisse Offæ  
 regis Ostroanglorum, natumque Stal-  
 lenvorti apud Lindisios. Sororem ha-  
 buit Ethelburgam virginem pudicis-  
 simam. Fuit hic episcopus Londinen-  
 sis, & duo erexit cœnobia, de quibus  
 Beda in Ecclesiastica Historia mentio-  
 nem facit. Frithevoldus, teste Mari-  
 ano Scotto, & Gulielmo à Maildul-  
 phi curia, subregulus beneficio Wol-  
 pheri Regis Merciorum Erchenvaldi  
 adiutor fuit in constructione Ceorte-  
 segani cœnobii. Ethelburga virgo Be-  
 rechingi virginibus velatis præfuit.

CHAUSEGA, vulgò *Cheausey*. Er-  
 rat hic antiquitus nobile monasteri-  
 um, sed concidit ea calamitate, qua  
 Dani totam latè Atrebatum provin-  
 ciam devastabant. Instaurata tamen  
 postea pars aliqua pristinae dignitatis  
 Cheauseganæ, habuitque, ut ego col-  
 ligo, Canonicos, quos præbendarios  
 appellant. Tabulæ Donationum in  
 Rheadingensi monasterio Rogeri De-  
 cani



cani Cheaufegani mentionem faci-  
unt. Illud liquidò constat Henricum  
Belloclericum Angliæ regem prædiis  
Fani Leonis, id est **Leonminster**, &  
5 Cheaufegæ novum monasterium su-  
um, quod magnificentissimè Rheadingi  
erexerat, dorâsse, misertum, ut  
referunt, neglectæ in illis locis reli-  
gionis. A quo tempore serviebat Che-  
10 aufega Rheadingo. Nunc villula est  
non alio certè clara nomine, quàm  
quòd Domino fructus uberes reddat.

CHEVA vulgò *Kew*. Villa elegans.  
Aedes autem non multis ab hinc an-  
15 nis constructæ tempore Henrici sep-  
timi à quodam pænuarii, ut ego au-  
divi, præfesto.

CLAUDIA. Britannicè *Cairglo*.  
Angl. **Glocester**. Claudix nomen ce-  
20 lebravit Gul. à Maildulphi curia cum  
dedicaret illustre opus historiæ suæ de  
Angl. Regibus Roberto Claudioano  
notho Henrici primi, at præcipuè in  
libro de Pontificibus Anglicis testio.  
25 Nennius Britannus Claudix memi-  
nit: sed affirmat ab alio quàm Clau-  
dio Cæsare urbem nomen accepisse.  
Annales Britannorum referunt olim  
sedem hic fuisse episcopalem, Antisti-  
30 temq; habuisse Eldadû. Adornaverunt

hanc urbem claris ædificiis Reges multi. Præcipuè Osricus subregulus, Comes Claudianæ provinciæ, & regibus Merciorum sanguine conjunctus, maximè Etheldredo, cui & familiaris, 5  
 ut ex Chronicis Claudiani monasterii liquidò apparet. Fuit hic Osricus postea Rex Trans-habrinorum. Sed Danica tempestas cœnobium Osrici fœdè tractavit, virginesque Deo sacras fugavit. Sunt qui scribant hoc factum flagrante bello civili inter Egbertum Regem Visisaxonum, & Mercios. Succedere in Virginū locū Canonici. Tandem expulsis illis, induc- 10  
 ti per Canutum regem, consultore Wolsteno Ep. Vigor, monachi. Sed de Claudia fusiùs in libris de Civili Historia, sive de antiquitate Brit. dicemus  
 CISSA, inter Saxones nobilis pater Inæ Regis Visisaxonum, & erector Abbandunensis cœnobii. 20

COVÆ, duæ arces munitissimæ, à loco in quo sitæ sunt sic dictæ. Una Orientis, altera Occidentis titulo elucet. 25  
 Stant autem in ipsis Neoportus faucibus, quæ aditus in Vectam insulam. Est in hoc æstu Castrum antiquum à Britannis *Cairbro* dictum. *Cair* enim Britannicè castrum, aut 30  
 ur-

- urbem muris cinctam: *Bro* autem æ-  
 stum maris significat. Unde & *Penbro*  
 id est Caput æstuarii, urbs notissima  
 Demetarum; quæ nunc *Penbroc.* Syl-  
 5 vester Giraldus in Itinerario suo  
*Penbro* interpretatur caput mariti-  
 mum. Hujus castri jus omne ab ad-  
 ventu Nortomannorum erat penes  
 Rigidios, sic enim interpretor *Redde*  
 10 Gallicum nomen, & *Reddeur* est ri-  
 giditas. Aptius est proprium nomen  
 in *ius* quam in *us* terminare, alioqui  
 dixissem Rigidus. Inter Rigidios,  
 quos vulgus scriptorum Reduerios, &  
 15 Riparios corruptè appellat, Richar-  
 dus Henrici Secundi consobrinus  
 connumeratur. At alter prænomine  
 Balduinus imprimis illustris fuit,  
 quem *Vectæ* comitem fuisse testantur  
 20 multi rerum Anglicarum scripto-  
 res. Hunc ego esse puto Baldu-  
 inum de Betona, sic forsitan à  
 natali solo dictum, Comitem *Vectæ*  
 qui beneficio Richardi Regis in uxo-  
 25 rem duxit filiam & hæredem Guliel-  
 mi Comitis Albæmarlæ, ac Holdeir-  
 nessiæ: quo titulo multum ei acces-  
 sisset ad dignitatis cumulum, si pro-  
 lem de eâ suscepisset. Duxerat ante  
 30 Balduinus *Vestanus* in uxorem Jo-  
 annam

annam filiam, & hæredem Gulielmi  
 Vernonii Comitis Devonix: quo con-  
 jugio auctus est altero Comitis ho-  
 nore. Mortuo Balduino, ejus uxor  
 filia Gulielmi Grossi Comitis Albamar- 5  
 marlx secundo nupsit Magnovillano,  
 vulgò *Mandeville*. Tertiò etiam  
 nupsit Gul. de Fortibus qui Skip-  
 polduni castellum à Gul. Grosso socero  
 suo magnificè inceptum, magnificen- 10  
 tiùs abolvebat. Ditio Albamarlx,  
 Vectæ, & Devonix, ad hos Fortios  
 pervenit, & honos uterque in Isabel-  
 la Fortia cessavit. Rex Eadveardus, si  
 rectè memini, Tertius, precibus & 15  
 precio ita per interpretes cum Isa-  
 bella egit, ut hæc vivens jus omne su-  
 um de Vecta Insula illi perpetuò re-  
 mitteret. Hoc pacto Vecta pervenit  
 in possessionem Principis. 20

CURIA. Saxonice *Byri*. Sic enim  
 vocant brevitatis studio: Aliàs appel-  
 latur in lingua vernacula *Saint Eadmu-*  
*mundes byri*, id est Fani Eadmundi  
 curia. Habebat hoc oppidum anti- 25  
 quius nomen. Dicebatur enim La-  
 tine Bedericia, Saxonice *Bederiches-*  
*worth*. At postquam reliquæ Ead-  
 mundi Regis Ostroanglorum à Danis  
 interfecti Aquilæduni, vulgò *Borton*, 30  
 sed

- sed corruptè pro *Eglesoune*, 33. an-  
 nis quievissent, translatae sunt Bede-  
 riciam consensu Ostroanglorum, tan-  
 quam ad locum celebriorem. Fama  
 5 refert nomen Eadmundi multis ibi  
 inclaruisse miraculis. Anno autem  
 D. 925. & secundo Ethelstani Regis  
 collegium sacerdotum Bedericiæ in-  
 stitutum est, sacrum videlicet Ead-  
 10 mundo. Nec longo post tempore  
 Canonici Præbendarii ibidem insti-  
 tuti, ac oppidum Eadmundi titulo  
 nominatum. At Canntus Danus, An-  
 glorum imperio positus, consilio Ail-  
 15 wini episcopi Ulmetensis, aliàs Hel-  
 meham, Canonicos expulit, ac mona-  
 chos substituit. Devenerat ante hæc  
 tempora Bedericia oppidum in titulum  
 Canoniorum liberalitate Eadmundi  
 20 Regis patris Eadgari. Post adventum  
 Gulielmi Nortmanni in Angliam,  
 Hervæus ædituus Fani Eadmundi op-  
 pidum muro cinxit, unde & statim  
 magnificentiora urbi ædificia addita.  
 25 Quid ego hîc pluribus collaudo *Curia-*  
*am* verbis? Unum hoc tantum addam,  
 solem non videre urbem situ elegan-  
 tiorē: (sic molli delicata pendet in  
 clivo, & rivulus ad orientem defluit,)   
 30 aut cœnobium illustrius, sive quis do-  
 ta-

rationem, seu amplitudinem, aut magnificentiam incomparabilem æquis rationibus expendat. Diceres planè cœnobium urbem esse: tot portæ, partim etiam ærea, tot turre; & templum, quo nullum magnificentius, cui & alia tria egregio opere nitentia, uno & eodem cœmeterio sita, subserviunt. Amniculus, de quo superius, mediis Monasterii septis illabitur, duplici ponte arcuati operis pervius.

## D.

DELA, Saxonice, ut ego arbitror, Dale. Locus est in littore Cantiano inter Dorin, & Rutupinum urbes Romanis cognitissimas, ubi solum humile, & subsidens descendantibus è navibus facilem in Insulam aditum præbet. Fama publica est, in promontorio Cantiano Julium Cæsarem à portûs Durenfis aditu prohiberetur, hic in terram loco opportuno descendisse unà cum copiis suis, & castra in spatiosa illa planitie, cui nunc nomen Barendunia, posuisse. Neque his dissimilia referunt Chronica quæ ego aliquando legi de rebus Dori gestis.

DEIRI, gens notissima rerum Saxoni-

- nicarum scriptoribus, quorum leviter meminit Samuel homo Britannus, Beda autem fultè 14. cap. 2. libri Anglicæ historiæ, & alibi. Incolebant latam regionem ab Abri fluminis ripis ad ripas Tyssæ. Bernicii verò (de quibus & Beda etiam capite præcedenti scribit) sedes habuerunt à Tyssa ad Tuesim fluvium & ultra. Utraque gens
- 5 principio imperii Saxonum in Britannia suum Regem retinuit. At temporum intervallo utrunque regnum in unum coaluit. *Deiros* crediderim à ferarum sylvis, ubi vitam ducebant, appellatos. *Θῖς* Græcum est, fera Latinum, unde Saxones damas. & cervos *Deire* patrio appellabant vocabulo, hac tamen scribendi lege ut *Θ* Græcum in D. verterent, transfixa
- 15 prima literæ parte virgulâ, quam & *Thorn* suâ nominabant linguâ, quod virgula spinulæ exhiberet speciem. Beda sylvæ *Deirorum*, libro quinto historiæ suæ capit. 2. his verbis meminit: Berthunus abbas monasterii, quod vocatur *Derevald*, id est Deirorum sylva. Hactenus Beda. Hic locus hodie celeberrimus est, & à fibris aquaticis illis Fibrilega Latina com-
- 25 positione appellari potest, quanquam
- 30 in-

indoctum vulgus oppidum **Weverley** vocat, clarum videlicet Joannis olim archiepiscopi Isurovicani, sive Eboracensis consuetudine, sed clarius Ethelstani Regis de Scottis triumphis, 5 ac liberalitate, quam vel hodie de- prædicant. Illud non est silentio prætereundum, quòd ea Deiriæ pars, quæ subsidet, & Hullo fluvio, ab ostiis refluvi Abri, alias Humbri, tanquam 10 extrema meta discluditur, vulgò **Holderness** vocatur, quod Latine sic redditur, *Cava-Deiria* peninsula. Terra enim ibi se extendit in mare, id quod cum sit Cherronesus dicitur. 15 Non tamen ita se extendit, ut propriè Cherronesus dici possit. Libellus qui inscribitur, at incerto autore, de antiquitate Deirorum, hæc refert: *Cava-Deira* respectu altioris inter 20 Mare, & Humbrum. Et quia extenditur intar nasi, additur hæc syllaba *Nese*, & dicitur vulgò **Holderness**. Mihi quidem non arridet hic nasus. Sequar igitur priorem interpretationem. 25 Quæ verò sequuntur ad hunc modum in eodem libello aliquantò lucidiora sunt. **Deirwalde** locus nemorosus, id est sylva Deirorum. Hæc postea **Weverlac**, quasi locus, vel la- 30 cus



*Cygneam Cantionem:* "51

- cus castorum dictus à castoribus, quibus Hulla aqua vicina abundabat. Hactenus antiquitatum scriptor. At ego ut *castores*, & *locum* facile admitto, ita *lacum* rejicio, & amplector priorem Fibrilegæ concinnationem: nisi quis Fibrolegam Græcam compositionem prætulerit. Saxones scribebant *Wewerlege*. Recentiores in hujusmodi terminationibus commutaverunt plerunque *lege*, in *ley*. Hoc loco, principio monasterium erat viro-  
rum, & virginum egregiè à regibus donatum, sed bellis Danicis confla-  
15 gravit. Eathelstenus postea Scottorum debellator collegium Canonorum ibidem instituit, & liberalitate amplà institutum insignivit, asyli immunitate additâ.  
20 **DERENTUS** fluvius, Angl. *Dere* & corruptè, duabus literis mediis sublatis, *Derte*. Conjectura est quorundam & probabilis hunc fluvium olim appellatum fuisse Dorguin, alias *Dor-*  
25 *guen* Britannico vocabulo, quod Latine aquam lucidam, & perspicuam significat. Facilis mihi quidem videtur lapsus à Dorwente in Derente. Oritur hic fluvius Tiresegæ, quæ Reg-  
30 norum in finibus sita est villa. Spectabilis

bilis autem est Craii, & Derenti  
 confluentia in ipso Derenti vado.  
 Origo Craii cernitur Dorpenduni  
 vulgò **Dypington**: quod nomen Bri-  
 tannicum *Aqua caput montana* Latine 5  
 exprimit, quasi ipsos fontes, & origi-  
 nem fluviorum significans. Loca non  
 obscura alluit, & tandem Derentiva-  
 dum vicum celebrem attingens, De-  
 renti petit alveum, quo loco viatori- 10  
 bus penè pervius est. Nuper mœstus,  
 cœnobium virginum Doruenta cin-  
 gebat, opus Eadveardi à Gulielmo  
 Magno Regis Angliæ ejus appellati-  
 onis tertii. Nunc lætissimus, palatio- 15  
 lum Henrici octavi Regis, opus unde-  
 cunque splendidum, admiratur, amat,  
 colit. Paulo inferius, Doruenta pleno  
 alveo Tamesim, fluviorum regem, æ-  
 stum marinum patientem ingreditur. 20

DEVA. Britannicè, *Cair leon ar*  
*dour Dew*, id est Castrum Legionis  
 super Devam fluvium. *Ar Dew* à Bri-  
 tannis consultè additum, ut fluvii ti-  
 tulo distinguerent à *Cair leon armiske*, 25  
 quam urbem Romani Iſcam appel-  
 labant, & Iſcelegiam. Antoninus  
 scriptor Latinus hanc urbem Devam  
 à fluvio appellat. Beda. 2. cap. 2. libr.  
 historiæ Anglicanæ urbem *Caerlegion* 30  
 ap-

appellat, secutus Britannos. At Saxones aliud indidère nomen, videlicet **Leggerester** à legionum castro, ut apparet ex Rogeri Hovedeni historia.

5 Admiror interim quæ autoritas eò deduxerit Gulielmum à Maildolphicuria, ut libro de episcopis Anglicanis quarto scriberet, Legionum urbem inde dictam, quòd emeriti milites Julianarum legionum illic confederint. Ego verò palàm pronuncio nec legiones Julii, nec ipsum Julium eò pervenisse. De Deva fluvio fufius hìc scriberem, nisi nuper in libello,

15 cui titulus *Genethliacon* in gratiam Eadveardi Principis edito accuratè pinxisset Tegrum lacum, Penlinia ornamentum magnum, à quo defluit; ac præterea cursum illius omnem ad

20 ipsa usque ostia. De antiquitate, & magnificentia hujus urbis scripsere quidem multi, at fufissimè Ranulphus Hygedenus, & Henricus Bradeshanus monachi Castrenses: ille, in historia, cui titulus *Polychronicon*: hic, in

25 vita D. *Werburge* virginis. Sciriè magnam hæc civitas cladem tyrannide Ethelfredi Nortabrinorum Regis, et majorem longè persecutione

30 Danica, quàm tantum non funditus

concidit. Ethelfleda filia Ealfridi Magni, & conjunx Ethelredi Comitris Merciorum, quam Henricus Huntendunensis eleganti carmine vel ad sydera tollit, urbem & reparavit & ex- 5  
 auxit. Leofricus Merciorum Comes vir tum nobilissimus, tum optimus, Devæ gloriam insigniter promovebat. Idem fecit & Lupus Comes gente Nortomannus. Tandem Petrus 10  
 quidam coronidem magnificentie addidit, eò transferens Lichfelda sedem episcopatus, Gulielmo Magno Anglis imperante.

DORIS. si e *Durus*, urbs famâ celeberrima in ipso promontorio Cantiano, quam nostra ætas *Dober* appellat, unde ad Morinos transitus; at, ut ego conjicio, non brevissimus. Est autem brevissimus, ut rerum nautica- 20  
 rum peritissimi pronunciant, ab Hithino portu, qui vulgò *Hibe*, ad Gesforiacum urbem Morinorum, nunc Bononiam, quamvis alii aliter somnient, indubiè dictam. Sed nec in- 25  
 terim Bononiæ nomen recens admodum. Ammianus Marcellinus, qui Cæsarum res gestas scripsit, hujus meminit, sed Bonnam, ni codex mendosus, subinde appellavit. *Dôris* origi- 30  
 nem

nem traxit ab *ἰσθμῷ* Græco vocabu-  
 lo. Britanni etenim, detruncatâ yp-  
 silon literâ, aquam suâ lingua Dôr, sub-  
 inde & **Doure**, auctis duabus literu-  
 5 lis, vocabant. Neque aliud quicquam  
 est Douer, si R. suo loco reponas. At,  
 an fluviolus qui urbem allambit, Do-  
 ri, sive Duri nomen antiquitus reti-  
 nuerit, non temerè affirmo. Illud ad-  
 10 firmare possum, bonam partem urbi-  
 um Cantii à *Dour* Britannico voca-  
 bulo nomenclaturam accepisse. Sunt  
 argumento, & quidem manifesto, Du-  
 robrevum, quod nunc **Profecester**,  
 15 **Durovernum** vulgò **Cantewarebyri**,  
 id est Cantiorum curia, & Doris urbs  
 quæ modo **Dover** dicitur. Tradunt  
 annales Dorensis cœnobii Arvira-  
 gum Britannorum Regem arcem pe-  
 20 nè inexpugnabilem prope urbem in  
 montis crepidine posuisse. De hoc  
 rege sic scribit Juvenalis poëta, Saty-  
 râ quinta, dum Neroni fœdè adulatur.

*Regem aliquem capies, aut de tem-  
 ne Britanno*

25 *Excidet Arviragus.*

Erat tunc temporis *Dori* portus  
 navibus percommodus instar lunæ,  
 cornibus in orbem pæne concretis.  
 30 Sed tempus edax rerum, procellæ,

venti, denique flustuum refluorum  
violentia, ita utrinque veteris portus  
cornua concusserunt, ut ablati illis  
apertum littus vel urbis mœnia at-  
tingat. Hinc fit ut ingens calculorum 5  
vis æstus impulsu aggeratur. Incredi-  
bile quidem dista, quantum thesau-  
ri exhausserit Henricus Octavus Rex  
potentissimus, dum studet stationem,  
& portum commodum classi suæ hic 10  
constituere. Si quis verò nunc con-  
tenderet portum hic olim non fuisse,  
Antonini Itinerarium non contem-  
nendum illi objicerem. Illic enim  
portus Dubris, nomine tamen cor- 15  
rupto, meminit. Nec interim Ru-  
rupinum aut Limenicum portum si-  
lentio obscuravit. Unde colligo hos  
tantum treis portus apud Cantios  
antiquitus fuisse celebres. Referunt 20  
& iidem Annales Lucium regem Bri-  
tannorum Christianum, ecclesiam  
Servatori suo in Durenfi Castro con-  
secrâsse. Eadbaldus Cantiorum Prin-  
ceps Ethelberti Magni filius, consilio 25  
Laurentii archiepiscopi Durovernens-  
is, Canonorum in eodem castro  
collegium instituit, quos postea Vi-  
tredus Rex Cantiorum aliò translu-  
lit, videlicet in vicinam urbem, Fano 30  
Mar-

Martini magnifico opere in eos usus  
extructo, quod vel hodie desolatum  
insignem præ se fert, vel foro medio,  
antiquitatem. Sed manum de tabula.

5 Alibi de his rebus fusiùs dice-  
mus.

**DOROBREVUM**, alias *Durobrevum*  
(cujus mentio est semel, atque iterum  
apud Antoninum) urbs sita est in ripa

10 Vagæ fluminis, qui modò *Medewege*  
dicitur, media penè via, quâ itur à  
Londino Dorovernum. Saxones hanc  
postea à *Hrof*, viro quodam primario,  
& urbis Domino, *Brofcestet* appel-

15 labant. Hujus quoque appellationis  
Beda, cap. 3. libri. 3. historiæ Anglicæ  
meminit. Nomen etiam *Hrofi* adhuc  
vivit in quadam Cantiorum familia.

Paulinus episcopus Durobrevensis  
20 fuit, & secundus, si rectè computo, I-  
thamarus, cujus cum literas, tum vi-  
tam collandat Beda. 13. cap. 3. libri  
historiæ suæ. Multas hæc pertulit urbs  
calamitates, & belli, & incendii.

25 Ethelredus Rex Angliæ insensùs Can-  
tiis, urbem variis afflixit modis, &  
Canonicos Fani Andree fugavit, qui  
tamen postea suo juri restituti sunt.

30 Gundulphus Cadomenis, episcopus  
Rossensis Canonicos expulit, ac mo-

nachos monachus induxit, ut apparet ex Eadmeri historia. Lugebat longo tempore *Rosa*, pontē aut rupto, aut non confecto. Robertus Collinus, qui vulgo *Knolles* Gallomastix ille, miseratus urbis solitudinem, magnis ausis violentissimum *Vagæ* fluminis gurgitem vicit, jactis novi Pontis fundamentis.

**DOROVERNUM**, aliàs *Durovernum*, Ptolemæo *Darvenum*, emporium totius Cantii illius, teste Cæsare, humanissimi emporium longè frequentissimum, & Romanorum aliquando in Britanniam venientium palatium, à Duro fluvio vicino, qui nunc *Sturus* dicitur, quantum colligere possum, nomen accepit, servavitque inter eruditos.

Sylvester Gyraldus Menevensis hæc refert, secundo *Distinctionum* libro. *Dorobernia* à *Dour* Britannico vocabulo, quod aquam significat, quoniam am aquis abundat. Hactenus ille.

Sed vulgus postea urbem *Cante-warbyri*, id est Cantiorum curiam, appellavit. Britanni, Romanique hîc templum posuerunt Christo Servatori sacrum, cujus gloria, Saxonibus pa-

ganis



ganis latè Cantium occupantibus, defloruit; & postea, Ethelberto Rege ad Christum, Augustino Romano concionante, converso, reffloruit. Calamitates non paucas bello Regulorum Angliæ intestino passa est hæc civitas. At ea longè maxima fuit, cum Dani, regnante Ethelredo Principe infortunatissimo, urbe capta, omnia vi, cæde, flammis confunderent. Obernus Præcentor Duroverniensis in elegantissimo libello de vita Ealphegi archiepiscopi Cantiorum, hujus nefandæ cladis abundè meminit.

15 Hovedenus etiam historiographus hanc tragædiam tam apertè, & lucidè ob oculos lectoris ponit, ut hinc cuivis pio facilè lachrimas excutiat. Lanfrancus Ligur beneficio Gulielmi Magni archiepiscopus, urbem Cantiorum, & Fanum Servatoris utcunque restituit. At interim pars magna mœnium diruta jacebat. *Simon Sudcurianus* archiepiscopus, homo pius,

25 at impiè à seditiosis securi percussus, maximis sumptibus mœnia, quæ partim Occidentem, partim Boream spectant, refecit. Cætera hujus urbis cum monumenta, tum facta illustria

30 ab eius alumnis scriptoribus fidelissimis,

simis, videlicet Eadmero, & Gervasio,  
monachis Fani Servatoris, ac Thoma  
Spottæo, & Gulielmo Thornæo Fani  
Augustiniani monachis sunt quæren-  
da.

5

**DUNOLMENSIS**, à *Dunolmo* ur-  
be non obicura deducitur. Nomen  
autem lato antiquitus inditum fuisse  
pato à *Dune*, & *Holme*. Constat e-  
nim *Dune* Britannicè montem signi-  
ficare. *Holm* verò eminentis loci, in-  
terdum & sylvis, & aquis circumlep-  
ti verticem, aut eminentiam expri-  
mit. Exempla sunt *Holmehurst*, id  
est, locus editus sylvam ferens; *Ar-* 10  
*holme* superioris Lindiæ insula; *Ste-*  
*peholme*, & *Clatholme* insulæ Abri-  
ni maris. Urbs hæc penè tota fluvio  
cincta est, quem Ptolemæus, primi  
nominis geographus, Vedram appe- 20  
llat. At ætate nostra *Verns* dictus, olim  
etiam & *Wirus*, & *Murus*, nisi anti-  
qua Bedæ exemplaria corrupta. *Veri*  
fluvii ab origine cursum, & ipsis fon-  
tibus, accuratè perferibere præsentis 25  
non est instituti. Tantum significabo  
bicornem esse originem, ex Burna, &  
Skello amniculis, nec *Veri* nomen  
esse cognitum antequam cornua uno  
confluant alveo: id autem fit plus 30  
minus

minus 20. passuum millibus occiden-  
tem versus ab Achelandia, quò ori-  
entem versus defluit: insignis ibidem  
Vinduglessi, alias *Wandoeles*, conflu-  
5 entia. Deinde *Dunolmum* urbem 4.  
passuum millibus distantem receptis  
aliquot amnibus allambit, peninsu-  
lamque facit. Postremò decurrens  
spatio plus minùs 8. miliarium, mare  
10 petit eo loco, cui *Veri-ostium* nomen.  
Hic fuit monasterium Petri quod to-  
ties à Beda laudari meruit, unà cum  
Ceolfrido abbate, viro incomparabi-  
li. Origo Dunolmensis urbis, & e-  
15 piscopatùs non tam antiqua est,  
quàm vulgus eruditorum existimat.  
Operæprecium igitur erit dignita-  
tem episcopalis sedis ab ovo repete-  
re, & huc rectà, sed brevi oratione  
20 perducere: id quod commodissimè  
faciam beneficio historiæ ab incerto  
autore de rebus Dunolmensium,  
tanta cura, & fide scriptæ, ut una il-  
la meritorè quidem dici possit, Thesau-  
25 rus ingens Transabrinæ Antiquita-  
tis: Tanta, tam varia, tamque re-  
condita in ea rerum memorabilium  
cognitio. Exemplar verò commi-  
gravit à Dunia in Cantium. Credi-  
30 derim certè bonam operis partem à  
Si-

Simeone Dunolmenſi Præcentore,  
viro ſuo ſeculo eleganter erudito, fu-  
iſſe ſcriptam. Hujus ego aliquando  
hiſtoriam ab hac diverſam de rebus  
geſtis Anglorum legi, quam & in- 5  
choavit commodè à morte Bedæ  
perſtringens illuſtria facta & Anglo-  
rum, & Danorum, ſpatio quadrin-  
gentorum, & vigin ti novem anno-  
rum, ac quatuor menſium : cui & alii 10  
viginti quinque anni appendebant,  
autore Joanne Haguſtaldenſi. Hic  
mihi non placet Rogerius Hovede-  
nus, vir alioqui laudandus, qui ſcri-  
nia Simeonis, ſuppreſſo ejus nomine, 15  
ſtrenuè compilavit, & aliena pro ſuis,  
gloriæ avidulus, ſuppoſuit. Sedes e-  
piſcopalis Northabrinorum, princi-  
piò conſtituta eſt ab Oſualdo rege  
Chriſtianiſſimo in quadam inſula 20  
Lindisfarna nomine, quæ ab oſtiis  
Tueſis, ubi nunc Abrevicum, urbs  
bello clariffima, plus minus octo paſ-  
ſuum millibus diſtat, & æſtu receden-  
te pedibus aditur. Lindis fluviolus 25  
ex Glini valle, ſi rectè memini, or-  
tum habens huc properat per Hagre-  
dunum caſtellum, & ſabulo, abſente  
æſtu, ſupernatans, è regione inſulæ,  
cui nomen dat, Oceanum petit. Non 30  
hic

hinc celabo studiosum lectorem, me aliquando deprehendisse ex veteri codice bibliothecæ Ventæ Simenorum, hanc insulam à Britannis Inis *Mede-*  
5 *caute* fuisse dictam, cujus nominis & Gildam testem citat, alterum, ut videtur, ab illo, qui publicè circumferunt. Quin & Ponticus Virunnius, qui epitomen Britannicæ historiæ ex  
10 Gallofrido Monæmutensi decerpfit, recitat versiculos ex Gildæ Cambreïde, cui & Lilius Gyraldus subscribit. Nostra ætas locum diverso appellat vocabulo, nemoe sacram insulam,  
15 Anglicè **Walig Cilande**, à reliquiis sanctissimorum virorum ibi quiescentium. Aidanus homo Scottus primus fuit hujus loci Antistes. Quis facile crederet quantum prædiorum  
20 donatione Principum, huic sedi accreverit? Ingruentibus longo post tempore Danis piratis, & oram pelagi orientalem immisericorditer devastantibus, non potuit *Sacra in-*  
25 *sula* impias manus effugere. Spoliata igitur, solitudinem patiebatur ingentem, de qua Flaccus Albinus, qui & Alcuinus, Eboraceus, vir illis temporibus longè eruditissimus, ut  
30 pore præceptor Caroli magni, & academiæ

demiz Parisiorum instaurator, in li-  
 bro epistolarum suarum semel, atque  
 iterum, præcipue, verò ad Higebaldum  
 scribit. Hac clade coacti *Sacra insu-*  
*le* ministri, unà cum Eardulpho epis- 5  
 copo, sedem, quæ jam 141. annis in-  
 violata floruerat, tandem reliquere,  
 Anno à Christo nato. 875. Tum verò  
 vel totum septennium cum reliquiis  
 Cuthberti Lindisfarnensis episcopi 10  
 longè sanctissimi, incertis diicurre-  
 bant sedibus: tandemque Cragum  
 Brigantum, ubi tunc temporis mō-  
 nasteriolum erat, pervenerunt. Est  
 vicus fama notissimus seprem passu- 15  
 um millibus distans à Monachopoli,  
 alias *Novo castello*, & quinque à Du-  
 nolmo, cui nomen à Cono fluvio  
 præterlabente, & mox in Verum de-  
 fluente, inditum est. Saxones hanc 20  
 sua lingua vocabant *Concestre*, de  
 qua clarissima mentio tum apud Si-  
 meonem, tum etiam Hovedenum  
 scriptores rerum gestarum illustreis.  
 At vulgus, detruncato nunc vocabu- 25  
 lo, vico *Castri* nomen imposuerunt.  
 Hunc locum Eardulphus sedem sibi,  
 suisque constituit. Ecce rursus in-  
 gruunt Dani, cum, Cono-castrenses  
 intervallum quietis nacti, nihil mi- 30  
 nus

nus expectarent. Fit fuga altera, se-  
cumque deferunt chara D. Cuth-  
berti pignora Ripodunum usque. Sed,  
pace post quatuor menses redditâ,  
5 Alduinus episcopus cogitabat *Cono-  
castrum* unâ cum suis repetere.

Inter eundem, oraculo admonitus  
corpus Cuthberti Dunolmum per-  
duxit. Hic locus, & quidem oppor-  
10 tunus, est, originem Dunolmi altius  
repetere. Fiet: sed chronicon Du-  
nolmense pro me loquetur, quod fi-  
dem lectori, potius quàm eloquenti-  
am promittit. Quamquam & utrun-  
15 que.

DUNELMUM locum quidem ni-  
tura munitum, sed non facilè habi-  
tabilem, invenit Alduinus episcopus.  
Nam densissima undique sylva totum  
20 occupaverat. Tantum in medio pla-  
nities erat non grandis, quam aran-  
do, & seminando excolere consu-  
verant; ubi episcopus Alduinus non  
parvam postea Ecclesiam erexit, sicut  
25 in sequentibus patebit. Præfatus i-  
gitur antistes, totius populi auxilio,  
& Uredi Comitis Northabrinî ad-  
jutorio, totam extirpans sylvam suc-  
cidit, ipsum locum brevi habitabi-  
30 lem fecit. Denique à fluvio Coque-  
da

da usque ad Teyssam universa populi  
 multitudo tam ad opus, quàm ad  
 construendam postea Ecclesiam  
 prompto animo accessit, & donec per-  
 ficeretur, devota insistere non cessa- 5  
 vit. Hæc Chronicon Dunolmente, &  
 plura, quæ studio brevitatis omit-  
 to.

Constituta, hîc sedes episco-  
 palis, quæ etiamnum floret. Castell- 10  
 lum quoque à Gulielmo notho An-  
 glorum Rege Dunelmi positum, ut  
 incursionum vim episcopus repelle-  
 ret. Crevit templum, immensum  
 quantum: Crevit & urbs, iamque 15  
 Dunostallo floret episcopo viro un-  
 decunque eruditissimo.

DUKOTRIGES, gens nota, ut  
 ex Ptolemæo liquet. Nomen autem  
 non multum recedit à vernacula ap- 20  
 pellatione, quâ vel hodie utuntur  
 Angli, videlicet *Dorsetshire men*.  
 O autem in prima dictionis syllaba  
 mutatur, purgatæ auris iudicio, in U,  
 ut mollius, & aprius sonet, id quod 25  
 invenio vetustissimorum exemplari-  
 um indicio in Doroverno, & Doro-  
 brevo, de quibus superius memini,  
 factum. *Doro* videtur quiddam hiul-  
 cum, & penè stridulum personare. 30  
 Sed



Sed omitto hæc levia. Durotriges à  
Duro fluvio non incelebri nomen  
acceperunt. Iplà quoque regio quam  
incolunt, Duria dicta, ab eodem flu-  
5 vio. Afferius Menevensis in suis anna-  
libus hæc refert : Et in pago, qui  
dicitur Britannicè *Durngueir*, Saxo-  
nicè autem *Dornseta*. Hæc obiter.  
Nunc Duri fluvii originem, & cur-  
10 sum breviter explicabo. Oritur Stu-  
roduni è sex fontibus Boream versus,  
quorum tres conspicui sunt in robo-  
rario Sturodunensi, septo videlicet  
ferarum amœno. Reliqui tres ebul-  
15 lire videntur, non admodum distan-  
tes à prioribus, extra septum tamen.  
Hi Fontes insignia nunc sunt nobilis  
Sturoduni. Illud interim notandum,  
quòd Saxones plerunque mutabant  
20 *Dour* Britannicum in *Stour*. Id quod  
tum in hoc fluvii nomine, tum etiam  
in eo, qui Durovernum Cantiorum  
alluit, factum : quo loco si à plebe  
rogaveris, quod fluvio nomen sit,  
25 *Stour*, non *Dour*, respondebunt.  
*Durus*, à Sturoduno vico cursum de-  
cem passuum millibus accelerans,  
Regium pontem penetrat. Hinc, ses-  
quimilliarî superato, Sturodunum  
30 oppidum, cognomento Monasterii  
in-

insigne, aspicit. Inferius aliquanto  
 Aquæ videntem pontem, qui vulgo  
**Eisford**, alluit. Tum properat Blan-  
 cosordam, ubi emporium. Deinde  
 & Vindugladiam, nobile oppidum, 5  
 alias **Twineburne** attingens: hinc  
 pontem Julianum, hinc Alaunicum,  
 insignè. 12. arcubus, gurgite rapido  
 concurrit. Sexto ulterius lapide, Ive-  
 rianum pontem perforat. Postremò, 10  
 confecto duorum milliariorum cur-  
 su, Interamnam, alias Fanum Chri-  
 sti, irrigat, ubi Avonæ fluvio junctus,  
 Oceanum suum perit.

E.

15

**EALPHEGUS** archiepiscopus Du-  
 rovernensis, nobilissima natus ex fa-  
 milia. Juvenis vitam agebat mona-  
 sticam Deirosylvæ, alias **Deirbuste**:  
 quod cœnobium in ipso Sabrinæ 10  
 margine situm erat, non longè à  
 Theoci curia, vulgò **Theokesbyri**.  
 Deinde & Baduni, ac Ventæ Sime-  
 norum episcopi titulo iam insignis.  
 Postremò Duroverni in archiepisco- 25  
 pam consecratus est. Ealphegi vitam  
 scripsit Osbernus monachus Duro-  
 vernensis, vir suo tempore eloquentia  
 valens incredibili. Ealphegi etiam  
 meminît Gulielmus à Maildulphi 30  
 curia,

curia, in opere de vitis episcoporum. Hovedenus refert Ealphegum in expugnatione Duroverni à Danis, anno Dom. 1011. captum fuisse, & paulò post, quia precium non dederat, ab eisdem crudelissimè trucidatum fuisse. Inter quos Trumminus, unus reliquis crudelior, securiculâ mortiferum vulnus ejus capiti inflixit. Funus Londinum ad Fanum Pauli delatum est; deinde Durovernum.

ERCHENUALDUS, episcoporum Londinensium, ab adventu D. Augustini ad Saxones, numero quartus, filius erat, ut ego didici, à scriptore non ignobili, Offæ regis Ostroanglorum, qui nunc Volcæ. Erymon nominis, ut ego conjecturam facio, ab herinaceo, & sylva concrevit. Herinaceus Anglicè *Erchin*, *Walde* verò sylvam significat. *Wolde*, unâ tantum mutata literulâ, planities, nemoris indiga est: unde & Voldia, campus spatiosissimus Claudianæ provinciæ, qui ovium caulis celeberrima, dicta est. De *Erchenvaldo* plura in Cervi Insula scripsimus.

ETHELREDUS, Rex Angliæ, filius clarissimi Eadgari, & Ealfrithæ. Hic in baptismo fontem, ventris

profluvio fœdavit, teste Gul. à Mail-  
 dulphi curia, libro de vita Danitani  
 Cant. archiepiscopi secundo. Unde  
 divinabant multi, futurū illum vecor-  
 dem, sordidum, & parūm reipublicæ. 5  
 utilem. Nec vana fuit divinatio. E-  
 Ejus etenim socordiā regnum Anglo-  
 rum nobilissimū in Dani potesta-  
 tem pervenit: Quanquam Eadvear-  
 dus ejus filius, illud, post imperium 10  
 aliquot Danorum, recepit. Scripsere  
 quidem multi de rebus ab Ethelredo  
 malè gestis. Nemo tamen eam par-  
 tem tam fusè tractavit, quàm Hove-  
 dennus. 15

## F.

**FALENSIS** portus, vulgò *Fale-*  
*muthe*. Nomen sumpsisse videtur à  
 Fala fluvio. Nam in ejusmodi voca-  
 bulis plerumque in lingua Saxonica, 20  
 fluminis nomen præcedit, ut *Were-*  
*mouth*, id est Veri ostia. *Tinne-*  
*mouth*, *Udymouth*, *Cokermouth*.  
 Ego tamen aliquando audiui quen-  
 dam contendentem Nomen loco, ex 25  
 multis ostiis, fuisse inditum. Utcu-  
 que sit: constat secundum hunc esse  
 à primo totius Britannix portum.  
 Cambri lubenter primas partes suo  
 Alaunico portui, qui nunc Milverfor- 30  
 dicus

- dicus dicitur, tribuunt. Collustravi  
 Falensem. Bone Deus, quantum ibi  
 fidissimæ stationis, quantum recessu-  
 um, quantum divortiorum, quantum  
 5 cornuum! Rursus, quàm quieta,  
 quàm secura sunt illic omnia! Non  
 poterat facile lussisse natura maiori in  
 portu commoditate. Aditus in por-  
 tum, expertis & amicis facilis, ini-  
 10 micis planè difficillimus. Sic pre-  
 munt gemina castella portûs fauces,  
 & ostia. Inter utrunque, stat ingens  
 & alta rupes, *Cragus* nomine, & ardua  
 mediis in fluctibus minatur hosti. Si  
 15 *Cragus* castellum vertice portaret,  
 terrorem, & quidem magnum, in  
 portûs ostiis navigantibus incuteret.  
 At interim incautis infesta satis, dum  
 cæcis rupibus naufragium infert. Pen-  
 20 norinum frequens Emporium, in  
 monte situm intra portum, duobus  
 aut ampliùs ab ipsis ostiis passuum  
 millibus, mercatoribus, & nautis læ-  
 tum exhibet hospitium.
- 25 **FLUCTUS**, amniculus est, oritur  
 que in campis ad Boream Londino  
 urbi vicinis. Unde nomen inditum  
 Domui, quæ Custodia noxiorum; &  
 plateæ vicinæ, juxtà ac portæ, quâ  
 30 itur ad Fanum Pauli: Tantum abest,

ut *Luddo* rege, quem historia Britan-  
nica deprædicat, porta nomen sump-  
terit. Non igitur Luddinam portam  
à *Luddo*, sed à *Fluctu*, sive *fluento*,  
*Fluctuensem*, aut *Fluentanam* appel- 5  
labimus.

**FONS-BRIGIDÆ**, á Fano *Brigidæ*  
vicino, nomen desumpsit. Loci, me  
puero, fama exigua fuit. Crevit pri-  
mum hospitio *Volvefeii*, qui in fla- 10  
grantissimâ apud Principem gratiâ  
erat. Tum cœpit *Henricus octavus*,  
*Regum nitela*, dirutis plebeix notæ  
ædibus, magnificentissimè ibidem  
ædificare; ac *Cæsarem novi Palatii* 15  
hospitio accipere.

G.

**GERMANI**, gens bellicosa, &  
rerum commutatione universo orbi  
nota. Societas mercatorum Germa- 20  
nicorum, quæ modo ad *Pantheon*  
enitet, tempore imperii *Eadveardi*  
*Vindelesorani*, prima illustris notæ  
incrementa tulit. Fama est, *Theuto-*  
*nes*, & *Germanos* cum *gratos*, tum uti- 25  
les admodum fuisse *Eadveardo*, cum  
bello *Gallum* hostem antiquum pro-  
fligarèt, & *Iccium* portum vi caperet.  
*Princeps*, memor beneficii tam oppor-  
tunè collati, *vestigal*, quod pendere 30  
so-

solebant, minuebar. Et deinde Societatem immunitate quadam, & libertate donavit, quam illi vel hodiè retinent.

5 GRANTA, Britannicè *Cairgrant* Saxonice *Grantecestre*, & vocabulo recentiori *Grantebyrge*, corruptè autem, mutatâ G, in C, & ablatâ R literâ, *Cantebrige*; & rursus mutatâ

10 N in M, & sublatâ T, *Cambrige*. Nennius Britannicæ scriptor hystoriæ, Grantæmeminit in catalogo urbium Britannicarum. Idem fecit Henricus Venantodunensis, alias  
15 Huntendunensis, in suo de urbibus Elencho: Ut interim omittam Aluredi Fibrolegani non contemnendum in hac parte testimonium.

Bedas 17. capite 4. libri hystoriæ  
20 Anglo-saxonum: quo loco de Sexburga Etheldridæ sorore, olim regina Cantiorum, at tunc Præsides Anguillariani, sive *Eligenfis* monasterii, loquitur, talia commemorat: *Jus-*  
25 *sitque quosdam è fratribus querere lapidem, de quo locellum in hoc facere possent. Qui, ascensa navi (ipsa enim Elig regio undique aquis, ac paludibus est circumdata, neque lapides majores*  
30 *habet) venerunt ad civitatulam quan-*

dam desolatam, non procul inde sitam,  
 quæ lingua Anglorum *Quantecester*  
 vocatur, & mox invenerunt juxta mu-  
 ros civitatis locellum de marmore albo  
 pulcherrimè factum, operculo quoque 5  
 similis lapidis aptissimè tectum. Hæ-  
 nus Bedas.

Felix, antiquæ scriptor memoriz,  
 in libro de vita D. Guthelaci Crulan-  
 denfis anachoretæ, quem *Ealswaldo* 10  
 Regi Orientalium Anglorum à Re-  
 odualdo octavo, ab Uffa decimo, con-  
 tectavit, Grontæ his verbis mentio-  
 nem facit: *Est in mediterraneorum*  
*Anglorum Britannia partibus, immen-* 15  
*sa magnitudinis palus, quæ à Grontæ*  
*fluminis ripis incipiens, haud procul à*  
*castello, quod dicunt nomine Grontæ,*  
*nunc caretis, interdum nigris fuscis va-*  
*poris laticibus, necnon insularum ne-* 20  
*moribus intervenientibus, & flexuosis*  
*riparum anfractibus, ab Austro in A-*  
*quilonem maritennis longissimo tractu*  
*protenditur. Hæc, Felix.*

Abbo Floriacensis, in vita Eadmundi  
 martyris non dissimilia in descripti-  
 one regionis Girviorum narrat. Gu-  
 lielmus Ramefeganus, monachus  
 Crulandensis, poëta tam barbaro se- 30  
 culo



eulo clarus, de Gronta sic scribit in  
vita D. Guthelaci.

5 *Est apud Angligenas à Granta flumine  
longo*

*Orbe per anfractus stagnosos, & fluvial-*  
*leis*

*Circumfusa palus, orientalisque pro-*  
*pinqa*

10 *Littoribus pelagi: sese distendit ab*  
*Austro*

*In longam versus Aquilonem, gurgite*  
*tetro;*

15 *Morbosos pisces vegetans, & arundi-*  
*ae densa*

*Verborum strepitus, quasi quaedam ver-*  
*ba, susurrans.*

20 *Ex his facilè liquet nomen acce-*  
*pisse Grantanam urbem à Granta*  
*flumine: Cujus si quis originem, &*  
*cursum cognoscere cupit, quæ se-*  
*quantur attentè perlegat.*

25 *Fontes habet è lacu Neoportuensi,*  
*qui Neoportui oppidulo Ostrosaxo-*  
*num, unde nomen accepit, adjacet.*  
*Confecto inde duorum milliarium*  
*curfu, relicta longiusculè ad dexteram*  
*Vallidena emporio celebri, viculum,*  
30 *& coenobium ejusdem nominis, o-*

lim sepulchrum Magnovillanorum,  
 & Bohunorum Comitum Ostrosaxo-  
 num, præterlabitur. Hinc ad quar-  
 tum lapidem, Hichelendunum, nu-  
 per virginibus sacrum, alluit. Tum 5  
 verò, confecto aliquot millium pas-  
 suum defluxu, Baberensem dextror-  
 sum in se recipit amnē, ac non longo  
 post intervallo sinistrorsum, Barendu-  
 nensem. Mox vici nus antiquæ Gran- 10  
 tæ, Burnam fluviolum descendentem  
 à ruinis castri sui nominis, olim sedis  
 Picotiorum Vicariorum Grantaniæ  
 Comitum, & Piperellorum, ulnis  
 suis amplectitur. Ab antiqua Gran- 15  
 tæ, jam villa rustica, ad Grantanum  
 pontem, oppidum Nundinarum fre-  
 quentia, & Academiæ celebritate  
 cognitissimum, pergit.

Postremò Caltrodunum villam fa- 20  
 ma claram alluit gurgite naviculife-  
 ro, ac mox recepto Duro, alias Sturo  
 amniculo, ad cuius pontem nundinæ  
 totius Britannia celeberrimæ. Isidem  
 quindecim passuum millibus, ut sunt 25  
 aquarum mæandri, distantem pe-  
 tit.

Percognito iam Grantæ fluminis  
 cursu, non erit erudito inuicundum  
 lectori cognoscere etiam, quæ fata 30  
 veteris

veteris, & incrementa novæ *Granta* fuerint: utque Academia, quæ ibi longè florentissima est, exordium sumpserit. Sublerviam igitur, sed

5 compendio, studiosorum votis.

*Granta*, antiquâ quidem illâ, concussâ bellis Saxonis, & civibus vel fugaris, vel interfectis, indies magis magisque ad ruinam inclinabat: id

10 quod vel ex decimo septimo capite libri quarti historiæ Bedæ apparet, nam desolatam suo fuisse tempore scribit.

Nova autem quæ nunc *Grantanus*

15 *pons* dicitur Saxones conditores habuit. At cujus hoc factum regis imperio, ex historiâ, quod ego sciam, nullâ liquidò constar. Constat autem Sigebertum regem orientalium

20 Anglorum, cujus ditionis & tunc *Granta* fuit, ac Felicem Burgundionem, episcopum Dunovicarum novæ urbi favisse. Consensus etiam scriptorum illis attribuit gloriam gymna-

25 sii ibidem, auspice Christo, instituti. Nam antea tantum fuerat Gregoriano edicto, ne Angli gymnasia celebrarent propter Arrianam, & Pelagianam hæresim, ac quosdam Britan-

30 norum errores. Habebant tamen in  
mo-

monasteriis celebrioribus scholas. Theodorus, & Adrianus docebant Duroverni Cantiorum: Maildolphus Bladuni, quod oppidum nunc Maildulphi-curia, Anglicè **Maildoulphesbyri**, & ibidem Aldelmus, vir regii generis, prælegebat. Bosillus, Ottophorus, ac alii in Sinuphario studium bonarum promovebant artium. Flaccus Albinus, qui & Alcuinus, *Isurovici* bonas profitebatur literas. Acca idem præstitit Hagustalduni. Beda verò Girovici, & in Vedra fluvii ostiis, ut alios omittam multos. Beda. 15. cap. 2. lib. Anglosaxonicae historiae, Sigebertum Regem ab eruditione ita collaudat: *Sigebert vir per omnia Christianissimus, ac doctissimus qui, vivente adhuc fratre, cum exularet in Gallia, fidei sacramentis imbutus est.* Idem etiam 17. cap. 3. lib. ejusdem historiae hæc refert: *Mox ea, quæ in Galliis bene disposita vidit, imitari cupiens, instituit scholam, in qua pueri erudirentur, juvante episcopo Felice, quem de Cantia acceperat, eisque pedagogos, ac magistros, juxta morem Cantuariorum præbente.*

Ex hoc Bedæ loco colligunt scriptores, Grantanam academiam originem,

- ginem, Sigeberti (cujus nos vitam  
scripsimus) & Felicis pietate, sumpt-  
fisse. Illud planè constat, Grantani-  
am universam fuisse ditionis Regum  
5 orientaliū Anglorum. Extrat Gran-  
ta Girvirorum in archivis, historiola  
incerti auctoris; & fidei longè incerti-  
oris. Hinc apparet, Gurguntium, nes-  
cio quem, regem Britannorum de-  
10 disse Cantebro Hispano, qui Athenis  
studuerat, orientalem Britannia par-  
tem, eumque postea urbem super  
Cante fluvium construxisse, ac Aca-  
demiā ibidem instituisse, quæ a  
15 Grantano Comite ejus filio nomen  
sumpsit. Addocet hæc eadem, Anaxi-  
mandrum, & Anax agoram Græcos,  
Grantam venisse studiorum gratiā.

- Cencum sunt ibi præterea ejus-  
20 dem farinae fabulæ. Profectò nihil  
legi unquam vanius sed neque  
stultius aut stupidius. Missas ergo  
facio has Antiquitatis delicias,  
ut pihit unquam certius de origine  
25 Grantanæ scholæ legerim, quàm  
quod ex Beda, & aliis de Sigeberto  
rege colligant: Ita crediderim ab e-  
jus prima institutione incrementa  
cepisse. Quapropter cum annis ab  
30 hinc septem Grantam studiorum me-  
orum

orum parentem revisissem, non ingratus alumnus, hoc Epigrammate urbem antiquitati, & gloriæ suæ restitui.

*Olim Granta fuit titulis urbs inclyta 5  
multis.*

*Vicino à fluvii nomine nomen habens:  
Saxones hanc belli deturbavere pro-  
cellis;*

*Sed nova pro veteri non procul inde 10  
sita est,*

*Quam Felix monachus Sigberti iussa  
secutus*

*Artibus illustrem reddidit, atque 15  
scholis.*

*Hæc ego perquirens, gentis monumenta  
Britannæ,*

*Afferui in laudem Grata diserta tuam.*

Dani, (ut ex Mariano, & Hovedeno liquet) ducibus Gothruno, Olcentino, & Anvendio, Grantam, cum jam in hibernis ibi fuissent, devastabant, anno quarto imperii Ealfridi regis Visilaxonum. Cladem at recuperavit illam. 20

Ortum est civile bellum, & Henricus tertius rex Angliæ Anguillariam insulam obsessurus, quam Henricus Hastengius unâ cum suis vi, ut refert Thomas Vicanius, occupaverat, 30  
Gran-

Grantam cum exercitu venit, ut chronica testantur Barnovellenſia. Fit inſultus. Inſulani Henricianos repellunt.

- 5 Rex ipſe interea muniebat Grantam foſſâ, & portis: & muro iam tum, ſi per tempus licuiſſet, cinxiſſet. Gilbertus Claranus, abſente Rege, Londinum occupat. Tum, relicta Grantam,  
10 ra, novæ Rex proſpexit calamitati. Inſulani, hoc percognito, Grantam veniunt, quam miſerè ſpoliatam incendunt. Quo etiam tempore diplomata antiquiſſima academiæ conſlagrabant. Quin Grantæ gloriam  
15 accuratius, in opusculo, quod de academiis Britannicis ſum propediem editurus, collaudabo.

- GREVA, vulgò *Greveſende*, Latine Prætorius limes. *Greve* etenim Saxonice prætorem ſignificat. Unde *Portegreve*, Præfectus portûs. *Bur-*  
20 *gegreve*, Prætor vel præfectus oppidi.

- 25 GULIELMUS GIFFARDUS episcopus Ventæ Simenorum, qui nunc Avonii, palatium, ut ego accepi, in ripâ Tameſis meridianâ condidit, ac  
30 Canonicis Maſſianis vicinis ſuis patronus impendiô bonus favebat. Hic  
Tho-

Thonoduni Muroerigum, aliàs **Taun-**  
**ton**, Canonorum collegium institu-  
 it. Denique, cum insignis pietatis of-  
 ficiū societati, quæ Guaverlegæ co-  
 aluerat, præstitisset, obiit, & ibidem 5  
 sepultus est.

**GUINESIA**, quæ multis annis  
 Comit̃s titulo floruit, provinciæ  
 Morinorum pars non minima, Anglū  
 ab imperio Eadveardi tertii, Domi- 10  
 num agnovit. Unde autem nomen  
 traxerit, quamvis certò adfirmare non  
 audeam, adducor tamen conjecturá,  
 vocabulum Guidonis insulam Latine  
 sonare. Mœnia urbis ante multos 15  
 annos diruta, sed Castrum in usus bel-  
 licos integrum permansit: cujus &  
 Henricus octavus robur mirificè nu-  
 per auxit, & oppidum vallo, fossaque  
 munivit. 20

**GUNTERI** filius, Anglicè **Gunter-**  
**sunne**, contractè **Gunsunns**. Juve-  
 nis cum Turcicis piratis pugnavit, &  
 vicit. Aetate maturus, cum Gallis  
 naumachia conflixit, & spoliis po- 25  
 titus, trophæa in navium coronis  
 victor posuit.

**H.**

**HENLEGA**. *Henlege*, aliàs  
**Penley**, oppidum, & forum celebre 30  
I-



Isiacorum. Nomen Latine versum,  
antiquus locus est. Ferunt olim pon-  
tem arcuati operis eo fuisse loco, ubi  
nunc ligneus, cujus fundamenta, de-  
5 crescente fluminis gurgite, in ætate  
etiamnum videntur. Henlega Mo-  
lendarios patronos, & dominos o-  
lim agnovit: deinde & Hungrefor-  
dos: nostra autem memoria Hassen-  
10 gios Comites Venantodunenses.

HULLUS fluvius, vulgò *Hull*. Æ-  
stum Humbri refluentis violentiâ  
patitur. Ex tribus oritur fontibus,  
quorum qui maximus non longè à  
15 Drifelda, pago sexdecim millibus  
passuum à Regioduno distante, ebul-  
lit. Est equidem parva Drifelda ve-  
teri clara monumento Ealfridi lite-  
rarissimi regis Northabrinorum egre-  
20 giè à Beda laudati. Secundus Oltro-  
burnæ oritur. Tertius Emmesvelæ  
erumpit. Coeunt autem tria bra-  
chia ad Drifeldam, & uno alveo fe-  
runtur. Tunc *Hullus* prata Fibrole-  
25 gæ vicina irrigat. Fibrolegani flumi-  
nis commoditatem sentientes, olim,  
facta fossa, partim ad se deduxerunt.  
Unde naviculas Regiodunum jam  
ducunt, & reducunt.

30 Hullus à prædicto loco festinatio-  
ne

ne quadam Regiodunum petit, & paulū inferius in Abrinum ætū præceps devolvitur. Hic ad coronidem aliquid subijciam. Historia Britannica, quæ vulgò circumfertur, 5  
 Humbri fluminis meminit. Et fama ex historia nata docet, nomen fluvio inditum à nescio quo Humbro rege, de quo vates quidam hos versiculos scripserunt. 10

*Dum fugit, obstat ei flumen, submergitur illic,*

*Deque suo tribuit nomine nomen aquæ.*

Beda etiam, & chorus omnis Saxon- 15  
 onicorum scriptorum Humbri nomen familiare habent. Sed ubi interim oritur Humber? Constat Humberum eum esse ætū, quò Ilurus fluvius, cujus nomen ex Ilide, & Uro 20  
 coalescit, pleno delabitur alveo: quò etiam Dunus, & Terentus confluunt. Humbri planè fictitium nomen est. Sed nec flumen aliquod in ea regione huiusmodi nominis, ut neque alibi, 25  
 quod ego sciam, in Britannia. Est tamen in postrema syllaba corrupti nominis, videlicet *ber*, quod conjecturam non faciat levem, Aber Britannicum in Humber degenerasse. 30

Ptolomæus

Ptolomæus ubi recenset nomina  
 fluviorum Britannia, qui se in mare  
 orientale exonerant, *Abi* fluvii me-  
 minit. Crediderim certè Abri, non  
 5 Abi, in antiquis Ptolomæi exempla-  
 ribus scriptum: quanquam facilis il-  
 le quidem lapsus homini Extero, &  
 Græco peregrinæ linguæ prorsus ig-  
 naro. Saxones fluminum ostia vul-  
 10 gari hoc vocabulo scilicet *Muthe*,  
 quòd Latinè os significat, denota-  
 bant. *Eskemouth*. *Leignemuth*. *De-*  
*rentemouth*, manifesto sunt exemplo.  
 Britanni etiam ostia fluminum pro-  
 15 prio designabant nomine: in hoc  
 tamen à compositione Saxonum lege  
 quadam sua discrepantes, quòd osti-  
 orum appellationem fluviorum no-  
 minibus præponant. Hoc abundè li-  
 20 quet in Aber-daron, in Aber-Tive, at-  
 que id genus aliis multis. Est autem  
 id propriè Aber Britannis, quod  
 Muthe Saxonibus, quod Ostia  
 numero multitudinis Latinis,  
 25 quod *Στόμα* denique Græcis. Co-  
 gor igitur, iudicio quodam, ulnis  
 complecti mediis Aber Britannicum  
 rectè cognitum, receptumque alibi,  
 & Humbrum perpetuò repudiare. Ex-  
 30 cutiant rem exquisitè eruditi, & tan-  
 dem dubio procul intellexerint A-

ber genuinum ostiis fluviorum nomen, in Humber degenerasse. Hoc idem etiam, ut ingenuè id dicam quod sentio, factum puto in Sabrina flumine, cui credula Cambricorum 5  
Scriptorum simplicitas ab Habrina puellâ ibidem demersâ nomen indidit, ut ex his liquet versibus.

*In fluvium precipitatur Abren. 10*  
*Nomen Abren fluvio de virgine: nomen*  
*oidem,*  
*Nomine corrupto, deinde Sabrina*  
*datur.*

Ego neminem hîc cogo ut 15  
meæ subscribat sententiæ. Hoc interim, votis multis à candidis experiverim, ut, repertis frugibus, non amplius glandium amore teneantur. 20

HUNDESDENA, vulgò *Hunsoen*, ædes inter Catuyen chlanos, qui nunc Hertofordienfes, splendidissimæ. Est autem nomen à lingua derivatum Saxonica. 25

*Hunde*, Latine venaticus canis. *Dene*, vallis. Locus erat ditionis, si satis memini, Bohunorum, & Bernerriorum: deinde etiam & Hauvertorum. Turris in ipso ædium aditu 30  
sanè

sanè spectabilis. Thomas Hauverus  
Dux Icenorum eius altitudinem sus-  
pectam habens, ne ruinam pateretur,  
fastigiorum gravissima pondera de-  
traxit. Turris verò humilior facta eti-  
amnum decus suū retinet. Postremò  
Henricus octavus Rex Angl. unicum  
hujus seculi in architectura lumen,  
facta cum Iceno permuratione, vere-  
rem structuram expolivit, & novam,  
opus undecunque conspicuum, addi-  
dit.

HURSTA à sylva nomen accepit,  
nec aliunde se jactat, quàm à minaci  
castello. Ante autem quàm illud ca-  
put extulisset, impunè veniebant vi-  
ratae in portum Avorensem, & sinus  
in eo omneis impunè excuriebant.  
Perventum est paucis hinc annis ab  
hoste vel ad ipsa urbis Avonduni, si  
diis placet, mœnia. Is navem ex  
controversia onerariam magnam  
quidem, & preciosis mercibus refer-  
tam, abduxit, invitis civibus.

Non tulit hanc labem magni mens  
Principis alta.

Quin Hurstam statuit vindicis ipse  
loco.

Hic quoniam in Avonduni men-  
tionem incidimus, lubet candidum

lectorem erroris admonere, qui frequentiusculè occurrit in quorundam historiis, qui res gestas Britanniae scripserunt. Confirmant enim, at nimium temerè, portum, qui Avondunum prospicit, Hammonis olim vocatum fuisse nomine. Tum præterea, ne desit errori veri species aliqua, Ducem nescio quem Hammonem somniant eo loco pugnavisse, portuique appellationem dedisse. Portum Hammonis hîc prorsus repudio, at Avonis facilè admitto: admissurus etiam, ut portus Ammonis aptè significet Sabulovicum, vulgò **Sandewiche**.

**HURSTELEGA** Saxon: **Hurstelege**, vulgò **Hurstley**. Recentiores verterunt lege, quod locum Latine significat, in *le*, & *ley*. Sonat autem Hurstelege Latine sylvestrem locum. Erat ditionis Visimonasteriensis, unde veniebant monachi, tanquam ad coloniam, atque hoc quidem factum ab adventu Nortomannorum. Nam antè Hurstelegæ leve nomen erat.

**HUNFRIDUS** filius Henrici 4. frater Henrici Quinti, patruus Henrici Sexti regum Angliæ, Dux Clavdiæ, Comes Penbroci, & Cubicularius

rius prætereà Angliæ Supremus, ex-  
coluit tum juvenis, tum etiam senex  
virtutem, ut qui maximè. Hinc cla-  
rus domi, militiæque, & bonis om-  
nibus gratissimus. Amavit præter cæ-  
tera politas literas, quibus etiam  
impendiò invigilavit. Vidi ego li-  
bellum de rebus Astronomicis ab eo  
non infeliciter scriptum. Compar-  
verat etiam sibi ingentem planè ve-  
terum librorum thesaurum. Meccæ-  
nas ille quidem doctorum omnium,  
quos illis temporibus, vel Anglia, vel  
Gallia, vel Italia protulit. Testes  
sunt libri, quos Joannes Frumenta-  
rius Abba Fani Albani, & Capgrevus  
Augustinianus, ut alios Anglos omit-  
tam, ei dedicaverunt. Testes præte-  
reà exemplaria antiquissima quidem  
illa, numero 129, quæ academix ad  
Isidis-vadum sitæ, inchoatâ ibidem  
longè pulcherrimi operis bibiliothe-  
câ, liberaliter contulit. Id partim  
præstitit beneficio bibliothecæ Alba-  
næ, partim amicorum opera libros  
ad eum ex Gallia, & Italia usque  
missitantium. De baltheo aureo, gem-  
mis exornato, quod academix dedit,  
non vacat in præsentia pluribus age-  
re. Favebat Aretino Italo, idque im-  
penſe,

penſe, illius cum eloquentiam, tum  
judicium acerrimum meritò magni  
faciens. Quo nomine per epistolâs  
pollicitus est Aretinus se consecraturum  
illi libros Ethicorum Aristotelis  
philosophorum Principis, quos cum  
Latinos fecerat: id quod, quando  
quidem promiserat, re candidè, præ-  
stitit. Postea captus spe majoris præ-  
dæ, emittendos curavit Pont. Ro. 1  
nomine. Petrus Candidus, vir nescio  
eloquentia, an eruditione super-  
rior, non tulit Claudiano illustri vi-  
ro fucum ab Aretino homuncione  
factum esse. Arrepto igitur calamo  
Aretinum non solum ingratitudinis,  
verum etiam perfidiæ quoque arguit.  
Et ne Hunfridus de literatis tam be-  
nè meritis inglorius esse videretur,  
transtulit in Latium Politicæ Plato-  
nicæ libros, ac, addita luculenta præ-  
fatione, opus undecunque tersum,  
elegans, splendidum, Hunfrido suo  
dedicavit. Plura de hoc tam claro  
Duce dicemus libro tertio de Viris  
illustribus. Hoc enim opus magna  
diligentia, cura, & labore congesti-  
mus, atque adeò jam in tomos qua-  
tuor digessimus, ne Britannicæ nostræ,  
fama tot eruditorum, & elegantium  
scrip-



scriptorum deperiret. Quotus enim  
 quisque est hac nostra ætate, vel in-  
 ter eruditos, qui rectè norit quos li-  
 terarum flores Britannia hortus pro-  
 5 tulerit. Certè, ut ingratitude no-  
 tam multi in hac parte eluant, nun-  
 quam profectò desidia maculam ab-  
 stergent. Hunfridus, Curia Eadmun-  
 di in publico conventu. 25. anno  
 10 regni Henrici sexti miserimè inter-  
 fectus erat eo loco, quo Xenodo-  
 chium Servatori sacrum est. Polus  
 Dux Sudovolcarum, homo invidio-  
 sissimus, atque idem sordidissimus,  
 15 carnificis partes agebat. Is autem  
 adhærebat lateri Henrici Sexti regis  
 pii, *at non perinde rerum humanarum*  
*experientis, & Gallo favens; à quo*  
*forsitan pecuniâ corruptus erat, ita*  
 20 cum Principe egit, ut impetraret ab  
 eo Andegaulam Gallo restituendam  
 permutationis nomine, tanquam  
*ῥύσσει ἀντιχάκισιν* Et quo minus hæc  
 permutatio procederet, solus Hun-  
 25 fridus obsticit, miseratus tum simpli-  
 citatem Nepotis, tum publicū cōmo-  
 dum; Sudovolcus hoc videns fretusq;  
 nobilitate, popularibus suis, & fide  
 servorum (erat enim in umbilico di-  
 30 tionis suæ) insidiis cruorem inno-

centis, patriæ hostis fundendum curavit: Legi aliquando Hunfridum confecto crimine majestatis imminutæ apprehensum fuisse à Bello-  
montano Comite Vicario, ac Equi- 5  
tum Anglorum Præfecto, conjuncto Duce Boccano, iniquo facti, teste. Hinc fama refert eum mœrore perisse, in Xenodochio Servatori sacro. Refert hæc eadem suffocatum fuisse 10  
eum vi culcitram plumeam involventium. Ab eo tempore sensim decrevit Anglorum felicitas. Deus ipse tanti sceleris tandem ultor erat. Pessimâ interiit pessimus *Polus* morte, 15  
detruncato in littore Dorenfi capite. *Poli* genus omne concidit. *Hunfridi* fama, eruditio, fides, gloria etiam florent, perpetuoque florebut.

HYDROPOLIS, vulgò *Dorcestre*, 20  
urbs ad Tamam fluvium sita: olim quidem Romanis nota, ut liquidò, non modo ex monumentis terræ erutis, verum etiam ex numismatibus, 25  
apparet. Hic si quis me roget cur urbi Græcum nomen attribuiam, huic ego respondebo, Non potuisse nomen aut aptius, aut significantius, facile inveniri, quod decorum vocabuli ad plenum explicaret. *Hydôr* Græcum 30  
bellè

- bellè exprimit illud contractum *Dôr*  
 Britannicum. *Cestres* sive *Castre* à  
 Latina descendit origine. Attamen  
 Saxones non hoc vocabulum locis  
 5 tantum castris munitis, verum etiam  
 & civitatibus, quanquam alterum  
 hoc minùs proprium, attribuebant.  
 Certe quantum ego ex idiomate Bri-  
 tannorum deprehendo, non habent  
 10 vocabulum, quo significanter urbem  
 appellent, Aliqui dicunt *Dinas* civi-  
 tatem significare: at rationem no-  
 minis nullam reddunt. Alii dicunt  
*Cair* urbem esse, cum sit interim &  
 15 Castrorum, & locorum omnium sax-  
 orum robore circumseptorum com-  
 munis appellatio, descendens, ut e-  
 gò arbitror, ab Hebræo fonte. *Alcair*  
 urbs famâ apud Ægyptios notissima  
 20 est. Saxones dicunt se habere suum  
*Stede*, sive *State*. At ego hoc nomen  
 locis frequenter non admodum cele-  
 britis inditum scio, ut in *Polstede*,  
*Newstede*, *Hanstede*: at civitatibus  
 25 nostris vel rarò, vel nunquam. *Πόλις*  
 Græcum est, idem refert, quod civi-  
 tas. Nihil igitur periculi si Græca  
 Græcis cohæreant. Certè rectius hoc  
 quàm Latina Græcis miscere, id  
 30 quod manifestè in *Dorcester* apparet.  
 Bi-

Birinus, de quo superius scripsimus, liberalitate Cunegilli regis Visisaxonum, *Dorchester* tunc opibus, & iustis spatiis civitatem florentem in sedem episcopalem accepit. Longo post tempore, regnante Gulielmo Magno, Remigius episcopus sedem Lindum transtulit. Alexander verò Lindianus videns *Durocastri* desolata esse omnia, collegium Canonorum Augustinianorum ibi instituit. 10

## I.

IBERI, gens famâ celeberrima, sic dicti ab Ibero fluvio qui apud Cantabros oritur : unde & Iberia, quæ nunc Hispania. Ex Iberis ingens turba commigravit in insulam quandam occidentis, cui nomen postea dedit. Nostra ætas non Iberiam vocat, sed Hiberniam vocabulo aliquantò recentiori. Poëtæ mentionem faciunt & Juvernæ, & Iërnæ, quæ verba, ut ego interpretor, Hiberniam, de qua nunc tracto, denotant. Sylvester Giraldus, vir suo sæculo inter literatos non parvi precii, scripsit Topographiam totius Hiberniæ, quam, comes Joannis, postea regis Angliæ, & vidit, & peragravit. Ille quidem distinctione operiâ tertia docet Heberum 30

berum (nisi corruptè scriptum sit pro  
Hibero) & Hermionem fratres, in-  
sula imperium inter se divisisse. Ad-  
dit præterea Borealem partem ces-  
5 sisse Hebero, Australem verò Hermi-  
oni.

ITIUS portus, aliàs *Iccius*, & *Icius*,  
de quo Cæsar in commentariis, nunc  
**Calice**. De portu ut non dubito, ita  
10 facile non possum adduci ut credam  
hunc esse locum, quem Latini auto-  
res Gessoriacum appellant. Beatus  
Rhenanus liquidò probat ex anti-  
quissima charta militari, Gessoria-  
15 cum eam esse urbem, quæ nunc Bo-  
nonia dicitur. Unde brevissimus est  
in Britanniam trajetus: Id quod  
periti rei nauticæ adfirmant. Quan-  
quam nuper accepi, à Dori ad por-  
20 tum *Icium* brevissimum esse transi-  
tum, quod tamen non temerè adfir-  
mo. Legi aliquando Anglum quen-  
dam tempore Henrici secundi dela-  
tum in Icium portum locum curiosè  
25 collustrasse, recedentemque dixisse,  
Futurum aliquando, ut illinc flagel-  
lum enasceretur, quod vel perpetu-  
um Gallos urgeret. Paulus Aemilius  
unicum eloquentiæ Romanæ nostro  
30 seculo decus, cujus floribus, quantum  
da

ad res Gallicas pertinet, Polydorus  
 historiam adornavit suam, scribit 7.  
 historiam Gallicam libro, Philippum Bo-  
 noniam Comitem *Itium* munivisse.  
 Eadveardus, à Gulielmo Magno e- 5  
 jus appellationis Tertius, longam ob-  
 sidione urbem expugnavit, expugna-  
 tam auxit, auctam de integro muni-  
 vit, & munitam conservavit. At  
 Henricus Octavus, unus instar mul- 10  
 torum, tantum munitionis, tantum  
 splendidæ structuræ, tantum appara-  
 tus militaris urbi contulit, ut glori-  
 am Regum omnium, qui illic domi-  
 nati sunt, superaverit, & multis qui- 15  
 dem nominibus.

ISCA fluvius, vulgò *Ceske*. Ori-  
 tur in Scotia, delabiturque in æstum  
 Soluathianum, aliàs *Sulwath*. Va-  
 dum, ad quod nuper pugnatum est 20  
 inter Anglos & Scottos, Sandifica  
 appellatur. Perpetuò meminerint  
 Scotti sanguinis sui eo loco effusi, &  
 turbæ nobilium virorum captæ.

ISIS fluvius, Britannicè *Ise*, Saxo- 25  
 nicè *Ouse*. Tres sunt in mediterraneâ  
 Angliæ parte hujus appellationis  
 celeberrimi fluvii, quorum qui  
 primus, *Isidis vadum*, vulgò *Driford*:  
 Sed corruptè pro OUSEFORD 03  
 Alter verò, Boccinum nobile oppi-  
 dum,

- dum, alias **Bukkenham**, cui nomen à damis masculis inditum, alluit: Tertius, conjugio Uri nobilis, Isurovicum, quod & Eboracum, alluit.
- 5 Sunt & alii in Britannia fluvioli ejusdem nominis, quos brevitatis studio in præsentia omitto, contentus tantum prædictorum originem compendio quodam repetere.
- 10 *Isis*, fluviorum rex oritur in Cotesuoldia spaciola admodum Claudianæ gentis planitie, plus minùs mille passibus ab oppidulo, cui nomen Tetocuria, alias **Tetbyri**, nec
- 15 longius à Fossana via, ut inter alios multos testatur Maildunensis quidam monachus, qui Eulogium historiarum scripsit. Scio aliter sentire, & scribere Polydorum virum multis nomi-
- 20 nibus clarissimum. Nam originem fluvii attribuit parti limitaneæ, quæ Cotesuoldia Vincelocomum penè attingit. At nihil minus, quàm nominus loci meminit.
- 25 Novi Pennocum argum Hailesianæ ditionis, amniculique fontem vicinum. Sed ortus *Isidis* eo planè non est loco. Gaudebant Hailesienses suum agrum, nobilem *Isidis* origine reddere. Ego quidem ingenrem
- 30 nu-

numerum scriptorum tractatum res Britannicas diligenter excussi. Inventus tandem unus, aut alter, obscuræ notæ scriptor, qui Polydoro in hac parte subscriberet.

Utinam Polydorus tam oculatus fuisset testis in rebus Britannicis, quàm interim est tersus, nitidus, elegans. Næ ille tum exegisset opus immortalitate planè dignissimum: modò & eadem operâ cognitionem utriusque linguæ, videlicet Britannicæ, & Saxonicæ tanquam ad coronidem adjecisset. At ille interim laudandus plurimum, qui domi sedens, & numerofo veterum Autorum de rebus in Britannia gestis scribentium præsidio destitutus, præstitit in tanta angustia, quanta potuit alius quicquam maxima.

Hæc ego de Polydoro modestè satis, ut arbitror, & candidè retuli, quem interim apertè de me malè loqui, & sentire certò scio, id quod susque deque fero. Nec enim est cur Italum censorem antiquitatis, gloriæ, majestatis Britannicæ iniquissimum metuam. Dies tandem lumen tenebris afferet, & veritas erecta suo prænitebit fastigio, etiam si

Ur-



Urbinas, vel ad ravim usque reclami-  
set. Sed ad *Isidis* cursum redeo.

- 5 Hic fluvius, paucis à fontibus pro-  
gressus miliaribus, Covi Berchele-  
gani amnem in se recipit. Sic auctus,  
cursum continuat, ac Corinum fluvio-  
lum antiquâ fama clarum, à quo  
Corinium urbs Dobunorum prima,  
aliàs *Churnecestre*, corruptè *Ciren-*  
10 *cester*, corruptiùs *Cicestre*, dicta est.  
Tum pleno petit alveo Crecoladam,  
non insignem olim, ut vulgus in-  
doctum somniat, Græcanicis scholis.  
Inferiùs paulò allambit Aquædu-  
15 num, vulgò *Aciton*, castellum nobilif-  
simi Stipiticii, alias *Zouche*. Deinde  
etiam & Lechenladam, ac continuò  
Joannitium pontem, locum inter  
prata humilem, & aquarum copiâ  
20 pressam intersecat. Hinc Rodeco-  
tanum pontem, avicularum nidum  
notissimum, penetrat, Novumque  
pontem, ac insulam, aliàs *Egnesham*,  
& *Einesham*, ab Ealmero Coriniorum  
25 Principe olim illustratam. Postremò  
divortium patitur, ac in cornua divi-  
sus, hâc Botelegam, & Hinchese-  
gam, trajectu celebres, petit: illâc Dei-  
locum, aliàs *Godestow*; rursus in bra-  
30 chia fractus, quæ paulò inferius, facta  
insula,

insula, coeunt, ambir, & sui nominis  
 insulas, ac urbem literarum cogniti-  
 one super æthera notam invisit. Cre-  
 das data opera sic in insulis luisse *I-*  
*fidem*, ut loci cum amœnitate, tum 5  
 celebritate urbis captus, cursum, alio-  
 qui rapidum, spectandi gratia, remo-  
 raretur. Confluxus autem brachiorum  
 cernitur loco palustri non longè ad-  
 modum ab *Isidis vado* dissito. Quod 10  
 reliquum est defluxûs, *Cygnus* me ta-  
 cente *Isiacus* quærentibus, ut est to-  
 tus candidus, ac facilis, abundè ac lu-  
 cidè ostendit.

Nunc alterius *Isidis* decursum bre- 15  
 vi oratione perstringam. Oritur  
 prope Stenum ubi olim villa Muro-  
 legi, deinde Braii, & Sannæi; ac de-  
 fluit Brachilegam, quondam nobile  
 Avoniæ mediterranæ oppidum, 20  
 quod Latine Filicerum sonat.  
 Hinc præpete lapsu Boccinum,  
 vulgò **Buckkenham**, unde & regio  
 vicina Boccinia, pervenit. Nec con-  
 tentus nomen alicujus fluminis con- 25  
 jugio mutare, Stratfordam Stenicam,  
 Neoportum Paganellicum, ac Bu-  
 defordam antiquum famâ Empori-  
 um petit, ac omnem citus Provinci-  
 am ab eo dictam penetrat, quousque 30  
 per-

perventum sit ad Ernulphi curiam,  
aliàs **Cinsbyrt**, Forum non infre-  
quens, quod nunc Fanum Neoti ap-  
pellatur, situm verò in ipso limine

5 Venantoduniæ, aliàs **Huntendune-  
shire**. Deindè jam profundus, & va-

gus Gumicastrum antiquâ nobile fa-  
mâ, & monumentis insigne Roma-  
norum; Venantodunum etiam, à

10 qua urbe, latè circumjacens regio  
nomen accepit; ac Slepam, quæ &  
Fanum Ivonis Persæ, allambit: hinc  
dextrum latus Anguillarianæ Insulæ,  
aliàs **Elig**, auctus Granta flumine;

15 hinc sinistrum, Avona tumidus recep-  
to, implicat: Tum verò in cornua di-  
viditur, Fennicolas perlustrans. De-  
nique cornibus ferè omnibus ad u-  
num rursus alveum recurrentibus, Li-  
20 num celebre Emporium mercatorum,  
terra marique advenientium, perpe-  
tuo beat officio; ac tandem Oceano  
se committit.

Restat tertii Iſidis cursus ab ipsis  
25 fontibus ad ostia deducendus. Quare  
operæ præcium erit primùm Uri fluvii  
sinuosos Mæandros describere, ut  
postea nomine, & alveo juncti, uter-  
que suis eniteat coloribus. *Urus* ex-  
30 tima parte Richomontaniæ provinci-

ola Brigantum Occidentem versus oritur. Nomen autem loco, ut quidam prædicant, Muscomaria; ut autem alii volunt, Coterinus mons, quorum opinionem ego quoque accedo. Defluit per ignobiles pontes Bainum, & Aiscaranum, ac aliquanto inferius Ventolacentem pontem arcubus insignem alluit, deviusque statim Mediolanum, olim castellum Radulphi filii Ranulphi, relinquens, Urivallem locum sui nominis vicinum petit, pontemque Childegramensem. Hinc per Massamensem pontem, Tanfeldam olim Marmioniorum castellum & Nortobrigum, impetu quodam delabitur, Ripodunum in Schelli ripa situm rauco salutans murmure. Tum verò Vicanum pontem paulo inferius situm penetrat, ac Isurium, prælato Isidis nomine, venit. Prolemaus, ubi de Brigantum urbibus loquitur, inter alias Isurii meminit. Antoninus etiam Isuriam Brigantum celebrat in Itinerario suo. Concidit autem eo tempore, quo Danica vis totam ferè Angliam ferro, & flammâ devastabat. Nunc seges est, & villa rustica ubi Isurium fuit. Rudera murorum, & numismata Romano-  
rum

tum hic frequentiusculè ab aratris e-  
 riuntur. Nomen loco nunc **Alzburg**,  
 quod Vetus Oppidum significat.  
 Pons Burgensis ad Tudeladum ara-  
 nem (celebris conflictu, quo, teste  
 Gulielmo Pachenduno illustri scrip-  
 tore, captus est Thomas Comes Me-  
 diolanensis) ab Aldeburgo non longè  
 distat. In campis huic admodum vici-  
 nis extant quatuor Pyramides ex soli-  
 do saxo, Romanorū, ut quidā indicant,  
 Trophæa. Stant autem ad lxxviii. m.  
 Vetelingianæ, sive, ut alibi lego, Eathe-  
 lingianæ, ut nomē à nobilitate sumāt,  
 versus occidentem, quā itur à Bur-  
 genfi ponte Luguballiam. Hic unum  
 est, quod me implicat arcto nodo.  
 Nam sunt ex indigenis qui prorsus ad-  
 firmant Isidem, aliquantō inferius  
 Burgensi ponte, Urū in se recipere,  
 quod mihi quidem non sit verisimile,  
 cum antiquitās *Isurium*, ut manifestè  
 ex vocabulo colligere licet, utriusque  
 fluminis nomen præferat. Minora  
 verò flumina majorum nomina su-  
 binde concipere, non tam in *Isaro*,  
 quàm in Tamesi liquet. At à defluxu  
 fluvii per Burgensem pontem longis-  
 simo jam tempore *Uri* nomē, dum  
 plebs brevitati studet, omnino subla-  
 tum periit, & Isis, prima dictionis

compositæ pars, integra mansit: ita tamen ut pro *Ise*, vulgò *Duse* appellatur. At si quis penitiùs excusserit *Etymon* hujus nominis *Torewik*, quod contractè *Pozke*, intelliget quidem illud nomen ab *Isurewik*, retenta prima literâ, abjectâ verò secundâ, & terciâ in o mutatâ, sumpsisse. Neque ego tamen interim *Eboracum* tollo, cujus jam frequens apud veteres mentio. Suo per me quisque utatur judicio, ita ut & mihi meum relinquunt liberum. Unum hoc constat, Græcos, & Latinos peregrinæ linguæ voces, dum suæ linguæ decoro, & compositioni student, prodigiòse coepisse. Quin nunc, quod reliquum est cursus *Isidis*, expediam. A Burgenfi ponte defluit *Monachodunum*, ubi in se recipit *Nidum* fluvium. Hinc properat *Eboracum*, reginam *Britanniæ Aquilonaris* urbem, ubi orientem versus *Fossam* amnem *Calaterii* nemoris alumnus placido accipit alveo. Tum verò naviger, & *Guerfa* fluvio dextrorsum auctus, *Cauodam* nobile archiepiscopi *Eboracensis* castellum alluit. Denique *Urofullo*, castello nuper *Perciorum* tum elegantissimo, tum splendidissimo sinistra longiusculè

ginsculè relicto, Doruenta fluvio superbus comite, ad Abrum, alias *Hambrium* notum illi, Duno præterea & Terento fluminibus celeberrimis hospitium perit: unde via ad Oceanum recta.

ISIDIS INSULÆ. Anglicè, *Onse-  
nege*, & *Dulney*. Hi mediamnes loci penè inglorii ante adventum Roberti *Oili* Nortomanni, cujus ditionis tota *Isiacorum* Provincia, beneficio *Gulielmi Magni*, fuit. Ille autem eò, tanquam in secessum amœnissimum, à castello suo vicino frequentiusculè transibat. Erat autem Roberto frater *Nigellus* nomine, de quo fama non admodum multa refert. At eius filius *Robertus* nepos, & hæres Roberti primi, qui sine liberis obiit, vir maximi precii erat, cujus uxor *Editha* *For-  
na*, foemina incomparabilis, *Isidis* insulas magni meritò fecit. Contigit aliquando, ut *Picatum* chorus arborem insidens *Editham* in insulis spatiantem consono quasi strepitu salutaret: quod cum frequenter, & uni illi, fecisset, augurio tacta, *Radulphum* *Canonicum Fani Fredisvidæ* consulit. Ille magnum in augurio pondus inesse respondet, ac *Heroinam* solici-

tè rogat, ut templum ibidem Servatori consecraret. Illa hoc idem à marito petit, & impetrat. Hinc fundamenta Co nobis jacta, quod tandem exevit in immentum. Thomas Vicanus in annalibus suis hoc factum adfirmat, Anno Dom. 1129. Sic fama, sic gloria, sic honos. Initialis parens. Multa debent igitur *Quilis Insulae Isaac.*

ISIACUS, possessivum ab *Isidis* apertissime derivatum: quo nomine non ineleganter appellabit aliquis accollam propter *Isidis-Vadium* habentem. Dehinc jam longo tempore aptum, elegans, & Latinum genti Vocabulum. Fas igitur sit mihi, per candorem & gratiam eruditorum, eam à bonis literis optime audientem, *Isiacos*, nomine in hac parte novo, at interim apto & significanti, posteritati commendare.

ISIDIS VADUM Saxonicè *Ousforde*, & *Ousenford*, corruptè *Orford*, Hic forsitan obgaudent sciolis, omnis antiquitatis & politæ literaturæ ignari, me corruptorem esse veteris linguæ Saxonice, quam illi interim qualis fuerit, ignorant prorsus. Per me vel ad ravim usque oblatrent, eanum  
stupidam



stupidam imitantes rabiem, qui Lunam nitidè elucentem, & nihil tale curantem, assiduâ insectantur vociferatione. Non equidem scribo hujusmodi tenebrionibus, contentus interea paucis, at candidis, eruditis, denique judicio valentibus placuisse.

De *Isidis-Vadi* origine, multi multa prædicant: inter quæ historia circumfertur, adfirmans hanc Urbem olim ab amœnitate situs, *Bellofitum* dictam fuisse. Joannes Rossus Verovicanus, accola Guidonici clivi, hinc edoctus, hoc idem affirmat. Cives urbem suam quàm illustrissimam reddere cupientes Vortigerium Britan-  
num, conditorem nescio an insta-  
torem urbis, deprædicant. At quâ id  
faciant autoritate, luculentam non reddunt rationem. Historia rerum memorabilium, quam Academia Isi-  
aca religiosè servat, apertè pronunciat scholas famâ antiquitûs insignes à  
Græcolada (quæ rectius Crecolada,  
Lechelada, & Lathelada) fuisse Bellofi-  
tum translatas. At quo tempore, quo  
autore, qua causâ id factum sit, silen-  
tium planè ingens. Securus est & Ros-  
sus Verovicanus, vir majoris longè di-

ligentiæ, quàm iudicii, hanc qualem-  
 cunque de scholarum translatione o-  
 pinionem. Crecoladenses accolæ ripæ  
 Isaicæ conservant nescio quos versicu-  
 los obscuros in Fano Sampsonis, hanc  
 originem asserenteis, quorum, nisi me  
 fallit memoria, hic primus est.

*Postquam Pallas humi furians pro-*  
*stravit Athenas.* Reliqui verò excide-  
 runt mihi, sed dispendio penè nullo.  
 Isiacæ academiæ historia, prorsus nul-  
 lam facit de Ealfrido mentionem.  
 Sunt tamen alii scriptores, & fidei  
 approbatæ, qui institutionem schola-  
 rum Isiacarum manifestè illi ascri-  
 bant. Videtur hoc etiam Asserius Me-  
 nevensis, testè suppresso *Isidis-Vadi*  
*nomine*, significasse. Sed is nec Græ-  
 coladæ, nec Lecheladæ, nec Lathela-  
 dæ, vocabulorum merè Saxonorum,  
 ut neque transmigrationis, meminit,  
 ne per umbram quidem. Quin ipsa  
 verba auctoris apponam, ubi de educa-  
 tione filiorum Ealfridi regis Visifaxo-  
 num loquitur,

*Eathelneardus omnibus junior, Ludis*  
*literariis divino consilio, & admirabili*  
*Regis prudentia, cum omnibus penè toti-*  
*us regionis nobilibus infantibus, ac etiam*  
*multis ignobilibus, sub diligenti magi-*  
*strorum*

- strorum curâ, traditus est. In qua schola utriusque lingua libri, Latina scilicet ac Saxonica, assidue legebantur. Scriptioni quoque vacabant, ita ut antequam humanis artibus vires haberent, venatoria scilicet, & ceteris artibus que nobilibus conveniunt, in liberalibus artibus studiosi, & ingeniosi viderentur. Et alibi, ubi de divisione fortunarum
- 10 Ealfridi agit, hæc scribit: Tertiã partem scholæ, quam ex multis propria sua gentis nobilibus pueris, & ignobilibus, studiosissimè congregaverat, dedit. Rossus Verovicanus in libello de A-
- 15 cademiis affirmat principiò tantum fuisse treis scholas in Isidis-Vado, quarum prima Grammaticis, secundâ Philosophis, tertiâ Theologis consecrata est. Haraldus Levipes, Danus,
- 20 Angliæ rex, infectus cum civibus tum eruditis, *Isidis-Vadum* incolentibus, quod Danos nobiles fugienteis ad Fani Fredisvidæ pyramidem, consilio Eadrici proditoris scelestissimi occi-
- 25 dissent, armatum militem eò misit, qui urbem strenuè diriperet, & collegia bonis artibus dedicata confringeret, scholasticis hinc illinc metu fugientibus. Chronica Fani Fredisvidæ
- 30 referunt *Isidis-Vadum*, regnante Eathelredo,

thelredo, insignem accepisse cladem.  
 Robertus Polenius, vir ad bonas li-  
 teras natus, studiorum in *Isidis-Vado*  
 resuscitavit, post cladem acceptam, a-  
 lacritatem, tempore Henrici Bello- 5  
 clerici regis Angliæ. Hinc Polenius,  
 Romanam urbem petiit, ubi & Can-  
 cellarii dignitate functus est. Non  
 possum liquidò pronunciare an *Isidis-*  
*Vadum* muro fuerit cinctum ante im- 10  
 perium Gulielmi nothi, regis Angliæ.  
 Illud constat Robertum *Oilium*, eius  
 appellationis primum Castrum, quod  
 olim fortissimum fuit, in ripis *Isidis*  
 vel à fundamentis construxisse, Anno 15  
 à Christo nato 1071. teste Thomâ Vi-  
 canio fidei optimæ scriptore. Nos ista,  
 dum Antiquitati studemus, in grati-  
 am *Isidis-Vadi*, memoriæ sacrosanctæ  
 consecravimus. Exhibebimus autem 20  
 de his fusiora, & lucidiora in libro de  
 Origine, & Incremento bonarum in  
 Britannia literarum, & in libro de A-  
 cademiis.

L. 25

LIMENUS, fluvius, Britanni-  
 cè *Limene*. Refert hoc nomen origi-  
 nem Græcam, quod pleno defluens  
 alveo portum efficiat. Est enim por-  
 tus, litus, sinus maris, Græcis *Aluw*. 30  
 Eadbertus

- Eadberrus rex Cantiorum Limeni  
 meminit in quadam donatione facta,  
 Anno Dom. 741. Chronica Fani  
 Neoti de Limeno sic loquuntur [*Lime-*  
 5 *nis* fluvius currit de sylva magna, quæ  
 vocatur *Andredestwalde*. Habet au-  
 tem ea in longitudine ab Oriente in  
 Occidentem miliaria 120, & eò am-  
 plius in latitudine autem triginta.]  
 Graius in opere, cui titulus *Scelebro-*  
*nicon* Andredestu ualda meminit, &  
 Sigeberti regis Visifaxonum ab upi-  
 10 lone ibidem interfesti. Henricus Ve-  
 nantodunensis, quarto libro historiae  
 de regibus Anglorum, hæc refert, ubi  
 de Danis, fretus autoritate Mariani,  
 51 agit: [Postea rediit in Angliam ille  
 magnus exercitus cum omnibus rebus  
 suis ad portum *Limene* cum 250. na-  
 vibus, qui portus est in orientali parte  
 20 Cantiae, juxta magnum nemus *An-*  
*dredestlege*, quod centum & viginti mi-  
 liaria in longitudine, triginta in lati-  
 tudine continet. Egressi verò con-  
 25 struxerunt castrum apud *Apletre*.]  
 Haftenus Venantodunensis. Saxoni-  
 bus id *Apletre* est, quod Latinis (Ma-  
 lus) nota arbor. Et quoniam in men-  
 tionem *Andredestwalde*, cujus apud  
 30 Marianum clara est memoria, incidi-  
 mus,

mus, lubet hic obiter significare Hen-  
ricum Venantodunensem Andredef-  
castri, urbis, ut ait, olim celeberrimæ,  
at ab Ealla primo rege Sudosaxonum  
funditus everſæ, non sine honoris præ- 5  
fatione magnâ, primo hiftoriæ ſuæ li-  
bro, meminiffe. Nomen Limeni, no-  
ſtris prorsus incognitum temporibus.  
Conſtat tamen eum fuiſſe fluvium,  
quem hodiè Rotherum vocant. Ori- 10  
tur autem in Argathio monte, non pro-  
cul ab Aquæduneni ſaltu, aliàs ~~W~~  
~~terdon~~, loco Sudosaxonibus notiſſimo.  
Unde labitur vicinum in campum, cui  
nomen indit, videlicet **Rotherfeld**. 15  
Hinc Vicanum, aliàs **Bichingham**, pe-  
rit, ac Robertinum pontem. De hoc  
vicò recentiores quidam ſcribunt,  
de nomine nil dubitantes. At mea  
conjectura eſt, Rotheri pontem in 20  
Roberti pontem degeneraſſe. A pon-  
te Rotherino reſtâ decurrit Bodia-  
mum, olim Dalenrigii, poſtea Leu-  
chenoriorum caſtellum. Deinde No-  
viodonum pagum, & Oxinegam, ubi 25  
trajectus, alluit. Poſtremò Apletream  
vaſto deſertur gurgite, ac mox aperto  
mari ſe committit.

LMODOMUS vul <sup>gò</sup> **Lymehouſe**, 30  
cui

cui nomen à re inditum.

- LOMITHIS, id est, sinus luteus, five Lamithis, vulgò *Lamehithe*, notissimus Tamesinæ ripæ locus; de quo  
5 nihil antiquius legi, quàm quòd Canutus Fortis rex Angliæ, hîc inter convivia & pocula, ut refert Henricus Venantodunensis, libro sexto historię suæ, diem obiverit supremum. In  
10 confesso est, Archiepiscopos à tempore adventûs Nortomannorum in Angliam, hîc sedem habuisse. Balduinus, & Hubertus, archiepiscopi, nobile fanum Lamithi erexerunt, decreverant-  
15 que Præbendarios, ut vocant, ibidem statuere. Duroverneses monachi hoc ægrè ferentes cum Romano Pontifice de Fapo diruendo egerunt. Postremò, monachis victoribus, ruinam locus  
20 passus est, & quidem magnam. Palatium archiepiscoporum jam ad senium deverterat. Ecce præsto est Joannes Moridunus, & absterfo senio omni, florem ac juventutem, renovato &  
25 aucto operi magnificè reddit. Hîc ego juvenis studio eloquentiæ, & bonarum literarum totus conflagens, Thomam Hovertum Principis Icenorum filium Latinè loqui industriâ, qua po-  
30 tui maximâ, perdocui.

LUGUBALLIA, Britannicè Cair-  
 luel, corruptè Castrile. Hæc urbs ad  
 Vetelingianam viam sita est, alluitur-  
 que à borea Aquæduno, & à meridie  
 Calodeva fluminibus non ignota fa-  
 ma, quorum confluentia spectabilis  
 paulò inferius urbe. At unde urbi no-  
 men inditum à nullò hætenus discere  
 potui. Conjecturam interim meam  
 non gravabor publicam facere. Suspi-  
 cor fluvium, qui nunc Aquædon, alias  
 Eidon, olim dictum fuisse Logum,  
 five Lugum. Ballia à valle, V, litera  
 in B, facillè mutatâ, originem sumpfit.  
 Sunt & qui scribant vallia, non ballia. 15  
 Familiare quidem est indigenis Aqu-  
 lonaribus valles præposito fluminis  
 nomine appellare, ut *Glindale, Werd-*  
*dale, Tivedale, Alandale, Rhidale*. Sic  
 enim Luguballia Lugivallis erit. Nisi 20  
 quis rectius appellationem ortam  
 putet à *Lough* patrio vocabulo, quod  
 lacum, aut stagnum significat. Abun-  
 dat enim aquis Luguballia sita. Pro-  
 lemaeus Luguballia corrupto nomine 25  
 Lucopibia meminit, videturque eam  
 genti Novantum attribuere. Methi-  
 nit etiam hujus urbis Antoninus in  
 suo Itinerario. Quo tempore Beda  
 floruit, in precio hæc urbs quidem fu- 30  
 it:



it: nam & ejus mentionem 27. cap. libri 4. historiarum suarum facit. In libello quoque, quem, de Cutheberti vita, carmine & prosa scripsit, honorifice de

- 5 Luguballia hæc prædicat: *Ecfridus rex ad Luguballiam civitatem, quæ & populo Anglorum corrupte Luwel vocatur, venit ut alloqueretur reginam, quæ ibidem in monasterio suæ sororis eventum belli expectare disposuit. Postera autem die deducen-  
10 tum bellum expectare disposuit. Postera autem die deducen-  
tibus eum civibus prodit; ut videret mœnia civitatis fonteque in ea miro quodam Romanorum opere ex-*  
*structum. Hæc ille.*

- 15 Concidit autem Luguballia calamitate Danici belli, & deserta mœrebat totos ducentos, & eo amplius, annos. Aluredus Fibroleganus historiographus, suo seculo clarus, scribit  
20 hanc urbem instauratam fuisse sexto anno imperii Gulielmi Rufi, Regis Angliæ. Prædicat hoc idem Hovedenus. Adjicit Venantodunus, Gulielmum Rufum regem, colonos ab Austro huc misisse. Nec desunt qui scri-  
25 bant Flandros quondam diluvio suis sedibus pulsos, ab Anglo, tanquam colonos, huc missos, qui & postea, ne quid cum Scottis commune haberent, Penbrocum translati sunt ut  
30 Ros-

Rossos rebelles perdomarent: id quod fecerunt, teste Sylvestro Giraldo,

*M.*

MAUDITI-castrum, vulgò *Saint-  
Matwes*. Erat autem Mauditus ex  
Hibernia ortus, &, ut ferunt, episcopus. Vixit parcè, ac duriter, sanctitatis nomine clarus, non longè à Falensii portu, ubi nunc villa piscatoria, & 10  
Fanum illius nomini consecratum. Incolæ ostentant, in cœmeterio fano adjacenti, cathedram ex solidò saxo, qua frequenter sedebat, fontemque superstitione celebrem. Forma ca- 15  
stri in ipsis portûs faucibus pene orbicularis est, & situ subsidet, ut serpentes ærei certius irrumpentis feriant hostes. Trefrius qui structuræ castri præfuit, vir ad bonas artes, & huma- 20  
nitatem natus, tum prætereà amicus, & summus quidem meus, à me flagitavit, ut latè quadratis saxis insignia Henrici octavi nunquam satis laudati, & Eadveardi Principis incompara- 25  
bilis, ferentibus, paucos opportunè versiculos affigerem, quibus altè insculptis posteritas nobile tanti Regis opus meritis extolleret præconiis. Feci quod voluit. Tali autem amico 30  
quic-

quicquam pernegare planè religio fu-  
isset. Accipe, candide lector, Inscrip-  
tionum notas. Prima sic habet. Hen-  
ricus octavus, Rex Angliæ, Franciæ, &  
5 Hiberniæ invictissimus, me posuit  
præsidium Rei publicæ, terrorem  
hostibus.

Secunda inscriptio.

10 *Semper honos, Henrice, tuus, laudesque  
manebunt.*

Tertia.

*Imperio Henrici naves submitte  
vela,*

Quarta.

15 *Gaudeat Edvardo Duce nunc Cornubia  
felix.*

Quinta.

*Exprimat Edvardus fama, factisque pa-  
rentem.*

20 *Hæc nos, in Henrici octavi Regis  
incomparabilis gloriam, æternitati  
consecravimus.*

*MEDIAMNIS, vulgò Medemen-  
ham, monasterium Bernardinorum,  
25 quod Isiburnam Bedanfordanam, a-  
lias Duseburne, parentem agnosce-  
bat.*

*MONS-ACUTUS, vulgò Ponte-  
gue, nomen loci apud Gallos celebri-  
30 unde & nobilissima ejusdem appella-  
tionis*

tionis apud Anglos familia originem duxit. Richardus Burdegalensis Rex Angliæ gloriam Montis-acuti, alioqui claram, clariorem reddidit, Severiani Comitis titulo adjecto, Anno ejus Imperii 21. 5

**MONS DIVES**, Gallicè **Riche-  
mont**, urbs famæ conspicuæ, à qua & regioni, quam possider, nomen.

Brigantes olim hîc sedes habuere, 91  
utpotè cultores totius Isuriæ vulgò  
**Worshire**, cujus & hæc pars fuit, ut  
plurimum montana, at interim quæ  
valles subsident fecunda utcunque,  
fluviusque irrigua, videlicet Vro, Sua- 15  
la, & Covero. Gulielmus nothus rex  
Angliæ, dum Eboracum civitatem e-  
jus imperio non audientem obsidet,  
Alanum nepotem suum Comitem  
Britanniæ Continentis, Matildâ regi- 20  
nâ exorante, hujusmodi illustravit  
Donatione: *Ego Gulielmus, cognomine  
Bastardus, rex Angliæ, do, & concedo  
tibi nepoti meo Alano, Britannia Comiti,  
& heredibus tuis in perpetuum omnis 25  
villas, & terras, quæ nuper fuerunt Co-  
mitis Eadwini in Eborashirâ, cum feo-  
dis militum, & aliis libertatibus, &  
consuetudinibus, ita libere, & honorifice,  
sicut idem Eadwinus ea tenuit. Data in 30  
ob-*

obsidione coram civitate Eboraci. Captâ,  
spoliatâ, & incensâ urbe Brigantum  
dominâ, ac gente in potestatem Gu-  
lielmi redactâ, Alanus vir maximi a-  
5 nimi, studens provinciam acceptam  
solidè sibi conservare, castrum, juxta  
**Gillingham** villam suam, fortissimum  
extruxit, quo se muniret contra im-  
petus non modò Anglorum fortunis  
10 spoliatorum, verum etiam insultus  
Danorum. Operi autem absoluto *Richemontis* nomen quodam consilio in-  
ditum est, vel à loci magnificentia,  
vel à castro Britannia continentis ali-  
15 quo ejusdem appellationis. Rodol-  
phus Dicerensis in historia sua memi-  
nit *Richemontis*, castelli Armorica re-  
gionis. Ego cum, annis ab hinc ali-  
quot, avidis hoc castrum oculis col-  
20 lustrarem, videremque ambitum ur-  
bis intra mœnia ipsa exiguum esse, cœ-  
pi cogitare urbem sensim crevisse in  
extima Castri area, quod tamen non  
refero tanquam cognitum. Nunc ut  
25 splendor, & gloria Comitum Richo-  
montanorum fusiùs eniteant, operæ-  
precium duco eorum ab origine stir-  
pem repetere, & serie quadam ad sæ-  
cula recentiora perducere. Eudo Co-  
30 mes Britannia continentis, Gallofri-

di filius, tres genuit fillos, Alanum  
Rufum, aliàs Fregaunt, Alanum Ni-  
grum, & Stephanum, qui singulatim,  
eo mortuo, Britannia præfuerunt,  
& Richomontania. Uterque Alanus 5  
sine liberis periit. Stephanus verò fi-  
lium Alanum nomine genuit. Hic  
autem Conanum hæredem reliquit,  
cui nupsit Margareta Gulielmi Scot-  
torum regis filia, peperitque ei Con- 10  
stantiam, postea conjugio Gallofridi  
filii Henrici secundi regis Angliæ, Fe-  
licem. Genuit Gallofridus Arturium,  
quem Joannes rex Angliæ, ejus pa-  
trius ob metum, ne Angliæ regnum 15  
jure suo peteret, insidiis, ut quidam  
scribunt, interficiendum curavit.  
Constantia secundò nupsit cuidam  
Rodolpho, à quo adulterii crimine  
infamis divortio mulctata est. Hinc 20  
tertiò nupsit Guidoni Tearcho, & ex  
eo peperit Adeliciam, quæ Petrum  
Maloclericum in conjugem accepit,  
& ei peperit Joannem. Joannes fili-  
us Joannis Comes Richomontania 25  
accepit in uxorem Beatricem, filiam  
Henrici tertii regis Angliæ, quæ ma-  
ritum Arturio, Petro, & Joanne pa-  
rentem fecit. At Joannes pater, ulti-  
mus erat Richomontania Comes ex 30  
stirpe

stirpe Alanica, cujus si quem juvat antiquitatem, quæ Eudonis imperio præcessit cognoscere, legat Gulielmum Gemericensē, rerum Nortmannicarum illustratorem. Recentiores Richomontaniæ Comites omitto brevitatis studio, hac lege tamen, ut illos in memoriam redigam in Opere quod de Nobilitate Britannica,  
10 diis vitam mihi fortunantibus, in Procerum gratiam propediem scripturus sum, & editurus. Interea *Richomontaniæ* valedicam.

MORINI, gens Gallicæ Belgicæ,  
15 quorum urbs celeberrima Tervana erat, quam ego potius Treventam nominarem à *Tre*, quod oppidum veteri Gallorum lingua significat, & *quin* quod album, illustre, & splendidum  
20 sonat. Morinorum ineminit Cæsar in commentariis suis. Meminit eorundem Gratius poëta in libro de venatione, de quo Ovidius.

Aptaque venanti Gratius arma  
25 daret.

MORTUUS LACUS, vulgò *Mortelake*, villa longo quidem tempore archiepiscoporum Durovernenſium, at nunc Regis, permutatione fundi  
30 facta, villa eximie splendida,

N.

**NAUTICVS** finus, Saxonice *Reatherhith*: Locus olim nautis tantum hospitium præbens; At nunc, quia urbi vicinus est, cœpit nitidis superbire villis, & sordes nauticas quasi contemnere. Sunt qui adfirmant Henricum ejus appellationis Quartum, Anglorum Regem, hic delituisse, ut medicorum opera in lepra, quâ forde asperius fuerat, curanda uterentur. 5 10

**NEO.PORTVS**, sive Novus portus, Anglice *Petport*, statio carinis satis fida, ubi etiam & commodus in *Vectam* insulam aditus. In Neoportu emporium est, & unicum totius Vectæ, quod & eodem censetur nomine. Attramen, ut ego aliquando accepi, Medenæ oppido antiquum nomen erat. 15 20

**NOVANTES**, de quibus Ptolemaeus, oram littoris Britannici occidentalem accolebant, ea parte, quâ nunc *Lugovallia* Scottomattix illa floret, & Candida casa, quæ nunc Fanum Niniani, Gallovinorum sedes primaria, caput attollit. Non possum hic terræ satis admirari, quid sibi voluerit Hector Boethius, Scotticæ scriptor historię, 25 30



historiæ, cum Galloviniam sedem  
*Brigantum* fuisse, contra communem  
 tum Græcorum, tum Latinorum om-  
 nium consensum, affirmer. Eiusdem  
 5 farina & illud Hectoris est, quo loco  
 Dobunos, de quibus Ptolemæus men-  
 tionem facit, eam fuisse gentem  
 scribit, quam nostra ætas vulgò *Dar-*  
*behwitemen*, appellat. Notum est Co-  
 10 rinium, eam fuisse urbem, quam Sax-  
 ones *Churncestre* vocabant, & nostra  
 ætas corruptè *Cirencestre*, & *Cice-*  
*stre*. Sedes etiam Dobunorum pri-  
 maria ibi olim fuit, ubi nunc pars  
 15 Claudianæ, ad Cotevoldianum cam-  
 pum, provinciæ. Sunt & aliæ ejusdem  
 notæ in Hectore maculæ, quas vulgus  
 lectorum tanquam stellulas suspicit.

NVLLI-SECUNDA, novum ab  
 20 excellentia operis nomen inditum lo-  
 co, vernaculâ linguâ *Ponesuch* dicto.  
 Hic magnificentissimus Henricus Oc-  
 tavus tam elegantes, tam venustas,  
 tam deniq; splendidas erexit ædes, ut  
 25 quocunq; prudens floridæ architectu-  
 ræ æstimator, oculos converterit suos,  
 has dixerit inter cæteras quascunque  
 facile palmam ferre. Quanta illic Ro-  
 manæ antiquitatis æmulatio! Quantû  
 30 speciosæ picturæ? quantum auri? quan-  
 tum

tum denique omnis generis ornamentorum? Diceret cœlum esse stellis interpolatum. Floreat æternum Princeps, qui nullis parcat impensis, quo minus artificum ingenia, miracula rerum, mentes, atque oculos hominum sua quadam maiestatem rapien-  
tia, exhibeant.

P.

PENDINAS, id est, caput montis, locus adjacens Falensis portus ostiis occidentem versus, ubi nunc stat Castrum in loco edito, non longè ab ædibus *Cheligrevi*, viri humanissimi. qui & ejusdem Præfectus est. Cujus operis gloria, quanta quanta est, Henrici Octavi Regis propria est.

PETRO-POLIS, nunc *Peterburch*, at nomine antiquiori *Medeshamstet* Saxonice dicebatur: cujus & loci Beda. 6. cap. 4. libri suæ historiæ meminit. Erat autem in primitiva Merciorum ecclesia, in honore planè maximo. Operæprecium ergo originem monasterii olim undecunque clarissimi, vel ab ovo repetere. Qua parte non gravabor Hugonem Album rerum Petroburgi gestarum luculentum planè scriptorem in suscepti operis evocare partem. Fidem ille lectori faciet.

ciet. Ego verò, quod ille fusè scripsit,  
in compendiolum redigam.

Avona, sive Avena fluvius, qui vulgò

- 5 *Nene* pro *Abene* sublata A. capitali  
litera, & V. sequenti in N. versa, Pe-  
troburgum alluit, in cujus alvei me-  
dio, vorago quædam incognitæ pro-  
funditatis. Quo etiam & loco fons  
10 ebullit, cui nomen *Medeswell*. Cum  
verò Saxones in ripa fonti vicinâ ædes  
posuissent veteri nomini novum vide-  
licet *Hamsted* conjunctum est, atque  
ita coaluit *Medeswelhamsted*, quod  
15 nomen longo postea servavit tempo-  
re, detruncata tantum brevitatis stu-  
dio sesquipedalis vocabuli syllaba me-  
dia, ita ut pro *Medeswellehamstede*  
pronunciarent *Medeshamstede*. *Ham*  
20 verò domum; *Stat*, sive *stet*, civitatem  
*Latine* significat. Collucet autem in  
ipsis penè Girviorum paludibus. Gir-  
viorum meminit Beda. Paludes incole-  
bant. Nomen Girviorū nostro obscurū  
25 seculo. Dicuntur hac ætate Fennicolæ.  
Appellationem accepere Girvii à *Gyr*  
Saxonico vocabulo, quod *Latine* pa-  
ludosum, & altè luculentum locum  
significat. Hactenus de loci no-  
30 mine.

Nunc

Nunc reliqua strictim dicemus:  
 Penda, rex Merciorum, sive Mediter-  
 raneorum Anglorum, reliquit treis fi-  
 lios *Peadam, Wolpherum, & Ethelre-*  
*dum*, quorum singuli eo mortuo reg- 5  
 no Merciorum præfuerunt, id quod  
 confirmat Gotcelinus Bertinianus in  
 vita Milburgæ virginis. *Wolpherus* de-  
 testatus impietatem, quæ nondum  
 Christianus *Wolphadum, & Rufinum* 10  
 filios suos, Christo à Ceaddâ initiatos,  
 consilio Verbodi è medio sustulit, mo-  
 nasterii fundamenta amplissimi *Me-*  
*deshamsteda* jecit, quod Deo Oprimo  
 Max. & Petro consecravir, unde *Petri-* 15  
*burgus* nomen loco postea inditum,  
 ac Saxulphum religionis præsidem ibi-  
 dem statuit. At imperfecto obiit o-  
 pere. Ethelredus eius frater unâ cum  
 tororibus suis *Chineburga, & Chines-* 20  
*witha* incepto operi manum supre-  
 mam addidere. Longo post temporis  
 intervallo Dani, gens piratica, à bo-  
 reali littore toto miserè spoliato, in  
 mediterraneas Angliæ partes pergras- 25  
 sati sunt, ac inter infinita alia crudeli-  
 tatis exempla *Medeshamstatense* mo-  
 nasterium totius Britannix facile pri-  
 mum, funditus everterunt. Hæc re-  
 rum humanarum est vicissitudo. Au- 30  
 sim

- Ausim pronunciare, exceptis tantum  
Judæis hominum omnium facibus,  
nunquam uspiam terrarum fuisse gen-  
tem unam, quæ majorem alteri cala-  
mitatem intulerit, quàm Dani An-  
glis. Clades illa mīeros flagellabat  
spatio ducentorum, & penè quinquaginta annorum, quam quartam Britannix plagam fuisse scribit Hovedenus in libro Annalium, ita ut præciserit Romana, Pictica, & Saxonica. Eadgarus tamen monarcha Anglorum,  
10 utcunque immunis erat à Danicis irruptionibus. Quo tempore *Eshelwoldus* Philomonachus, episcopus Ventæ Simenorum cum Principe suo  
51 ita egit, ut ille miseratus loci desolationem, erat enim tum temporis stabulum pecoris, novi monasterii fundamenta ingentia ibidem poneret.  
20 Aldulphus etiam Eadgari Archigrammateus luculentissima operi dona contulit, ductus iusta pœnitudine quod filius, quem unicum habebat, ab  
25 eo, & uxore, somno, & vino gravatis, suffocatus fuisset. Factus hic postea *Aldulphus* primus abba *Petroburgensis* cœnobii instaurati, & tandem archiepiscopus Iurovicanus. Deinde  
63 Eadgarus ædificato novo oppido diploma

loma Emporii contulit. Quid multis? Eò divitiarum, splendoris, famæ, magnificentiæ, deniq; gloriæ accrevit *Petropolis*, ut *Chryſopolis* à multis appellaretur, quod nomen Saxonice 5 sonat *Gildenburch*. Vicerat iam *Gulielmus Nortomannus*, & Imperio Angliæ potitus est. Ecce, *Chryſopolis*, tot congestis multorum annorum spatio opibus, præda fuit *Herevardo* 10 Anglo, ac *Danis* *Anguillariam* insulam, aliàs *Elig*, vi defendentibus, & *Gulielmo* regi obaudientibus. Justo mihi hoc factum videtur Dei judicio. Nam monachorum saltem bonorum 15 partes fuerant, tantos in eleemosynâ thesauros à piis erogatos non sordide sibi conservare, verum largâ manu opportunè, & in loco, pauperibus distribuere. Meminerint igitur ecclesiastici 20 ci, vel perpetuò, sordium, hoc exemplo admoniti. *Tuoldus* Nortomannus beneficio *Gulielmi Victoris*, cujus & nepos, ut quidam scribit, erat, Abba tum *Petropolitanus*, facinoris *Herevardi* 25 admonitus, *Stenosforda* urbe relicta, ad suos armato milite, ut forem decuit Abbatem, cinctus rediit. Tum verò partim dispendio rerum monasterii, & oppidi incensi, partim 30 etiam

etiam Anguillarianorum vicinitate  
vulneratus, ut piscis ictus, sapuit; ac  
castello sui nominis Gallicè *Montu-*  
*rold* dicto, strenuè erecto, futuræ  
5 prospexit cladi. Hucusque ut pluri-  
mum ex historia Hugonis Albi. Hen-  
ricus Octavus rex potentissimus  
splendorem novum *Petroburgo*, jam  
dignitate episcopi illustrato, contu-  
10 lit.

PETRUS RUPINUS, Gallicè *de*  
*la Roche* dictus. Hic fuit Ventæ urbis  
Simenorum episcopus tempore Hen-  
rici tertii Regis Angliæ, homo tam  
15 invidiosus, quàm qui unquam maxi-  
mè fuit. Hic erexit, Londini in subur-  
bio, cui Sudoverca nomen, Xenodo-  
chium. Porro in Avonia meridiana  
instituit alterum xenodochium, eo lo-  
20 co, quo stat oppidum in ostiis Portûs  
magni, cujus Ptolemæus meminit.  
Instituit etiam duo cœnobîa, unum  
*Tichefelda*, alterum *Letelega*, quæ vul-  
gò *Peteley*.

25 PLACENTIA, Gallicè *pleasance*.  
Nomen palatio ab Hunfrido Duce  
Claudio instaurato, à loci amœni-  
tate inditum, quod modò periit, re-  
suscitata veteris Grenovici memoria.  
30 Has ædes Hunfrido mortuo coluit E-  
ad-

adveardus eius appellationis ab imperio Nortomannorum Quartus. Cygnus de hac *Placentia* magnificè perlonat in mellita sua *Cantione*.

PONTES, numero plurali, Op-<sup>5</sup>pidum, ut ego conjecturam facio, quod Saxones *Readige*, & *Reading*, sic enim in vetustissimis exemplaribus scriptum invenio, sua lingua vocabant. Antoninus Pontium meminit. Quan-<sup>10</sup>quam miliariorum numerus qui in Itinerario elucet à *Pontibus* Londinum, non convenit Readingo. At ego experientia didici corruptos jam esse in Antonino numeros, & Alau-<sup>15</sup>nodunum vicum, qui nunc *Waldenhead*, & *Uxinum*-pontem, ac *Colunum* Saxonice *Colunbroke* corruptè *Colebroke*, recentioris memoriæ esse, quàm ut *Pontium* referant antiquita-<sup>20</sup>tem. Et eo loco tantum nominat urbes, ac celebris notæ oppida: cuiusmodi, nisi Redingum, restat viâ nullum à Cunerione, aliàs *Walebyri*, Londinum. *Reading* nomen, meo<sup>25</sup> quidem iudicio à copia, & confluxu aquarum apud Saxones cœpit. Et huius nominis pagus est ad Limeni, aliàs Rotheri fluminis, ripam, qui Cantios à Sudosaxonibus ex parte determinat.<sup>30</sup>

Flu.



Fluvius verò Readingum interfecans,  
Romanis Cunetio, Saxonibus ~~Be-~~  
~~net~~ dicitur. Oritur autem in Vilu-  
giana provincia ad radicem tumuli,  
5 terræ in usus bellicos olim egestæ, cui  
nomen Seiburgus. Hinc profluens,  
Cunetionem celebre sui nominis op-  
pidum, *Hungrefordam*, Spinæ alias  
Neocuriam, ac Readingum alluit, ac  
10 mox in Tamesim delabitur. Hæc  
confluentia aliquid facit ad nominis  
erymon. Idem præstat & Cunetio, qui  
antequam oppidum penetret, in  
cornua propter Beram villam splen-  
15 didam, se diffindit, ac majori alveo  
per pontem qui Readingi est ad me-  
ridiem defluit: minori verò quem  
Sacrum-amnem vocant, borealem  
oppidi partem alluit, ac mox coeun-  
20 ribus cornibus, fit unus alveus. Huc  
etiam accedit, quòd & illa duo bra-  
chia rursus divortiis quibusdam vel in  
medio ludunt oppido, ac insulas  
planè amœnas efficiunt. Postremò  
25 neque hoc alienum à nominis signifi-  
catione. Saxones rivum *Rhe* com-  
muni appellatione vocant, & subinde  
scribunt *Hrie*. Hinc *Rhegate*, id est,  
rivi curius; *Overrhe*, ultra rivum;  
30 *Rhesford*, rivi vadum; *Rhidune*, oppi-  
dum

dum prope rivum; *Suderbe*, ad meridiem rivi: unde & provinciae nomen, quae australi Tamesis ripae adjacet. *Readingi* primus, quod ego sciam, *Alferius Menevensis* illustrem in Annalibus suis mentionem facit, ac sui collaudat *Ealfridi* regis *Visifaxonum* virtutem, qui Danos aperto Marte eò in castellum fugavit. Hujus castelli nec rudera, nec aliqua certa hodie extant indicia. At platea Castellanae nomen in memoria, quò itur via publica ab hoc oppido ad *Spinas* occidentem versus. Constat ex historia *Roberti Beccensis*, *Henricianos* pesium dedisse castellum, quod *Stephanus Tyrannus Readingi* firmaverat. *Ealfritha*, secunda regis *Edgari* uxor, poenitudine ducta, quòd privignum *Eadveardum* regem adhuc impubertem occidendum insidiis curavisset, monasterium virginibus sacrum *Readingi* instituit, eo, ut fertur, loco, quo nunc *Fanum Mariae* in precio est. *Henricus* ejus appellationis primus coenobium monachorum ad orientem posuit locum sepulturae suae, cui contulit *Virginum* praedia, ac latifundia tum collegii *Chaufegani*, tum monasterii *Leonis*.

PONTIFICES, Magistratus, nomen à re sumens, videlicet Pontibus vel construendis, vel reficiendis: cuius generis sunt præfecti duo Londinensi ponti, habentq; in Sudovercano suburbio domum amplissimam, utpote armamentarium rerum ad tantum opus pertinentium. Rodolphus à Diceto in sua refert hiltoria Petrum de *Colechurch* sacrificulum jecisse prima fundamenta novi pontis. Sed erant illa levia. Quare regis, & civicis accrevit postea opibus. Hic, candidi lectores, obstreper molesta sciolorum turba, cujus & unus obcurior reliquis, homo notioris loquentiæ, quàm eloquentiæ, & *μεγαφιλαιος*, me fœdè in enumeratione Arcuum Londinensis Pontis erravisse asserit. Incuriam in qua parte meam, censor scilicet acutus, idemque rarus, convellit, lacinat, lacerat etiàm pro imperio, si diis placet, suo. Cui ego tantum in præsentia, aliàs opportunius ejus intolerabilem malè judicando arrogantiam pressurus, & conculcaturus, respondéo: Pluris valet oculatus testis unus, quàm auriti decem. Civis Londinensis sum, nec me patriæ pœnitet meæ. Spero que aliquando futurum,

ut nec illam sui qualiscunque poenireat alumni. Edico tibi, malè conciliate Geta,

*Nulli nota magis domus est sua, quàm mihi certè*

*Omnia Londini sunt monumenta mei.*

Fac periculum in eruenda penitior illa antiquæ urbis nostræ celebritate. Doctior hoc nomine, nisi te discere suppudeat, forsitan evaseris me autore. Quin Pontis causam perago? Cataractæ in pontē Londinensi viginti, quæ se ab austro in boream extendit. At arcus ex solido saxo incurvati tantum novendecim conspiciuntur. Tabulatam illam, & planam Pontis figuram ex asseribus compactam, & machinis tractilibus, si usus postulet, sublevandam, ne aditus hosti pateat, Arcum nec possum, nec volo, sed neque per rationem debeo certè appellare. Sperabas, tu quidem magnum de me in hac re triumphum. At ego à te conceptam spem omnem illam, his verbis facilè tibi præripio.

*Sis licet Antæus, Polyphemus; maximus*

*Atlas,*

*Laurigeros noli de me sperare triumphos*

I nunc Geta, & inter compotiores  
tuos, viginti arcus Londinensis pontis  
victor deprædica.

- POLUS, illustris familiæ nomen,  
5 cujus ego talem fuisse originem à fide  
dignissimis didici. *Michael Polus*  
humili loco natus mercaturæ  
operam dedit Regioduni, in ipsis  
Hulli fluminis ripis siti, ubi nobile  
10 emporium. Navigavit autem frequen-  
ter ad orientales urbes Germanorum,  
tantæque dexteritate, successu, felici-  
tate quoque rationes omneis suas sub-  
ducebat, ut brevi divitias ingenteis  
15 sibi compararet. Hinc fama inclares-  
cere cœpit, & Richardo secundo An-  
glorum Regi non modo cognitus, ve-  
rum etiam familiaris, & charus, atque  
adeò à consiliis esse. Uffenfordiorum  
20 Sudovolciæ Comitum gloria, defici-  
ente hærede masculino, inclinationem  
patiebatur. Richardus, studens Polo  
quàm gratissimus esse, illum Austrā-  
libus præfecit Volcis, anno regni sui  
ES nono, & inter familiarissimos habuit.  
*Polus* ubi persenserat se in flagrantissi-  
ma esse apud Principem gratia, stre-  
nue rem auxit, & indicia nobilita-  
tis non pauca præ se tulit. Inter quæ  
30 illud vel palmarium obtinuit, quod

nullum non lapidem moverit, ut Re-  
 giodunum suum quàm clarissimum  
 faceret. Constat oppidum, illius cum  
 opera tum impensis, auctum insigni-  
 um numero ædium. Nam tempore 5  
 Eadveardi regis ab adventu Nor-  
 mannorum in Angliam tertii, Regio-  
 dunum oppidum piscatorium erat, so-  
 lius Hulli præterlabentis, ut ego ar-  
 bitror, tunc nomine gaudens. *Poli* 10  
 ædes instar palatii adhuc elucent Re-  
 gioduni, unà cum muris oppidi late-  
 ricis, quæ Fanum Mariæ occidentem  
 spectat. Præterea duas alias conspi-  
 cui decoris ædes in oppidi umbilico, 15  
 & tertias ad Hulli ripam posuit. Nec  
 sic contentus, egit cum civibus ut op-  
 pidum muro cingerent: id quod  
 factum est. Locus, ubi lateres in muri  
 usus cocti, Tegularius adhuc dicitur. 20  
 Postremò à rege Richardo in civium  
 gratiam libertatis diplomata exoscu-  
 landa impetravit. Hactenus fortuna  
 propitiam se parentem *Polo* exhibuit.  
 Jam Richardi imperium, & majestas, 25  
 civili turbata seditione, sensim de-  
 crescere cœpit; unde & Polus novus  
 homo, idemque invidiosus unà etiam  
 de-crevit. Princeps, volens nolens,  
 coactus est nobilium instigatione 30  
 pub-

publicum totius regni Conventum ad  
certum diem designare. Hoc con-  
fessu, *Vernus*, Comes Iñacorum, &  
*Polus* Sudovolcarum, publico decreto,  
5 tanquam corruptores Principis, exul-  
labant. Uterque Lutetiam Parithiorum  
petiit. Richardus, magno illorum  
tenebatur desiderio. *Polus* mutatam  
sortem ægerrimè ferens, obiit Lute-  
10 tiz. *Vernus*, opes eò à Polo adductas  
invasit: atque hæc *Poli* finis. Filii  
ejus meliora tempora nacti patris hæ-  
reditatem acceperunt: & non longo  
pòst tempore Hæres ex asse, Ducis in-  
15 signem sibi comparavit titulum. Tan-  
dem Eadmundus, imminutæ majesta-  
tis Henricianæ reus, se, ac nobilem  
unà familiam funditùs perdidit. Quin  
& hæc tragædia paulò ante à Lindio-  
20 rum Comite ejus fratre natu majori  
bello interfecto, aut Terento submer-  
so, orta est, patre nesciente, & crucem  
filiis imprecante.

PORTUNIA, Insula, vulgò  
25 *Portland*; sita est ad meridiem litto-  
ris Durotrigum non procul à Vagæ  
fluvii ostiis, unde tenui dividitur ætu-  
ariolo. Quà Oceano alluitur in mon-  
tes conlurgit, at meditullio plana est,  
30 ferax etiam frugis, graminis, ac peco-  
ris;

ris; at arborum prorsus indiga. Hanc æstimant circuitu septem milliaria conficere. At si quis lineam per ipsas Insulæ radices, quas mare alluit, circumduceret, decem milliaria computaret. Planities Insulæ ut plurimum saxosa. Littora horrenteis rupes ostentant. Coniunctæ tantum uno Insulæ vico ædes, ubi & Ecclesiæ: reliquæ sparsæ. Olim piscationi præter cætera accolæ studebant, nunc verò aratro. Fundæ, qua se incolæ exercent, plurimum valent, feriuntque hostem fortiter. Henricus Octavus impensis maximis castrum hîc posuit monumentum nobile, & instum insulæ præsidium. Plura de Portunia dicemus in libro de Insulis Britannia adjacentibus.

**PROFUNDUM-VADUM**, Anglicè **Depesford**, tantum villa piscatorum paucis ab hinc annis. Henricus Octavus Principum decus omnium, Navale conservandis, & reficiendis navibus hîc instituit, armamentariumque juxtâ posuit, ac nuper splendida etiam ædes Grenovicæ famulas, excelso erexit fastigio.

**PUTENEGA**, locus non alio, quod ego sciam, nomine memorabilis,



lis, quam quòd amœnas ad ripam  
ædes ostentet.

R.

REGIODUNUM Tamesinum, sic  
5 dictum, quod ad Tamesini fluvii ri-  
pam situm sit. Fama prædicat vetus  
oppidum collocatum fuisse paulò in-  
ferius eo, quod nunc cernitur, She-  
nam versus, loco humili, & excrescen-  
10 tibus aquis obnoxio, atque hinc adeò  
aliò translatum fuisse. Ethelstanus,  
Eadwinus, qui & Eadwius, ac Ethel-  
redus reges, hîc imperii sui coronâ  
redimiti sunt, testibus Henrico Ve-  
15 nantodunensi, & Rogero Hovedeno.  
Accepi olim, hoc medio factum fuisse  
foro, erecto altè tabulato opere, quò  
latè à numerosâ plebe viderentur:  
quod tamen tanquam rectè cognitum  
20 non affirmo.

REGIUS-BURGVS Saxonice *Cu-  
ningburg*, corruptè *Quinborow*. Ca-  
strum hoc situm est in littore, quâ Ovi-  
nia, aliàs *Shepega* insula, Tamesini &  
25 Vagani fluvii ostia aspicit. Instaura-  
torem Eadveardum Vindelesoranum  
agnoscit, & Gulielmum Perottum  
Vicanum, postea Simenorum episco-  
pum, præfectum operis celebrat. De-  
30 nique & Henricum octavum firmiora

jā natus robora extollit.

REGIODVNVM *Hullinum*, à fluvio præterlabente ad differentiam alterius, sic dictum. Seculis abhinc aliquot elapsis plicatorium tantum fuit oppidulum, & appendebat paræciæ Hasilleganz, unde trajectory in Lindiam superiorem. Incrementa urbis paulò ante in vita Poli Sudovoleæ ostendimus. Tum prætereà Hulli fluvii originem, & cursum depinximus, adeò ut in præsentia eadem repetere supervacaneum sit.

RVBER CLIVVS vulgo *Red-eltse*. Gulielmus, Guidonis filius, hujus loci alumnus, novā vicinlo addidit lucem, constructis duabus elegantis notæ ædibus. Idem scholam grammaticam insigni quadam tum liberalitate, tum pietate ac Hospitium pauperum receptaculum ibidem instituit, destinato vel perpetuum in tam sanctos usus prædio.

REGNORVM meminit Ptolemæus, qui, ut ego conjecturam facio, Tamesini fluvii australes ut plurimum ripas, & interiora excolebant. Nunc regioni nomen, *Sudarbeia*.

S.

SABAVDIA, ædes magnificæ, ap- pel-

pellationem à Petro *Sabaudo* Leonoræ reginæ conjugis Henrici tertii avunculo acceperunt. Henricus tertius rex, hunc Richomontaniæ titulo insignivit, & castella nobilium aliquot ei servanda tradidit, quæ, cum aliquam diu servasser, declinans Anglicæ nobilitatis invidiam, regi restituit. Joannes Gandavenfis, Dux Mediolanensis, longo post tempore *Sabaudo* ædes incoluit, in cujus conflagrante odium orrâ, Cantiorum seditione.

SCHELFEGA, vulgò *Chelsey*.  
 15 Nomen autem villæ inditum à dorso excreſcentis arenæ in alveo fluminis: *Morus* accola illustris villæ famam auxit. At postquam pertinax esse cœpit, & Decretis publicis fidem abrogare, famam villæ partam labefactavit. Sed postea nova loco accessit gloria. Henricus Octavus, regum splendor unicus, conspicuas ædes ibidem nuper posuit.

25 SHENVUM, vulgò *Sheene*. Unde autem nomen inditum, si non à splendore, non possum satis conjectura consequi. Angliæ reges rædio urbis adfecti frequentiusculè huc concesserunt, tanquam ad secessum longè amoenissimum.

nissimum. Certum est Eadveardum  
 tertium, hunc locum coluisse, ibidem-  
 que obiisse. Eundem coluit & Ri-  
 chardus secundus, ejus nepos: Conti-  
 git autem anno Dom: 1397. ut An- 5  
 na Regina Richardi secundi uxor lon-  
 gè charissima, diem Shenii obiret su-  
 premum. Ille verò tanta perturbatus  
 clade loco temerè mala omnia im-  
 precatus est. Nec sic contentus, vim 10  
 etiam, si diis placet, ædibus intulit.  
 Henricus Quintus desolationem loci  
 undecunq; amœni non ferens, splen-  
 dorem illis suum reddidit. Postremò  
 Henricus VII. Regum, omnium sui 15  
 temporis cum ditissimus tum pruden-  
 tissimus bonitate soli, venustate situs,  
 fluminis comoditate, & vicinitate ur-  
 bis illectus, tale ibi opus à fundamen-  
 tis erexit, quale priores non viderunt: 20  
 quale etiam & hujus sæculi delitiæ in  
 immensum auctæ collaudant. Prin-  
 ceptum verò magnificentia operis miri-  
 ficè delectatus, *Richemontis* nomine  
 novam regiam appellavit, quo digni- 25  
 tatis titulo ante acceptum regni im-  
 perium clarissimus enituit:

SINNODVNVM, mons editus in  
 ipso vallis limite, cui nomen ab Albo  
 equo, situm est. Distat enim à Caleva 30  
 plus

- plus minus mille, & quingentis passibus, & fossa cingitur profunda. Re-  
ferunt Atrebares, fuisse illic, Britan-  
nico imperio florentē, castrum ingens,  
5 & memorabile totius provinciæ opus.  
Cecidisse verò illud adfirmant eo  
tempore, quo Danica rabies totam  
latē provinciam devastabat. In præ-  
sentia, ne levissima quidem ullius  
structuræ extant ibi vestigia. Coloni  
numismata Romanorum aratris hîc  
sæpe eruunt. Manifestum quidem hoc  
10 signum loci hominum frequentia o-  
lim celebris. Sunt tamen qui putent  
Danos hîc castrametatos fuisse, orbi-  
lariq; vallo tutelæ causa locū cinxisse.
- 51 SION, à Sione monte speciosis-  
simum cælum designante, appellatio-  
nem accepit. Locus ille quidem, ubi  
nunc Sion, famæ tantum plebeïæ erat  
20 antequam Henrici Quinti regis in-  
victissimi liberalitatem sensisset; Bri-  
gidianæ virgines (chorus, ut tunc  
temporis videbatur, pius) collegium  
25 ambiebat: Princeps ratus positurum  
se opus posteritati spectabile, collegi-  
um magnis instituit sumptibus. Jam  
debellerat Gallos, & cœnobiola in  
Anglia non pauca erant, quæ tan-  
30 quam appendicia, Gallorum cœno-  
bia,

bia, unde & derivata sunt, capita sua agnoscebant. Senserat Princeps in illis fraudem, dolumque subesse, maleque de ejus sentire contra Gallos triumphis. Quare consilio quodam 5 suppressis illis, prædiorum quæ possidebant partem Brigidianis, partem literatorum collegiis contulit.

SVDOVOLCA, Dux australium Volcarum, Nomen ab excellentia 10 sumptum, ut Anglus pro rege Anglorum. Folke autem Saxonice id significat, quod vulgus & plebs promiscua Latine.

SUNNINGVM imminet Tamesinæ 15 ripæ, dextrorsum paulò inferius Readingo. Fuit olim pontificum sedes, & cathedra. Novem hîc numero pontifices fuisse, Severianæ ecclesiæ historia aperte docet. Eorum primus erat 20 Ethelstanus. Postremus verò Hermannus. Hîc beneficio Eadveardi regis filii Ethelredi Shireburnensem nactus episcopatum, utrumque conjunxit, ac unicam sedem Shireburnæ 25 constituit.

T.

T A M A, fluvius oritur Bulburnæ in radicibus Catyenchlanicorum montium, qui locus aliquot passuum 30 millibus

millibus à Pennolega villa splendida  
Rodolphi Veronegi Equitis clarissi-  
mi, & amici nostri, distans est. De-  
fluit per Trengofordam villam rusti-  
cam, per vallem Eilecurianam, &  
Crenodunensem pontem, vicinum  
Tamæ emporio, cui nomen indit.  
Deinde Veteleganum pontem, &  
Durocastrum petit, ac mox penetrato  
10 ponte Isidem ulnis complectitur,  
suumque nomen superbus præfert.  
Hinc fluvii conjuncti cursum dedu-  
centes, uno Tamefis nomine coales-  
cunt.

15 **TEMPLVM**, locus militibus Hie-  
rosolymitanis olim consecratus. Hic  
multi nobiles viri sepulti, inter quos  
nobilissimus fuit ille Gulielmus seni-  
or Polemarchus Angliæ, & Penbro-  
20 chiz Comes, cujus hoc epitaphium  
in Thomæ Rodeburni historia etiam-  
num extat.

*Sum, quem Saturnum sibi sensit Hi-  
bernia, Solem*

25 *Anglia, Mercurium Normannia,  
Gallia Martem.*

**THORNEGA**, Saxonice *Thorne-  
ge*, & *Thorney*. Latine Spinarum in-  
sula, nunc *Westminster*. Locus erat  
30 horridus, & incultus. Sunt qui ad-  
scribant

scribant templum Thornegæ D. Petro positum & consecratum, Mellito Londinensi episcopo, & cuidam ditissimo ejusdem urbis mercatori. Ego hæc aliquando legi Thornegæ in pen- 5  
fili tabula, Sebertum regem orientali-  
um Anglorum filium Sleddæ, & Riculæ filiæ Ethelberti Magni construxisse monasterium Petri in Thorn- 10  
nega, anno à Christo nato. 604. Cui  
& subscribit Ealredus abba Rhiaval-  
lensis in libro, quem de vita Eadveardi regis filii Ethelredi infortunati, edidit.

TRENOVANTUM, Troia nova, 15  
Gallofrido. Sunt qui, oppidum Novantum, interpretentur. Illud interrim ne ad umbram aliquam veri accedit, quod Polydorus tamen affirmat, ut Trenovantum sit oppidum Britan- 20  
niæ mediterraneæ, quod vulgus contracto nunc vocabulo **Cranton** appellat. Constat, Ptolemæo autore, Trenovantes gentem fuisse maritimam ad orientem, ubi nunc Medio- 25  
saxones, & Ostrosaxones. Inter quos fuere duæ illustres tantum urbes, quarum prima recentiori sæculo, Romanis in Britannia imperantibus, *Londinium* à Cornelio Tacito dictum 30  
est,



- est: secunda verò Camudolanum, quæ  
rectius Colunodunum à Coluno flu-  
vio; postea *Coluncester*, vulgò, & cor-  
ruptè **Colchester**. Erit mihi igitur
- 5 Londinum veteri appellatione Treno-  
vantum, id est, urbs, vel oppidum No-  
vantum, donec eruditissimi, & in Bri-  
tannica antiquitate exercitatissimi,  
maturo iudicio certiora referât. Quod
- 10 autem Ptolemæus Londinum Cantii  
annumerat urbibus, aut parum rectè  
illud à cosmographis didicit, aut urbs  
scriptorum incuria suo luxata loco.  
Constat enim his, qui vel summis la-
- 15 bris leviter Britannia descriptionem  
attigerunt, Tamesim perpetuò Cantios  
à Novantibus disparâsse. Quid Lon-  
dino cum Cantiorum urbibus? Ut  
concedam, Londinum suum nomen
- 20 vel à principio retinuisse: An non  
igitur erit Trenovantum, id est, Op-  
pidum Novantum gentis antiquissimæ  
inter quos & situm est? Nihil planè  
obstat, cum in confesso sit Londinum
- 25 inter Novantes, non Cantios, fuisse.  
Cognitum est Novantes, eas incolu-  
isse regiones, ubi nunc Mediosaxones,  
& Ostrosaxones. De hac diximus ali-  
quanto fusiùs in Syllabo dictionum
- 30 antiquarum, quem adjunximus libel-

lo de natali Eadveardi Principis. Hic  
me nunc etiam juvat non inuenitos  
versus cuiusdam poetæ, qui Epiromen  
Britannicæ historiæ scripsit, in medi-  
um producere :

5

——— *Æmula Troja.*

*Mænibus, à Troja nomine nomen  
habet.*

*Nomen ei Nova-Troja datur, post & Trinovantum,* 10

*Utpote corrupto nomine nomen ha-  
bet.*

*Hac est illa polis, cui tres tria dona  
ministrant ;* 15

*Bacchus, Apollo, Ceres; pocula, car-  
men, ador.*

*Hac est illa polis, quam Juno, Miner-  
va, Diana,*

*Mercibus, arce, feris, ditat, adornat, 20  
alit.*

TUESIS, civitas antiquissima,  
rectè, Ptolomæo de nomine cognita.  
Hanc nostra ætas *Berwike* corruptè 25  
mea quidem sententia pro *Aberwike*  
vocat, quod vocabulum sonat ostia  
sinus, vel fluminis. Beda 12. cap. 1.  
libr. Anglo-Saxonice historiæ, ubi de  
orientali sinu Isthmi, qui Scottos ab 30  
Anglis

Anglis dividit, loquitur, Tuēdi me-  
minit. Fuit olim Tuēsis, atque adeò  
hinc maritima omnis ora ad Pertham,  
ubi nunc Fanum Joannis, urbs cele-  
5 bris, quam & muris cinxit rex Ead-  
veardus Longus, Scottomastix ille, in  
Anglorum ditione usque ad Ecfredi  
regis Berniciorum occasum. Scottus  
postea Abrevicum invasit, longoque  
10 retinuit tempore. Eadveardus Lon-  
gus, rex Angliæ, & Scottorum debel-  
lator, urbem recuperavit, & Anglis  
solicite conservandam tradidit.

V.

- 15 VECTA, five *Vectis*, Britannicè  
*Gueid*, vel *Guith*, Anglicè *Wight*, in-  
sula cum Latinis, tum Græcis scripto-  
ribus cognita: Inprimis autem Pro-  
lemæo, Plinio, & Antonino. *Samuel*,  
20 Beulani discipulus, qui annotationes  
in Nennii Britanni historiam scripsit,  
hæc, dum Vectæ interpretationem  
significanter excutit, refert: Quam  
Britones insulam Gueid, vel Guith  
25 vocabant, quod nomen Latinè divor-  
tium dici potest. Forma insulæ ovo  
simillima. Longa quidem est viginti  
passuum millia. Lata verò decem.  
Utrumque insulæ promontorium, sive  
30 extensio usque adeò Isthmi figuram,  
exhibet

exhibet, ut peninsulam faciat. Commodus in Vectam trajectus à Portu magno ad Retham, intervallum septem milliarium est. At ab Hurstano castello, quod ostiis Avonæ fluminis, 5 & æstuario adjacet, ad Sharpenoram, spacium plus minus duorum milliariorum interjacet. Rupes habet litus horrentis. Terra frugum fertilissima, nec sylvæ indiga. Amniculis aliquot 10 commodè alluitur. *Neoportus*, alias *Medena*, unicum insulæ emporium. Villæ præterea plus minus. 24. in quibus ut plurimum non vicatim, sed sparsim habitatur. *Cairbro* nobile olim Rigidiorum, qui Gallicè *Read-* 15 *vers* dicti, castrum in ipso penè insulæ umbilico situm est. Vespasianus qui postea Imperator Ro. hanc primus insulam Romanis vectigalem fecit. 20 At quid in Vecta egerit, penè incertum. Disperiit nobis pars illa hystoriæ Cornelii Taciti in qua scripsit de adventu Vespasiani in Britanniam. Quæ si nunc extaret, Vectæ antiquitas, at- 25 que adeò Britannia ipsa longè clarius eluceret. *Suetonius* Tranquillus in Vespasiano hæc scribit: Insulam Vectem Britannia in deditionem redegit. *Henricus Huntendunensis* se- 30 cundo

secundo suæ historiæ libro docet quò  
pacto Cerdicius primus Visisaxonum  
rex, comitatus Kinricio filio suo bello  
devictos Britannos Vecta expulerit:  
5 utque post quartum victoriæ annum  
eandem dono dederit Stufæ, & Wit-  
garo suis nepotibus. Quo in loco  
mihi quidem videtur Asserii autori-  
tatem sequi, qui eadem significanter  
10 in Osburgæ reginæ Visisaxonum, &  
matris Ealfridi regis genealogiâ ex-  
primit. Servierat jam diu Idolis  
Vecta, imperio regulorum Saxonici  
generis audiens, conculcatâ vi barba-  
15 rorum Christianâ religione, cum Ced-  
valla Britannus Arvaldum regulum,  
filiosque ejusdem duos victor è medio  
tolleret, & suo insulam adjiceret im-  
perio. Hinc Vecta Christianismum  
20 recepit, prædicante evangelium Hil-  
dilâ, eò ab Wilfrido episcopo Ceole-  
segano, quod nomen Latine [vitulo-  
rum marinorum insulam] sonat, nissos,  
unâ cum Beorwino Wilfridi episcopi  
25 nepote. Partem verò insulæ dedit  
Princeps Wilfrido, quem impensè  
diligebat. Hæc Beda. 15. cap. quarti  
libri historiæ Anglo-Saxonum. De  
Vecta fusiùs dicemus in libro de insu-  
30 lis Britannicæ adjacentibus.

VENTA Belgarum. Britannicè;  
 ut nunc loquuntur, *Cair Oder nante*  
*Badon*. Unde licet conjecturam facere  
 nomen urbi recentioribus sæculis O-  
 deram fuisse. Additum verò est *nante* 5  
*Badon*, perinde ac si diceres, in valle  
 Badunensi. Nam Balnea urbs cele-  
 bris memoriæ hinc distant decem  
 millibus passuum: *Nante* propriè  
 significat vallem in qua fluvius labi- 10  
 tur. Ego igitur dicerem *nante Avon* à  
 flumine, potius, quàm *Badon*: id quod  
 lucidius, & significantius esset. *Odera*  
 nomen fluvii, cuius & appellationis a-  
 liquot & hodie in Britannia, ac Ger- 15  
 mania esse dignoscuntur. At Avo-  
 nam fluvium qui hanc urbem alluit,  
 nomine Oderæ aliquando dictum fu-  
 isse, legi planè nunquam. Est conjectu-  
 ra ex uno Antonini loco Avonæ eti- 20  
 am nomen urbi inditum fuisse. Sed  
 valeant conjecturæ. Ptolemæum in  
 præsentia sequar. Ille verò sic scribit:  
 Dobunis subjacent Belgæ, & urbes I-  
 schalis, Aquæ calidæ, Venta. Ex hoc 25  
 loco utrunque apparet Ventam eam  
 olim fuisse urbem, quam Saxones  
**Brightstow** postea appellabant. So-  
 nat enim Latine illustrem locum, quæ  
 vox non multum à Venta abludit. 30

*Guine,*

*Guine*, five *Guenne* Britannicè id significat, quod album, quod pulchrum, quod conspicuum Latinè. Erant & alix tres præclarissimæ civitates famæ  
5 in Britannia hoc cognomento celebres. Quarum una Venta Sylurum, quæ nunc *Cairguent*, ut ex Antonino colligo, erat. Hæc tota concidit. Ruderera apparent in Demetia, quæ itur à  
10 Strigulia aliàs *Chepestow*, ad civitatem Iscanæ legionis. Et quoniam in Striguliæ mentionem incidi, lubet Nechamii de hac urbe distichon non invenustum ex ejus, de Sapiaientia di-  
15 vinâ, libro desumptum promere.

*Intrat, & auget aquas Sabrini fluminis Osca*

*Præceps, testis erit Julia strata mihi.*  
20

Annotaverat hæc quidam in margine codicis: Strata Julia, cujus pontem construxit Julius, quod vulgò Strigolium dicitur. Sic ille. Mihi tamen vix placet Annotatio. Non me fugit Plinium alio Sylures statuisse loco, videlicet ad Canterrenum Scottiæ promontorium, unde brevissimus in Hiberniam trajectus. Secunda est  
30 Venta Simenorû, quæ modo *Winton-cestre*,  
3

**tetres**, quam & aliqui **Bristolliæ** urbi  
 ascribunt. Tertia, **Venta Icenorum**  
 nomine gaudebat, quam hodie appel-  
 lant **Northwicke**, cujus nominis an-  
 tiquitas etiamnam apparet in fluvio 5  
 urbem alluente, quem vulgus **Wannen-**  
**nesunne** vocat. **Venta Belgarum** ini-  
 tio urbs ampla non fuit. Aucta est à  
 Saxonibus. Postremò, ponte facto,  
 Ruber clivus ad sinistram **Avonæ** ri- 10  
 pam urbi additus, & muro septus forti,  
 quo tempore **Gulielmus Comes**  
**Claudianæ** præfuit provinciæ, & max-  
 imè **Ventæ** suæ.

**VEROLAMIUM**, sive **Verulamii** 15  
 um, Saxonice **Werlamcestre**, & **Wata-**  
**telingcestre**, ut scribit **Henricus Ve-**  
**nantodunensis** primo historiæ suæ li-  
 bro, ubi de quatuor Viis publicis  
 tractat. Legi aliquando urbem à vi- 20  
 cino fluvio **Uerlume** nomen primi-  
 tibus accepisse. Ex **Uerlume** fecerunt  
 recentiores **Vere**, decurrata altera vo-  
 cabuli parte. Et mox **Verus** fluvius  
 sublata E litera, & M. præfixa, fit **Mu-** 25  
**rus**, quæ appellatio vel hodie extat,  
 habetque palatium sui nominis, opus  
 planè regium, Anglice **Morse** dictum.  
**Vilibaldus** Anglus, qui **Bonifacii**  
**Angli** episcopi **Moguntinensis** vitam 30  
 sep-



- septingentis ab hinc, & eò amplius  
annis, scripsit, *Muri* fluvii meminit.  
Admiror interim quid sibi velit Gil-  
das Britannus, qui, nisi codex mendo-  
5 *sus*, pro *Muro* Tamesim in sua histo-  
riola, ubi de Verolamio loquitur,  
supposuit. Hinc facile crediderim  
recentiores imbibisse errorem, qui vel  
adhuc multos possidet, videlicet Ta-  
10 mesim olim alluisse Verolanium,  
quod certè absurdus est, quam ut con-  
futatione prorsus ullà sit convincen-  
dum. Constat antiquitus ingentem  
fuisse lacum propter mania Verola-  
15 mii, qui Offæ regi Merciorum poten-  
tissimo vectigal pendebat. Fluvii verò  
in illis Catyeuchlanorum finibus ce-  
lebres nulli præter Verulumum, aliàs  
Murum, Lugiam, qui Cervi-vadum  
20 nobile oppidum, & Durum, à quo  
Duri vadum, vulgò *Stourford*, nomi-  
natur vicus non incelebris. Cornelius  
Tacitus hæc de Verulamio libro. 14,  
historiæ suæ refert: Eadem clades  
25 municipio Verulamio fuit. Unde &  
Britannicè, teste Nennio in catalogo  
urbium, *Cair* municipi dicta est. Pro-  
lemæus etiam hanc urbem celebrat,  
attribuitque Catyeuchlanorum genti.  
30 Porro & Antoninus eandem depræ-  
dicat.

dicat. Alexander Nechamius in libro  
de sapientia divina encomiastico car-  
mine Verolanium percelebrat. Stetit  
urbs famâ clarissima usque ad Saxo-  
num adventum, & aliquanto post, ut 5  
apparet ex Anonymo, qui facta Alba-  
ni historiæ eleganter commendavit.  
At toties Saxonis concussa bellis  
tandem subito caput demittere cœpit,  
usque adeo, ut paulo post spelunca 10  
latronum viam Vetelinganam obsi-  
dentium esse cœperit : quo tempore  
Offa Merciorum rex potentiâ inter  
Saxones summus, Fanum nobile D.  
Albano in **Holmeburste**, loco extra 15  
muros Verolamii, ejus martyrio sacro,  
posuit. Tum & urbis ædificia, & mu-  
ri minantia ruinam, partim subversa  
sunt in usus novi templi, &  
cœnobii. Utque officinæ cœnobii 20  
indies augebantur, sic decrevit  
Verolanium: Oppidulum quo-  
que inceptum ad Fanum Albani  
multum latissimorum laterum, ex  
quibus veteris urbis ædificia tora pe- 25  
nè constabant, detraxit. Dehinc &  
Wolfinus sextus abba Fani Albani, in-  
finitam vim laterum, & saxorum eò  
abduxit, ut novum oppidum Fani Al-  
bani augeret. Refert Matthæus Pari- 30  
sius

sius in libro de antiquitate Fani Albani quo pacto Ealfricus abba septimus, & Ealredus ejus successor, & Eadmarus nonus, Verolamii ruinas, ad se traduxerint in usus novi templi ibidem ponendi: quod opus à Paulo Cadomenfi postea absolutum est, adjuvante Lanfranco, ut refert Eadmerus, Cantiorum archiepiscopo. Hæc cursim ex penetralibus antiquitatis depromsimus.

VINCHELSEGA, oppidum in ipsius ostiis portus Limeni situm: Fuit antiquior ea, quæ nunc extat Winchelsea, loco quidem humili sita, & violentis fluctibus oceani mirum in modum obnoxia. Hinc factum ut cum accolæ nec sumptibus ullis, nec ingenio calamitatem, quæ à mari oppido imminebat, repellere commodè possent, cogitarent tandem de commigratione. Editus erat locus non longo admodum intervallo distans ab oppido. Et is cuniculos aluit, domino suo Tregosio non contemnendū fructum referens. In hunc accolæ veteris oppidi omnes, oculos, & mentes conjecerunt. Consilio Eadveardi Longi, qui tunc Anglis imperabat, situm futuræ urbis dato pretio cœmunt quem Chro-

Chronicon Fani Albani tam bellè  
 depinxit, ut præ oculis posuisse vide-  
 atur. Fit magnus artificum concursus.  
 Præficitur operi Joannes Chirchebius  
 episcopus Anguillarianus Regi à the- 5  
 sauris. Transferunt eò ex veteri oppi-  
 do quæcunque usus postularer. Tem-  
 poris successu, id est annis sex, vel  
 septem, excrevit novum in immensum  
 oppidum. Additi dehinc muri, & por- 10  
 tæ. Rex ipse invisit locum, & operam  
 laudat: dumque altiore urbem par-  
 tem foris equo insidens collustraret,  
 caballus crepitaculo ventimolæ ter-  
 ritis regem concutit. Ille calcaribus 15  
 usus equum exasperat, unde per cre-  
 pidinem unà cum equo in vallem ce-  
 cidit. desperantibus de ejus vita famu-  
 lis. At ille superum gratiâ incolumis  
 inventus. Hoc ego scriptum nuper 20  
 legi in Chronicis incerti auctoris, quæ  
 à Fano Albani ad Tinnense monaste-  
 rium delata sunt. Placuit nova urbs  
 suis conditoribus. Verus oppidum  
 paulò post omninò desolatum, ac re- 25  
 lictum ludibrio furentis maris. Ab  
 illo tempore Vinchelsega antequam  
 suæ originis viceßimum plenè nume-  
 raret annum, duplicem passa est cala-  
 mitatem, semel Francorum irrupti- 30  
 one,

one, iterumque Hispanorum à Pharo-  
lega invadentium impetu.

- VINDELESORA, oppidum an-  
tiquum, nobile, magnificum, & situ  
5 denique tam amœnum, ut cum alio  
quocunque jure optimo de palma  
contendat, quam & mihi vel in ipso  
castri vertice, quo sol splendidius pla-  
nè nihil aspicit, decentissimè gestare  
10 videtur. Verus illud oppidum, ne  
quis ignoret, aliquanto remotius sta-  
bat à castro, quàm novum. Sed nec  
ejus nomen ad huc periit. Illud certè  
mihi mirum videtur, quòd, cum non  
15 paucis abhinc sæculis tanquam regia  
Saxonum sedes, re ipsa in magno stete-  
rit precio, cum aucupii, tum venatio-  
nis titulo, tam rara de eo fiat mentio  
apud veteres historiæ scriptores. Di-  
20 dici à luculento quodam teste Eadve-  
ardum regem Ethelredi infortunati  
filium Vindelesoranum castrum cele-  
brâsse. Ab eo tempore gloria loci  
perpetuò floruit. Nec quisquam hinc  
25 regum fuit cujus non arriserit oculis.  
Longum profectò esset hîc connume-  
rare res ibi gestas. Eadveardus ejus  
nominis ab imperio Nortomanno-  
rum in Britannia tertius, quem Guli-  
30 elmus Pachendunus historiographus à  
loco

loco natali Vindelëforanum appellat,  
novo splendorem oppido addidit,  
idemque ita castri gloriam vel ad ipsa  
majestatis fastigia extulit, ut omnibus  
facile ingenti admirationi esset. Jam 5  
victor jugum Gallorum, & Scottorum  
duris cervicibus imposuerat, & an-  
nus à Christo nato. 1364. defluxit.  
Ecce Princeps potentissimus, atque  
idem partis spoliis dirissimus animo 10  
ardebat, ut edito opere aliquo illustri,  
magno, memorabili denique, se suum-  
que nomen posteritati vel clarissimum  
faceret. Senferat situm Castri Vinde-  
lesorani, cujus alumnus erat, tam a 15  
mœnum, quàm quod maximè. Sed  
tempus, edax rerum, splendorem,  
juxta ac robur operis incredibile  
quantum vitiaverat. Edicto igitur  
convocat ingentem artificum nume- 20  
rum. Turres, ac muros vetustate fa-  
riscenceis dirui jubet, & amplioribus  
circinnatis spatiis, alta novi operis  
fundamenta jacienda curat, quibus  
postea fastigia omni majestatis genere 25  
elucencia fuere superimposita. Erat  
Gulielmus Perottus nobilis Odvalli  
alumnus, à Vicano oppidulo Avonia  
australis originem ducens, vir rerum  
experientissimus, in flagranti tunc 30  
tem-

- temporis apud Eadveardum gratiā,  
cui cura, & tanti operis moles com-  
missa. Tandem curriculo paucorum  
annorum Castrum regium sumptibus  
5 infinitis supremam artificum manum  
accipit. Erat in castro verus templum  
religione sacrum, & Divæ Mariæ, ut  
memini, dedicatum. Hic instituerat  
Henricus Belloclericus rex Angliæ  
10 quinque presbyteros qui rem divi-  
nam curarent. Pietatem boni Prin-  
cipis optimus Princeps laudavit, se-  
cumque cogitare cœpit, quo titulo il-  
lustre opus illustrius redderet. Iniro  
15 maturè consilio statuit novi operis  
templum sacrum D. Mariæ, & Geor-  
gio martyri. Præsidem quoque ibi-  
dem, ac duodecim Canonicos ex ea  
Sectâ, quos præbendarios vocant, in-  
20 stituit: utque collegii sui splendor  
novo, & nitido dignitatis calculo la-  
tius eluceret, nobilissimam conscrip-  
sit societatem Equitum, auream Pe-  
risceliden sinistra tibia ferentium, cui  
25 hic versiculus Gallicè inscriptus erat:  
*Honi soit qui mal y pense.* Jam ageba-  
tur annus imperii Eadveardini 23.  
cum chorus viginti & sex Equitum  
Perisceliden ferentium bonis avibus,  
30 & læto omine designaretur. Rex de-  
missis

missis chlamidibus ex tenui & molli  
panno colores, nunc roseos, nunc vio-  
laceos, purpureos utrosque præscrip-  
sit. Interior pars chlamidis regiæ ob-  
ducta sindonæ alba, sed byssina. Re- 5  
liqui Equites sacræ vestis interioris  
sinus pelliculis niveis, quas vulgò Ar-  
mineos vocant, bellè exornant. Præ-  
sidis chlames numerosa, & collucente  
periscelide ornatissima principio ex- 10  
titit. Reliquorum, ut quisque titulo  
dignitatis enituit, ita & in talari veste  
præscriptum periscelidum numerum  
religiosè observabat. Cucullus etiam 15  
unà cum prominula appendice olim  
egregio & capitis & colli ornamento  
cultui Equitum superadditus. Acces-  
sit ad splendoris coronidem Periscelis  
aurea gemmis adamantinis, veluti  
quibusdam stellulis, interpolata, quod 20  
& Regium fuit. Cæteri autem tibi-  
am auream tantum periscelide cinge-  
bant. Numerus Periscelidum in veste  
longa non compareret: unica nunc in-  
signis est. Color in veste unus Viola- 25  
ceus restat. Hujus sodalitiî gloria ab  
eo tempore in immensum usque adeo  
excrevit, ut reges, & Cæsares Perice-  
lidis famam, decusque ambitiosè ex-  
perierint. Quærenti mihi læpiulcusi 30  
de



de Periscelidis origine, relata sunt incerta multa, usque adeò, ut nondum apud me constituerim quid potissimum admittam. Longè præstat silencio originem rei parum mihi constans præterire, quam incerta pro certis pronunciare. Profectò verisimile est præclarum fuisse aliquod facinus, quod nobilissimæ societati primordia tam Augusta pepererit. Sunt qui Periscelidem interpretentur tesseram belli designare. Cincturæ species ea est. Cincti milites sua obibant munia. At quanta interim discinctorum infamia. Exautorati illi quidem erant. Sunt rursus qui dicant Eadveardum signo Periscelidis in sortem dato hostem vicisse. Sunt porrò qui ex Periscelidis circulo orbem virtutum apprimè necessarium Principibus viris colligant. Eadveardus Quartus Plantagenista victor collegium Periscelidis mirum in modum fovebat, & prædiis, adaucto ministrorum numero, donabat. Neque hoc merito finem benevolentiae imposuit. Ad occidentem templi ab Eadveardo tertio constructi novum & ille erexit priori longè magnificentius: sed imperfecto opere obiit. Reginaldus Brajus Eques magni

ni nominis testis, & fastigiis novi  
 templi, ut ego accepi, manum adhi-  
 buit. Quoties autem avidis hoc tem-  
 plum collustro oculis, toties mihi vi-  
 deor absolutum elegantis structuræ o-  
 pus videre. Stabat adhuc vetus tem-  
 plum ab Eadveardo tertio positum:  
 sed cum Henricus Septimus, rex  
 saeculi Phoenix unicus, memoria mor-  
 tis tactus, locum sepulturae suae aptum  
 quæreretur, diruto Eadveardino templo  
 veteri illo, novum à fundamentis lo-  
 co eodem construxit, quod & hodie  
 vacat. Mutaverat enim de sepulchro  
 sententiam, ac alterum, miraculum  
 orbis universi, Visimonasterii incho-  
 avit. Illud non est silentio praetere-  
 undum, quod idem ad junxerit occi-  
 dentali parvi areæ superioris, ubi  
 maxime castrum niter, novum, & ele-  
 gans quadratissimorum saxorum o-  
 pus. Sed neque ejus filius Henricus  
 Octavus flos regum, quotquot Britan-  
 nia unquam vidit, minus de Vindelesora  
 est commeritus. Primis etenim  
 regni sui annis portam maximam, qua  
 ingressus in primam castreri aream, à  
 fundamentis quadrato extruxit saxo.  
 Sed quomodo rapuit oratio? Quam a-  
 gre divellor à Vindelesora aurea qui-  
 dem illa,

